

**Aanyunet**  
Jeffersonville, Indiana, U.S.A.  
63-0901M

1 Kiboikinos. Ayogan naka atupuruc, nginitunganan! Eyalama ajaut toma aijaanakin naka Ejakait atupuruc na, abongun bobo ko...Mam kipou kajenete arai tikipedo abongun arai mam, konye abu Ejakait kijaik erot, ido kipou isio kabongutu kanuka aijaanakin lolo.

Kwana kimuno oni ajaun kapakio nuepolok lolo, atupuruc na, kotoma aisia na naka Nasabiti, kotoma Akirot. Ido lolo kuare ebuni araun aijaanakineta nuka aitangale bobo, nepepe kaijaanakin naka aibil emugati atupakin ngun.2 Kosodi kwana kijaar ka aijaikinio naka ikoku, eyuunit eong e...Onac Neville ajai cut euta alimokin eong ebe ejai itunganan yenekoto ikecekoku kijaikina. Ido arai ti kesi koyangautu ikoku ngin kapakkana, bodo.

2 Ido esalakini onacewok, arai ice kakesi, anaaga arai apiano, idiopet. Kosodete konyet koyaunai ikoku kaju lailo. Kijaun do oni kaijaanakin naka aijaikin; aso tetere do kipedori oni alomar toma, katipet noi kwape kipedoria, toma Akirot.

Naarai, kilelakinit oni ti-ti aipet neejai Akirot. Ngun kes-ngun kes nuepolok, ainakin apakiwok cuticut neejai Akirot naka Ejakait. Aso kiyalama isio kanuka arereng na airiamun ka yes kere kane lolo, ka ai...kosodi na-aijaanakin na.

3 Iburai eong kebucarite. Mam acie ngun, iinac. Eong-eong-aomit ajai. Aciepak kerai ngin aibucaret. Mam acie. Kwana, emalat eong yes noinoi, cut kopone ngopengol. Kaciepak na, aomit eong itorunit mama ejai itunganan ice, itorunit mama ejai itunganan ice, ido ejaiki ngin eraun naetionotionot.

Kwana ejai nginitunganan epupi ejok? [Ebala atukot, "Amen."-Ekewa.]...?...Kimalai Edeke!

[Ebala Onac Neville, "Ena abu kane nepepe ka ngul."-Ekewa.] Kwana, oo, eebo, elu kane ikesa ngul ludidik. Kitimoi. Arai eong, ibuni kereka jo, ekimat? [Eebo, ipa.]

Eebo, aarei anyoika, apesur nukajokak nudidik, ipesur ludidik luenyangaka-akonye! Huh? Ibus ngin. Ingai bo ekekiror? Kongolia ne! [Ebala totoke, "Jennifer Lee."-Ekewa.] Jenny? ["Jennifer Lee."] Jennifer Lee. Ingai bo ekiror lokawasia? ["Serept."] Serept. Aibo ibunitor jo, Iinac Lee? [Versailles, Illinois." Versailles, Illinois. Epone loejjimiar!

4 Kwana, kotoma Obaibuli. Kwana, idila, kesi-kesi ejaatar kesi kwape nat aibatis idwe; mam oni kiyuunit nuka aibatis idwe, mam ber kesi ediakaritotor, naarai edisiak kesi noi. Konye kiyuunit oni nuka aijaikin mama ejai Ejakait. Kwana ekimat ka eong kilosi aidokokin ikoku yen akanin. Jenny, nges ibala jo? [Ebala Onac Neville, "Jennifer."-Ed.] Jennifer. Mam acie.

Ketuluroto akwesiwok.

Papa Lokokuju, kwape katupuruc kana kiyauunit isio ipese yenididi yen, yenenyaritai Jennifer, mamaKon, totoke ka luminan ayautu ngesi kama elwana, kanu aijaikinio mama ejai Ejakait. Kijeni isio ebe ibu Ijo kidokonok akaniniKon mama ajaasi kwa kalu, kotoma apaarasiaKon, ido-ido kobala, "Kocamakisi idwe kopotu mamaKang, kwabo sirikimikata kes, naarai kwa kangul erai Ajakanut naka Akuj." Kwana kiinakini isio ngesi mamaKon, kanuka ajar naka aijaanakin, Kokiror loka Yesu Kristo.

5 Ingai bo ekiror loka ipese yenice? [Ebala totoke, "Connie Lynn."-Ekewa.] Connie Lynn. Mam acie, i Connie yenididi, ijaikinit, ijaikinit jo eong aipup bala adite. Oo, ikuriana jo? Oo, aomit eong mam ngin ebuni aswam, toto. Mam acie.

Ketuluroto akwesiwok.

Ejakait Yesu, eyauunit totoke Connie yenididi yen mamakosi atupuruc na, kotoma aijaanakin naka aijaikinio mama ejai Lokapedor kere. Ibu Ijo koinak ngesi ikoku yen, kanu aitopoloun, ido ejai ngesi eyangaunit ngin mamaKon, nepepe kiinac nadidi. Elipit eong, Papa Lokokuju, ebe ibuni araut loitimonu. Kisirereng ekale lo. Kisirereng ipese yenididi yen. Kwape kidokokinio ngesi akanin, Kokiror loka Yesu Kristo, kijaikinit isio ngesi neijai Ijo kanuka ajar naka aijaanakin. Amen.

Kisirereng Edeke jo ka idwekon ngul ludidik kanen.

Ikatuan, ejaasi oni kidwe luipu noi kwana!

6 Ingai bo ekiror ketelepat kalo Iodidi? [Ebala totoke "Yoel Lee Watson."-Ekewa.] Yoel Lee Watson. ["Yoel Lee."] Yoel Lee Watson. Esapat bo lo lokajokan, akonye nuepolok nubululu! Ikatuan! Aibo iponitotor yesi? [Eastman, Georgia."] Eponitos ko Georgia. ["Um-hum."] Aomit eong ebe irasasi yesi luko Ngalakimak. Mam eong abu kajeni...["Eebo, orekosi eyapie ko Tifton. Ejai kwap ngina." Oo, eebo. Oo, hi! Erai lo etelepat lokajokan, loedit loebunit ko Georgia, bo do, huh? Mam acie, ipa. Eebo, ipa, ejokuka ngun noi. Epedorit ngesi ener, da. Ijo mam?

Ketuluroto akwesiwok.

Papa Lokokuju, kiyaunit isio esapat lodidi lo lominat, kwape ebwoiata totoke ka papake kane kotoma-kotoma nukajokak nuka aimorikikinikec. Idau Ijo ainakin kesi isapat yenididi yen kanu aitopoloun, ido inyakunitosi kesi ngesi mamaKon. Epone loeraar a-a atakanunet naibus nges ti erai na, bala Kana, na kolosek, naabu kilip kanuka ikoku; ido-ido abu Edeke konak nges ikoku, kwabo abu ngesi kinyaku ngin oyekalu loka Edeke, kotoma aijaikinio. Kocamak, wu Ejakait, ebe esapat lo lodidi ebuni araut ebulesitiKon, ebe papake ka totoke eponio aisirereng, ido kojaunotor ka angaleu ka agogong da kanu aitopoloun ngesi. Ido kojar ngesi aijar naeoj, nakaiyalama, ido korau ebulesitiKon, kwape kijaikinia nges mamaKon, Kokiror loka Yesu Kristo. Amen. (Kisirereng yes!) Aitaraun ngesi etunganan loejokuna, aciepak enabi ece bala Samuel.

7 Kwana itelepai iarei lu kane luejokuka noi. Ikatuan! Iuni, cabo do kesi? Ejok, erai ngol ekale kere. Ingaibo ekonikiror? [Ebala esapat, "Mikael."-Ekewa.] Mikael. Kosodi lokon erai? [Ebala locesapat, "Paul."] Paul. Ikiroria luejokuka neteni! Kosodi lokon? [Ebala apese, "Debbie."] Debra. Erai ngin naejok neteni. Mikael, ka Paul, ka Debra. Ido ingai ekirorikon lokawasia? [Ebala papakec, "Ellis."] Ellis? ["Eebo."] Ejok, erai ngol ekale loejok noinoi, kalimok yes.

Ijenete yesi, naanyunia eong ikesa lu ludidik kopone kangol, inyakanari duc ngin eong kau apakio nuaraar eong esapat lodidi. Kwabo kwana do ainerasit namojong erai, ijenete bo yesi, "Icakacakaete kesi akonikeje kwana, kosodi konyet etaukon ekaulo," konye mam eong eyuunit ebe ikwaiknete nen kijaiki oni kes mama ejai Ejakait. Kijaar oni kanuikamunitos kane, ido abu Edeke kibwaik na toma akaniKon. Abu Ngesi kismawau akalimonokinan kotomakon. Enerenena duc eong nuikamunitos angor nueraas akalimonokinak, ijenete yesi, konye ngin kere naerai toto erai akalimonokinan; enata kane atukotoke, teijo, aitopoloun ikesa ludidik lu ejok, naejaar papa iswamai. Ijaasi jo kanuikamunitos jo. Kisirereng Edeke yes kere. Ijaasi yesi ka ekale loejok noi loedit.

8 Papakosi Lokokuju, kipunit isio ka Mikael yenididi yen, etakani bala nges erai ekiyai. Ido kidokokini isio nges akanin, kotoma aijaikinio, neejai Yesu Kristo. Eyangaunit ekekal ludidik kec naarai ibu Ijo kibwaik lu toma akec-aidariokec, kwabo ejenete kesi ebe mam kesi isilosikino, komamei aingarakinioKon, aso do eyangaunitosi ekalekec loedit lo, kanu aijaikiniokec.

Kwana ejaikini eong Mikael mamaKon, kanu aijar naka aijaanakin, Kokiror loka Yesu Kristo. Kopone kangopekangol, kidokokini Paul akanin, ido kijaikinit aijarake neejai Yesu Kristo, kanuka aijar naka aijaanakin kanuka aibuses naka Edeke. Ido neejai Debra naedit na, kidokokini isio akanin mamake, wu Papa, kotoma aijaikinio, aiitunio Yesu Kristo, Loabu kidokonok akaniniKe mama ajaasi idwe ludidik, kobala, "Kocamutu ngul kopotu mamaKang; sirikimikata kesi." Korau aijar naka ipese kayen naisirerengitai kotoma Ajakanut naka Edeke.

Kisirereng papake ka totoke da, ido kojarata kesi, aijar naeoj naka aiyalama, aanyun ikecedwe ijaanakinete Edeke. Kilipit isio arereng na kanuka aibuses naka Edeke, kwape kijaikinia kes Kokiror loka Yesu Kristo. Amen.

Kisirereng jo! Kisirereng jo! Iraasi yesi ekale loedit, loejok noi.

9 Eebo.

Inyobo e...Ijenete yesi nu aoomooi eong? Ipesur ludidik edumunete, eraasi nuibusiak kwana itia kolo nearaar eong itelepai yenididi. Eebo, cut. Akonye ngun nutiok nuibusiak! Ingai bo ekekiror? [Ebala totoke, "Joanna."-Ekewa.] Joanna. Ido ekirorikon lokawasia erai...[Ebala papake, "Blair."] Blair, Joanna Blair. Yesi luisesenete kokau kangina, mam tope nges erai nakisimanara? Eebo, ipa. Ido biai bo jo, Joanna, huh? Ileicono motimot, uh-huh, ileicono motimot. Ibore yenididi yenikiminakini.

Ketuluroto oni akwesiwok.

Papakosi Lokokuju, ekale lo loka Blair adumutu ainakinet na mama ejai aimorikikin kec, Joanna yenididi yen. Ido kijeni isio ebe eroko apaarasia nu, naejaar Satan kanginikan, kanu aigogoleonor, kacut apesur nu nudidik. Ido ejenete kesi ebe mam kes isilosikino a-a aitopoloun nges ejok. Ido ekotosi kesi nges kitopolounai ejok, kosodi a-a araut abulesit mamaKon. Ido ejaasi kesi aitopoloun ipese yenididi yen ayongit Ijo. Kosodi kwana eyaunitosi kesi ngesi, kotoma aijaikinio, neijai Ijo. Kidokokini isio akanin mamake, Kokiror loka Yesu Kristo, kwape kijaikinia Joanna Blair nadidi na mama ejai Ajakanut naka Edeke, kanuka aibuses naka Edeke. Amen.

Kisirereng jo, Onac Blair. Kojai Ejakait ka jo.

10 Atupuruc nakajokan, ipa! [Ebala papa, "Atupuruc nakajokan!"-Ekewa.] Erai lo etelepai loejok ne biai! Hey, biai bo jo? Ejok, ikatuan, itakanuni jo ejok karai ti ijo aibelokin airimun kopone kala. Eebo, ipa. Ejaasi kakou naedit naelai, naibus, ka ereet loeupasi kangin. Huh? Ingai bo ekekiror? ["Daniel Mark."] Daniel Mark. Kosodi lokawasiakon? "Mark Kardum."] Hardum. ["Kardum."] Kardum, Daniel Mark Kardum.

Lope kanepokane, Onac Kardum? [Ebala Onac Kardum, "Kwana, eibuga loka Melkerk."-Ekewa.] Eebo, ipa. Aibo ibunitor jo? ["Arai eong kageunet lo alomunit ko New York State."] New York State, irai jo loka Amerika obe, mere. ["Eebo."] Ejok, erai akwap naepol. Ejaasi eong itunga luiboiete kangina. Iboie mamaika ko Plattsburgh. Oo, abu eong kadum alakanar naepol noi ko New York. Alosi eong kuju ngina kede airiamunikang naetupakini, kotoma Oibuga New York, Stone Church kangina. Mam ace. Mam ace.

Kwana, erai ekekiror Mark, nges ibala jo? [Ebala papake, "Daniel Mark."-Ekewa.] Daniel Mark, esapat bo lo loejok ne biai!

Aso ketuluroto akwesiwok.

Ejakait Yesu, kiyaunit isio mamaKon Daniel Mark yenididi, kotoma aijaikinio naka aijarake. Erai najaiikinitai toma akanin nuka papake ka totoke, aitopoloun ikoku yen kotoma aituutuorio naka Edeke. Ido ejenete kesi ebe mam kes isilosikino, aso eyangaunitosi do kesi ngin mamaKon, wu Ejakait, ebe kisirereng Ijo akeijar. Kosodi, kwana, kwape kijenia isio ebe erono apaaran, nakijari isio kotoma. Kiseseni isio ikesa lu ludidik, mam cut isio kijeni anyoika nuitingit moi, konye, kere nupe erai, kimunokina isio kes toma akaniKon. Kidokokini isio akanin neejai ikoku isapat yenididi yen, kasodete aijaikin aijarake mamaKon, kanuka aijar naka aijaanakin kotoma Ajakanut naka Edeke, Kokiror loka Yesu nges kilipitor. Amen.

Kisirereng Edeke jo, onac. Erai ngesi esapat loejok noi. Kisirereng jo, Mark yenididi.

Oo...kes toma, koyautu kes toma,  
Koyautu toma kama komanikoria luka aronis;  
Oo, koyautu toma, koyautu toma,  
Koyautu ludidik neejai Yesu.

Eumokina ngin! Eyalama, iinac.

11 Imwasi ai ajaasi ne Nasabiti, luaponi kilipakinai Nasabiti naatubor, epupi nuajaunos ido kopupi ebe adaun aitangaleun jo? Kikiasi akaninikus, ngul luelpakinitai. Oo, ikatunga, kongoliasi ne, nepetai kes kere.

[Ebala Onac Neville, "Aleluyah! Mam kereka ngun eraas nukaumokin! Kituritete Edeke! Abu eong kajai apupi kama kangin, esabiti kere."-Ekewa.] Eebo, cut. Eong, da. Akoto cut eong araut loeboie, aipup, teijo.

Koanyutu, ejai ibore yeneuta aishwama, yen abuni eong alimokin yes konyet ekaulo, aciepak, teijo, erai ngin-erai ngin yenibus ido koumokina. Ido arai oni...Kiponi oni ener nuikamunitos ngin, kairiamun ace, ijenete yesi, aciepak. Erai bon naejai ageun aishwama, ido kimalai noi kanukeng.

12 Abu eong kajai kwap Kentucky, kwape eswamanana kangolikaru, alosenen kwap ngina. Mam erai bon ebe alosit ameja ikunyukoi, ido ijenete yesi ngun, teijo.

Aso kijaar oni cut kapak nakaibuses, ido kimalai oni Ejakait!

13 Ibusakinit eong alosit kwana, iburai eong alosit ore akaulo naka airiamun kana. Kosodi konyet, ido isio...Konyet do abonguni eong aitorun toma bobo, akaulo apak naedit, alosi New York kanuka airiamun. Ido arai kijaun ka arereng na abwoun apaikin ber apak edit, kanukinyo, isio-kiyalamikin isio ajaun kairiamun ace kane kokanisa.

Kosodi konyet iburai eong abongun, alosit Shreveport. Konyet do kibongori isio ore, ido kipimat ajaun ne kapakio nukaiyeng, arai ekoto Ejakait, ainyakun ekale. Kosodi konyet-kosodi konyet akoto eong a...

Kobuni do airimun kang kotoma Phoenix, kotoma Januari. Erai airiamun naka ngolikaru kangina kanuka Christian Business Men. Ido bala esabiti arai apaarasia atomon eringa ngin, alosi eong aitam aikon-aipagis naepol ngin...Itunga ngul luka Jesus' Name; arai ber Onac Garcia, kede e-e onac ngol lo Spanish kangina kes ajaatar kaibois naeumokina, naepol kangina. Eyapie nape adukioto ngin. Ebuni aisiboikin itunga ilukumin idis, erai naitetet, ido ikecetunga ikidioko noi. Abalasi kesi eong ebe apedori eong aipagis ngin apak adio kere naakotokiner eong. Aibois na ti ayangaar na-na apetar airimokin aditot, okanisa kiton okanisa, aomit eong abuni do eong aibumakin ibore ngin kere koraun airiamun naka aimorikikina naepol, koanyutu yesi, kasodete do aitotol ngin kangina.

14 Kosodi do kipedori oni aipagis eyekalu ngol. Kilosi kwana isio aitagogong arai ipedori oni, kasodete do ajaun ka Christian Men's Convention. Kosodi konyet, aitodol naecauniata akiro nukokekwan, kilosi isio aitam aitemonokin airiamununeta kokwap ko Ngalakimak, kanuka Januari, ka Feburuari, ka Marchi, kotoma akwapin ngun nuko Ngalakimak. Kosodi konyet-konyet alosit...naarai, kigeu isio kopekwana kasodete alosit toma Afirika...Teijo, erai-erai apakio nuetepia akiru ido eroko, ido mam jo ipedori alomar ngina kapak kangin, aso apak naejok kakere kanu alosit ngina nges konyet kokau. Kosodi konyet kikoto ageun, arai kipedori, ko Norway, kosodete abunore kwap airimokin akwap, kasodete aswam alomar toma Afirika, kanu angetakin kokwap kangin, arai ekot Ejakait.

Konye kilipata kanukosi kwana. Ido kimina isio yes, ido ijenete yesi ngun. Aso kimuno oni

nuitelekaaritos kabarara naepol, adepar ngun kere nukipedori oni aswam, araiboot da ber aomit Ejakait aswam.

15 Ido kiyuunit oni, akuare ng, ebuni ajaun aijaanakin naepol naka aitangale. Eyuunit eong ebe ejaun a...Mam eong abuni ener kilema adaun apak naedit bon, naarai ejaun oni aimor naka aibil emugati akuare na. Kwangin do bala adakikan akaisaarei arai akaisauni, kosodete do oni aibwaikin ekokoro loka ailip, ido-ido ajaun kaimor naka aibil emugati. Ido kisukunyunitai yes asalakin ka sio; kiyalamikin isio. Mam isio kijaar ka aimor naegolilai. Erai mama ejai nginikeyuunan kere, nginikeyuunan.

Ido eringa eong kesiomuna Naiwadikatai, mam eong ajeni arai kitulur oni aokokwes, kanu apak naedit. Alosi eong ailip opaperoka lokajokan, Onac Lee Vayle, arai tikingareniki ngesi oni kotoma ailip, ebe kisirereng Edeke Akekirot. Onac Vayle, iswamauni jo ngun kanuwok?

[Onac Lee Vayle ilipi kwana do-Ekewa.] Amen. Kocamak ngun, kocamak ngun, wu Ejakait. Eebo Ejakait. Amen.

16 Kwana kalaunit, kayongit kikunyakini oni Akirot. Kwana akoto eong asiomun, atupuruc na, kamaka Anyoun esula lo12, ido ageun kokoro lo12, ekokoro lo12 ka lo13, kaimoriarit. Ido kopupokisi ejok noi kwana. Kosodi konyet eringa aimor naka aibil emugati na nat kuare, kosiom esula lo12 loka-loka Anyoun, esula kere; naarai cut ekokoro lo11 kane erai akapanakin kanuka erot. Ido kikoto oni adolokin nu kayongit noi kwana. Kwana do ekokoro lo12 loka esula lo12:

*Naarai etori eong akwap nako Misiri akuare na, adanyi da ikiyaik kere kakwap nako Misiri, itunganan ka itiang da; ido etodoli ikatubesia kodekesio luko Misiri: Arai eong Ejakait.*

*Koraas aokot aanyunet mama ijaas kotogoi luijaas: kaanyu eong da aokot, alelengi yes, kwabo mam ejaun atular amudiar yes, naadanyia akwap nako Misiri.*

Elipit kisirereng Ejakait AkirotoKe Nakalaunan!

17 Akoto kwana eong alemun akou naka akirot kanen , bon akirot adiopet naka anyukutan-akany: Token (nges Aanyunet). Aanyunet! Akoto eong ener akirot ngin, arai aisisianakin nukisisia nu nuka Sunday lesson, kotoma akirot ngin "aanyunet." Abala Ebaibuli kane, "Koraas aokot aanyunet mama ijaas." Ido kikoto oni aitwasam akirot "aanyunet."

18 Kwana mam oni ijeni; nasesenia eong esawa, ido naedolio apak, eebo, lu eraas...Kijaar eong ka Nuiwadikatai nuiipu, nuiipu ewadikat ne. Aso mere... Ido kajeni ebe mam abuni ajaun ka yes adaun apak naepol. Ido kikwaikini ai oni ijenuni ebe mam na eraun apak nakawasia nairiamunotor ice kaoni nepepe? Aso katamata ber oni adolokin Ngesi kopone kwape lokayongit. Ajeni eong ebe erai ngin naeninik. Ainaki

Ejakait oni atupuruc naejok kwana, da-da, kanuka aijaanakin, ejok cut. Ido katamata ber oni aidotokin aomisio kwana mama ejai nginibore kere yen-yen kinera nukeng, tetere ebe e...arai ejai idiobore kotoma kanen yenekotokin Ejakait ijo ti ajenun, ebe kiinakinio jo ngin.

19 Ido mam kereka isio kibwoi kane kanu aanyunio. Mam kereka oni kiponi ne ebe tetere luce epedorete aanyun igoen lukepone enyoin kinapit oni. Araiboot...Oni, kiponi oni ne kanuka ibore idiopet, kape abu onacewok kilipia ailip ngin, "Kijai oni kanu aiirar Akirot, Akirot nakibunokinit oni." Kikoto oni Ngin, naarai nges bon ibore yenebuni araut yenikapoulou kere mamawok, ibore kere yenebuni araut ibore ilopet, ibore kere yen-yenelosi aingarakin oni.

20 Kwabo kirai oni itunga lukija atwanare. Itunga kere ejaasi aiwony abear neka Ikar kere. Kwabo do kijaar oni ka apak naetia na kanu aitolomun aseununeta wok ebe aibo kitenarit oni abear. Ido kereka ejai erot iingareniwok; ipedori oni ayangaar ewai edio kere lokikoto aseun. Opone ngol nges abu Ngesi kibwaikinia Adam ka Keba, ido epone ngol nges ibwaikinitor Ngesi oni.

21 Ibusakinit oni aiitunit, ebe mam akiro arai inyo kiswamai oni, arai kikeriaka oni biai, kotoma aijar, arai emamei Kristo kitwakiari do cut oni nginibore kere. Aso arai Ngol, akaulo...Arai erai Ngesi ngun kere nukimuno oni, kiraun bodo oni itunga lubangiok kakere arai mam oni kicamuni Ngin, korai, ido-ido kapodokinitos Ngin. Mere ebe acamun bon Ngin, konye ibuni jo mama ejai ibore yenepol adepar nen. Akaulo jo adumun Ngin, mam iyangari Ngin ido aiperikin okabadi. Ibusakinit aitwasam Nges.

Bala alosit neejai edokita adumun ekia, ido konyet abunore aidokokin ngol okabadi. Arai kilot jo aomare ekia, komat ekia ngol. Arai ejai adeka naitapasi jo, ido kobeite ekia lo aingarakin jo, koyanga do jo ibore yeneinakini ngesi jo; ido korai cut kopone loebalar ngesi kijaikina ngol, naarai kaciepak adakikan adis bon eyangauni aitegelikinet naepol kopone loijaikinia jo ngol. Ido biai kijenia oni...

Konye kotoma ojutene kalo, lolo, apak naedit noi naka aseunetekon kaciepak epedori aitogogong neitebet jo alosit Ikar kere. Koyanga Ngin cut kwape kijaikinia Ngesi jo Ngin.

Aanyunet, "Koraas aokot aanyunet mam ijaas."

22 Kwana inyobo ber, nasodit, erai (token) aanyunet? Erai akirot naidila aitwasam kokidingiwok itunga luineras-Amusugun, kanoinei kane kotoma Amerika. Aanyunet erai e...Kaitebeikin, ebala e dictionari ebe erai token aanyunet, erai aanyunet naka luetacio, etiai loetacitai, teijo; ebe e-e etiai, loetacio, etiai loabakai loedaunitai aitac.

Bala etiai loetacio kagaali arai etiai loetacio kabaasi. Ilosi jo toma kolemoni jo isirigin kon-kon luitutubitai, kosodi konyet einakinete kesi jo aanyunet (atikit), kwabo aanyunet ngin mam epedorio aitwasam kanuka icebore bobo kilema agaali ngin. Ido erai ngin aanyunet, mam ejai ekapuni ngol loka agaali ebe idaunit jo aitac isiriginikon luetutubitai. Erai aanyunet, ido mam jo ipedori aitwasam nges kanuka ibore ice. Mam iswamai korot ece loka agaali. Erai bon naiswamai korot kangol bon. Ido erai ngesi a-erai ngesi aanyunet.

23 Kwana kokwap kane, nukinera oni, ne kigeunitor oni kotoma, erai Edeke elimokini Isirael, "Aokot nuka imerekek kes aanyunet kanukus." Imerekek yenika Isirael, earitai, nges arai aanyunet naepuda Yawe. Ibusakinit korai aokot. Abu Edke kiswamau aanyunet kosodi ainakin Isirael ngin. Ido emamei bobo aanyunet ace naebuni aswam, teijo, mam ecamunio.

24 Mama ejaasi akwapin, erai ngin abangaanut naepol. Konye mama ejai Edeke, erai Ngin nges bon erot. Ibore bon yenipuda Ngesi nges Aanyunet ngin. Ibusakinit Ngin kojai nen. Ido mam kereka jo ipedori ajaun ka aanyunet komam etacitai isirigin luitutubitai kanu erot, konyet do irai jo yenirumit Aanyunet na kijaikini jo arereng naka atubor alosit korot kangol. "Kaanyu eong Aokot, alelengi eong yes." Apak bo na, ebe, arereng bo na, ajenun ebe ijaatar jo, kotomakon, Alelengio. "Kaanyu eong Aokot, alelengi eong yes." Erai ngin nges bon ibore yen ecamuni Ngesi. Emamei bobo icebore yenedepori ayangaar aiboisitiKe; mam ailocokinet, emamei ediini, emamei icebore kere. Eyangaikini Ngin. Abala Edeke, "Ngin bon nges akoto eong aanyun

Mam akiro arai keraas kesi lokedolitos ne biai, arai kejokuka kesi ne biai, arai atia ai aisisiate nakejaatar kesi, epone lokenapitotor kesi, kerai aanyunet nges bon ibore. "Kaanyu eong aanyunet, alelengi eong yes." Arai aokot kes aanyunet ebe-nukipuda Yawe etodolikinitai, ebe keponi kiswamai ngun. Abwoikinitos aokot aanyunet. Ianyutu? Aijar ebe...

25 Kinerit Edeke ebe, "Apaaran nainyamiata, apaaran ngin itwakete." Ido kebu kojaun aijar naponi koyangarai kanuka aijar naka ikeyuunan. Edeke, kotoma aitim, abu kocam ailocokinet kanuka aijar nakaitunganan yen amunauna. Nakebu iKekoku komunaunor ilopet nepepe kadiakar, naka amamus aiyuun Akirot, abu do Edeke loebarit aitim, kiswamau ailocokinet; ido, arai ngin, ibore ice mutan atwanare aibois naka ngin. Emamei ibore ice yen tikepedo aswam.

26 Erai kanuka ngun nges mam apples ka peaches, ka ice da luka Kain, apotu kiswamata. Kibusakinit korai aijar najaatar ka aokot tomake, ido kebu aijar konyou kama ka asubanit, kwana do keraasi aokot aanyunet ebe keponi kiswamai aicorakinet naka Edeke. Kwana, inyoin bo ber epuda Edeke? Aijar; ido aokot etodiaritos ebe kejai aijar nabu kodaun. Aso do keraasi aokot aanyunet ebe kejai aijar naponi koinakinai, ebe kejai ibore yenikebu kotwana, nukipuda Edeke; ebe keponi koinakinai aijar, ido keponi kebukor aokot. Ido abwoikinitos aokot aanyunet, ebe kebu aijar kodaun. Aijar naka itiang kangin yen abala Edeke ebe ibusakinit kolemarai, arai kes aokot nuabwoikinitos aanyunet.

27 E-e-ikamaan yenikeyuunan arai yenetijenaritai nepepe kasubanitike, kanuka aanyunet. Mam eong akoto asalakin aojau naepol kotoma atakununeta nudidik nu, konye, na da tikipedo jo ayangaar aijaanakin kere kotoma adiopot kakesi, konye akoto eong abwoun kane apak edit kanu alimor ngun. E-e-kibusakinit ikeyuunan aitijenaario nepepe kasubanitike. Ianyutu? Arai erai bon ngin asubanit ido-ido kiswamatete kanenice kokinga kangina, kebu ngol kijaik ngin; konye kibusakinit ngol aitijenaario kotoma kangin. Kaitebeikin, kerai ngesi aidokokin akekanin neejai ngin, ber, kanu aitijenaar elopet nepepe ka asubanitike. Kosodi konyet ebwaikinio aokot ngun nepepedoria ngol aibwo kokwap naka aokot. Ibusakinit aokot ajakut kujukeng. Ido arai ngin aanyunet ebe abu ngesi kitejenaar elopet, kwape loegwaunit akiro, ido etogogongit ebe abu yen kilocokino yen mam agwaunit akiro koyanga aiboisike.

28 Aput bo na naibus! Oo, elakuna! Koany keponi kitodolikinai etube, ido nuepuda etube lokalaunan loka Edeke keponi kitodolikinai. Ido kobala Edeke, "Kwana epudakin Eong akonijar," kosodi konyet, na abu-abu-aijar ngin kodiakaria. Abu do yen elocokinio yenimam agwaunit akiro koyanga aibois kangin. Ido arai itiang yenikaokot; mere apple, peach. Ibusakinit ngun ti teniteni cut kisodeleleutu noi aur naka emun mama ejai nginitunganan, ebe kerai aokot. Ido aokot nu, numam tikepedosi alomun kotoma araitoit, alomunete kama ajai yenelocokinio ngin yenimam akiro nuagwaunit. Ido kebu aijar konyou, ngin da-ngin da, aibois keng, ido araasi aokot ejenunet ebe kebu itiang ngin kotwana ido apotu aokot kolomutu kinga.

29 Ido ikamaan ejai ibwaikinit aokot kujukeng elopet, etodiarit ebe arai ngesi loetijenaaritai kotoma alakunio, naarai adau ngesi aitijenaar ilopet nepepe ka...kasubanit, ido abwoete do aokot kanuka aanyunet.

Biai-eumokina ne biai! Aputo bo lolo nanyoin erai ngin! Erai aitupuset naitekooro naka Kristo, bon

cuticut, ikeyuunan lolo ebwoi kokwap naka Aokot nuebukoritai, itijenaara nepepe ka Asubanit. Cut kwape naitekooro kwape-kwape epedoria araut, nuka epone loabu Kristo, mere-mere araut itiang...Koanyutu yesi, a-a abu itiang kotwana, konye arai ngin...

Ibore yenemameete nuegwanit cu kakere yenikijaar oni, aomit eong, ti erai, e-e etiang, i-imerekek. Naakotor Edeke aitijenaar Yesu Kristo, abu kitijena Ngol kwape Imerekek. Ido na akotor Ngesi aitijenaar Elopel, abu Ngesi kitijenaar Elopel kwape ikwenyit, Ajele. Kwabo ajele erai yenimam aronis cut ido yenelai kakere kotoma aijar naka ikweny, kosodi e-e imerekek nges emamete akiro nueroko kakere ido kosegaara kotoma aijar kere naka itiang. Aso koanyutu yesi na...

30 Arai Yesu lo abu Yokana kibatis, ido abala Ebaibuli ebe, "Ido-ido abu ngol koany Emoyo loka Edeke, bala ajele, ebuni kokuju mamaKe." Kanuka ngun arai kerai a...Karai ti korai epeet, arai korai ti ecetiang, e-e einono loka ajele mam cut tikimorikikinos ka einono loka epeet, mam da tikepedo einono loka ajele aimorikikin ka etiang ece kere kilema imerekek. Ido apotu inonosio ngul luarei kimorikikinos nepepe, kanen do apedorete acamanar nepepe idiopet kayenice.

31 Kwana ianyutu yesi ainerunet nasek? Kerai ngin imerekek neabunio nen. Ianyutu? Ianyutu? Kerai ngin imerekek ne nges-nayangauunere nges. Kerai ngin imerekek . Euritai erai imerekek. Itopolounitai, erai imerekek. Ianyutu?

Ido, kanukangun, ngol bon nges epone loka Emoyo lokabeit loepedori aijaun Akirot, loepedori aijaun Kristo. Lucekec kwi etamete, apotu kotamitos adumun Ngin, ido kibwaik Emoyo loka Edeke mama ejai epeet, teijo, itunyunyurikin, ededeng, isinyoono. Mam Ngol esalakini nen. Eporori Emoyo Lokalaunan cut kanepakanen. Mam ekoto aswam ngun.

32 Ido bo arai Ajele kobunite kwap, ido, aibois na Ngin araut Imerekek, ti kojauna nen ecetiang? Ti katipet noi epororit kosodi abongor. Ianyutu? Konye nadumunia Ngin einono ngol loapedori Ngesi aimorikikininor, abu cut Ngin koraun idiopet.

Kosodi konyet a-a-a abu Ajele kingarenik Imerekek, ido koanyutu, abu kingarenik Imerekek toma aario. Kwana, arai Imerekek yenarimaarit Ajele. Ianyutu? Komam apod ne engarenikini Ngin Ngesi, akapakina Ngesi alosit.

33 Abuonokin eong, lolo, naingarenikinio Edeke oni toma a-a aijar naka aijaikin bonik kaileleba ka aijaanakin da Ngesi, abuonokin eong arai tope mam imoyoiwok do kaciepak itepegete, asubite bala kitodiarit ebe, aidupor ejaun abuonokin arai tope kirai oni imerekek? Iany? Iany? Imerekek erai yen erimaana.

Imerekek erai yenijaikin bon-kwape asubanit. Ngesi-mam ngesi-mam ngesi eyangaari, elimori nukeng kilopet. Iperikini jo ngin kwap kosodi atubor ajul awai kamake. Ngin bon nges ibore yenejaatar ngesi. Mam cut ngesi-mam cut elimuni idiobore yenikamunit ngun; erai yenijaikini kwape asubanit nginibore kere yenejaatar ngesi. Imerekek nges ngin. Einakini nginibore kere mama ejai ikeng...ekorari nginibore kere awai, ngesi ilopet ka nginibore kere yenerai ngesi.

34 Ido epone ngol nges ejaar Ekristayot loteni, arai eraas kesi...ijaikinos ikulepek bonik-kwape asubanit, komam epodosi idiobore kanuka akwapin kanu, konye einakinete luejaatar kere neejai Edeke. Ianyutu?

Kwana do kereka arai yen Imerekek yen etekooro, arai Kristo. Konyet do kotoma aario naka imerekek kayen, imerekek yenitiang ko Misiri, aponi kibwaikinai aokot ngun, ido, na eswamaunere ngun, apotu ngun kobwaata kanuka aanyunet, dobodo inyo apote Aokot nuka Imerekek kayen abwoikinit? Ianyutu? Aanyunet ngin ebe kitwakit oni mamawok kikulepek ido kitijenaaritai nepepe kAsubanit wok. Ianyutu? Konyet bodo, Imerekek ka a-ka a-Aokot nepepe kitunganan ngin eraunos luitijenaaritai nepepe, Asubanit ka ikeyuunan. Teijo, kitijenaaritai jo kotoma aijarakon, kanuka Asubanit kon. Ngin nges kitaraunit ijo ibore yenirai jo.

35 Kapak kangin araasi aokot aanyunet, araiboot aitejenunet. Aokot etijenaaritos ebe kebu ikamaan koar imerekek, ido abu kocam imerekek, kosodi aibwaikin aanyunet ngin mamakeng, ebe mam nges erumitos ileic. Mam ngesi apodo arai ingai keseseni ngin, ido ebwaikinitai aiboisit kwa kangin ebe nginitunganan yen atubor kanen apedori aanyun aanyunet ngin.

Teijo, itunga luipu ekotosi araut Ikristayon, ido kesi-kesi-kesi ekotosi aswam ngun kaiyeiyea tetere mam idiotunganan epedori-epedori ajenun ebe eraasi kesi Ikristayon. Araiboot, i-ipaupakec luidicasi ka kesi, ice kakesi eomoomoete, "Eebo, kwana, kongolia, eong-eong-akoto eong araun Ekristayot, konye mam eong akoto Mutan-ka mutan kojenetu ngun." Ianyutu? Eebo, kwana, koany jo, mam ngol erai Eikristayone.

Eikristayone ibusakinit aitodiarit Aanyuneteke, teijo, kiteete itunga kere, kotoma aijar na esesenete itunga kere, koyapesi, korot, naejaar ationis, idiobore kere, kotoma okanisa, kanginiibois ace kere. Aokot kes eraasi Aanyunet, ido ibusakinit aitwasam aanyunet ngin, teijo, araiboot (kemam) mam do aitutuket

da ebuni aswam.

36 Keraasi aokot aanyunet, araiboot aitejenunet, itejenaarit ebe adaun itunganan yen alakun. Kwana, eebo, koanyutu, ajaatar kesi, keponi kolakunai kesi eringa idiobore kiira atakanun. Kanuka aiyuun apotu kesi kibwaikisi aokot ngun. Teijo, eringa ngun kaitebeikin ketakana, aponi kibwaikinai aokot kanuka aiyuun, kiyuunitete ebe apote ngun aismamaun. Eringa anyunyura naka Edeke kitoro akwap, ibusakinit aibwaikin aokot, ber. Arai apak na eyapit noi akaulo na kedaunia anyunyura abukun.

Kwana kijaar oni ka nukisiauna kane nutikipedo oni teniteni cut, aciepak ayangaun ngun toma aomoom kus, kanu apak naedit. Kongolek, eringa ngun ketakana, naarai ebunit apak namam jo ipedora ajaut kAokot nukibwaikina.

37 Aponi imerekek koarai kotoma apak naka atiibong, akaulo na aidario adaun apaarasia atomon kaongon. Ido aponi konyet koarai imerekek kosodete aibwaikin aokot kotoma apak naka atiibong. Idumutu yesi ngin? Mam aanyunet abu kojaun aitodol apak naka atiibong.

38 Ido na nges apak naka atiibong naka atur na nakijari oni kotoma. Erai na apak na atiibong kanuka ekanuka Ekanisa. Erai na apak naka atiibong kanukang. Erai na apak naka atiibong kanuka Aisiirareteka. Auta eong atwanare. Auta eong alosit. Ajai eong alomar kinga, kotoma apak naka atiibong naka Akiro Nukajokak. Ido kidoku oni kuju aitorun toma aitojokio, ka acie da kwangin, konye na nges apak naibusakinitor aibwaikin Aanyunet. Abu eong kalimok yes Nasabiti naatubor ebe kijaar eong ka ibore yenekoto eong alimokin yes nukeng; nges bo yen. Apak na ebeitor yes-mam cut ibusakinit jo aboliar Ngin. Ibusakinit kiswamai. Arai ebuni aismamao, ibusakinit kiswamai kwana. Naarai, kiseseni oni ebe ejai anyunyura ekapakina aitor toma akwap, ido nginibore kama kokwap naka Aanyunet kangin ebuni amudiaar. Aokot, adautu aitejenaar jo. Koany.

39 Naarai, aijar naka itiang mam apedori abongun mama ejai itunganan. Nabukorere aokot, abu aijar koloma kinga, ejena bo sek, naarai arai ngin ibore koponeke. Ido na anyounioto aokot nuka aijar kamake, aijar kwape naegelara kama kaokot...Kwana, aokot kes ainyalunet naka aijar, konye erai aijar ibore yengelara kama ejaas aokot, konye ejai aijar toma aokot. Kwabo mam aijar naka itiang apedori abongun mama ajai ikamaan. Nabukoria ngesi aokot nu nuka imerekek, kerai ngesi aitwasam ainyalunet, naarai ebe a-a aijar adaunit anyoun ido mam apedori abongun.

40 Naarai, mam ngin apedori abunore mam ajai itunganan, naarai aijar naka itiang emameotor ka etau. Mam etiang ejeni ebe imujalal ngesi, ido nges-ngesi cut...Mam ngol ejeni adiakar. Mam ejeni adio, aso kanukangun do erai ibore yenejari kwabo mere etau loejari. Kanukangun do, aijar ngin naka itiang mam apedori abongun mama ajai aijar naka itunganan, naarai mam nges kejaatar ka etau kotoma aijar kaya. Kwana kereka, ejai aijar, aokot; aijar, kosodi etau kotoma aijar; etau nges einono loka aijar. Kanukangun, amamei nges einono mutan kere, arai ngesi etiang, kanukangun apotu aokot kobwaata kanuka aanyunet ebe aponi kijaikinai aijar.

Konye kotoma aibois na nakaibuses, kokwap naka aitutuket kana, ejai atiaketait kiding Aokot ka Aijar. Aanyunet kanuka ikeyuunan lolo nges Emoyo Lokalaunan; mere aokot, ainyalunet, konye erai Emoyo Lokalaunan loka Edeke. Ngol nges Aanyunet naipuda Edeke kanuka Ekanisa lolo. Ibusakinit Edeke aanyun Aanyunet na. ibusakinit Ngesi aanyun Ngin kotoma nginidiopet kaoni.

41 Kanukangun, kwape ejaatar itoribei lukatiibong atakanun, ido kojai anyunyura ekapakina abukunio Kokuju, mama ejaasi atekerin numam eyongitosi Edeke, ido mama ejaasi lumam iyuunitosi komam da eyongitosi Edeke, mama ejaasi lu-luelimoritosi komameotor ka airumet, mama ejaasi iboro lu! Ido atam eong alacun elopet kasodi aijar kokiding kangun, kanu aanyun aibo ber ebwoia ngin, eringa eong kinera iboro lu. Kwana kijari oni kotoma otoribei, ido ejai anyunyura ekapakina ainom, ido kereka ipuda Edeke Aanyunet ebe ijo ilopet ijaunit AanyuneteKe, Emoyo Lokalaunan. Nges bon erot, ido aanyunet na bon ebuni Edeke aleleng, naarai erai teniteni cut Aijar naka Yesu Kristo inyakunitai toma naka ikeyuunan.

Mam aijar naka itiang tikepedo abongun, kanukangun arai do aibwaikin aokot ategerio nuka ekek, acunet ka ategerio nuka ekek; tetere idiotunganan kere yenetubor-kanen, itunga kere, nginitunganan yen itoruni ariri ketogo kangol, ajeni ebe ajai a-a aanyunet okek ngol, naka aokot, ebe kebu aijar kotwana kokek kangol. Amen.

42 Epone ngol ibusakinitor ajaut nepepe ka nginikeyuunan kere lolo, ilelebasi kEmoyo Lokalaunan; Aanyunet ebe Aokot nuka Imerekek nuapona kobukoroi, ebe Aijar ngin nakejai toma naka Imerekek, adau abongun ido ipucakinitai toma nen kosesenete itunga kere, ebe nginitunganan kere yenitori ariri kanen, inerasi ka jo, eseseni ebe edaunitai aibwakin Aokot, ido Aanyunet naka Aijar kangin nakejai toma Aokot ngun ejai mamakon. Iyua do jo kama ejai anyunyura. Ngin bon; mere araut imeeba. Mam, cut!

Aijar naka itiang mam apedori abunore mama ejai ikeyuunan, naarai arai naka itiang, ido erai bon naenera nuka acoikina, itodiarit ebe abeit Asubanit naitekooro abunore.

43 Kosodi, kwana, biai tikepedoria ajaun Asubanit naitelekaarit kajokis itia Edeke Elopel araun Alucet,

Ngesi elopet? Naraunor Edeke akuan, kotoma AokotoKeng Obe nukasubunak, ebe ngun...epone bon lotikepedoria Aijar naka Edeke abongun.

Naarai oni kere kiuritai kanuka aiteper, ido kanukangun aijar naejai toma nen erai naka akwapin, ido mam aijar ngin ebwoi. Erai ngesi ibore yenedaunitai atubokin ka asitelekaar akiro. Mam ijo ipedori ainam ngin. Emamei epone loepedoror ngin ainamio. Emamei epone lo i-i imeimeet ngin. Emamei epone lokitojokaaret ngin. Ibusakinit ngin atwanare! Ngin bon naipudai naejai. Ibusakinit atwanare.

Ido Ailocokinet, Aijar naka Yesu Kristo, ibusakinit abunore tomakon, na da erai Emoyo Lokalaunan, Aanyunet naka Edeke; ebe idau jo acamun Aokot nuka OkokuKe, Yesu Kristo.

Kanukangun do, kotoma apaarasia nuka Wesley arai...Apaarasia nuka Luther, aomitai, "ebe aiyuun." Kotoma apaarasia nuka Wesley, "ebe ainyalunet naka Aokot." Konye na nges apaaran nakawasia, naipudare a-a Aanyunet. Ngin iswamauni, nepepe, ibore idiopet kailleleba kanuka Aurupoorio. Ianyutu yesi ngin? [Ebalat atukot, "Amen."-Ekewa.]

44 Akipi, aokot, ka emoyo kes elomunete naejaar toto adio kere aidoun ikoku. Ibore yenisodit yencilun, kotoma aidoun naejokuna, kes akipi, ibore yenikiareit kes aokot, kosodi konyet yenetupakini nges aijar.

Apotu kangina kolomutu kakuan naka Ejakaitiwok Yesu Kristo; akipi, Aokot, ka Aijar. Ido Ekanisa kere, Ateran, nepepe, erai na eswamaun kotoma aitojokio, aitesegaario, ka aibatisao naka Emoyo Lokalaunan, lo da erai Aanyunet.

45 Kwape ebalatar Iburanian 11, "Lu kere luapotu kilokidaete konapitos imukulen luka amerekekin ka imukulen luka akinei, ido koraas lukican, ka iboro lu kere luapotu kesi kiswamata, konyeca mam aponi kitodolikinai kamameete oni."

46 Ido Ekanisa kotoma apaaran na, ngol loadumu Aanyunet, naka aibatisao naka Emoyo Lokalaunan, ebe adaun abukor Akot ido ebe Emoyo Lokalaunan ejai toma Okanisa; kimamei bodo oni mama ngul epedorete ajarun. Konye emunokina kesi oni, naarai abu Edeke kisumun ebe abuni Ngesi ajaut ka Ngol, ido ebeit itunganan ajaun nen. Mam eong ajeni arai ingai ebuni ngin araut, konye ejai itunganan yenelosi adumun Ngol. Ibore bon yenikamunit eong nges alimonokin Ngol. Erai aswam naka Edeke amoun aur ngin nainerunitai sek. Ebuni ajaun nen, karaida biai. Naarai epote ngul ajaun nen, nginidiopet kakesi, idiopet kanginice; atur naka akipi, atur naka Aokot, kosodi kwana atur naka Aanyunet naka Emoyo Lokalaunan.

47 Ido, kiitutu, Isirael abu kitoru toma oboro luipu, konye arai kotoma apak naka atiibong nges epudakinore aanyunet; mere tupuruc, mere kotoma aitemonokin, apaarasia atomonaongon nuengadatore imerekek. Ajeni Isirael ebe ajai ibore yen abeit abunore.

Kwapekwangin abu Luther kojoni ngun, kwape kwangin abu Wesley kojoni ngun, kwapekwangin abu Finney, Knox, kojoni ngun. Ngun nges bo Nu. Ajenete kesi ebe abuni apak ajaun naebongunio Epir loka Akim Okanisa. Ajenete kesi ebe abunit apak naetakanuniata iboro lu, konye mam kesi apotu kojarata kiton aanyun ngun, konye amootos kesi ngun.

Ajeni Isirael ebe ajai ibore yenabunit, konye arai toma apak nakatiibong na aponere aokot nuka imerekek kangin, aanyunet, kibwaikinere okek. Konyeca, adaunitai sek imerekek ngin aikiar.

48 Abu duc korai Imerekek ameun erot kere. Kerai Imerekek kotoma apak naka Luther, kerai Imerekek-Imerekek kotoma apak naka Wesley, konye kwana erai apak naka Aanyunet ebe ibusakinit ngolitogo korapitete kAanyunet. Kangolitogo loka Edeke ibusakinit korapitete kAanyunet. Ido Etogo loka Edeke nges Akuan naka Yesu Kristo, ido kanuka Emoyo ediopet kibatisatai oni kere toma Aanyunet na ido kiraun atutubet naka Ngin, ebe, abala Edeke, "Naanyunia Eong Aanyunet na itodiaritai, alelengi Eong yes." Esawa nges bo lo kijaria oni kwana! Oo!

49 Aokot kes etijenaaritos, etijenaaritos ikeyuunan, naarai kebu aijar kolom kinga, mam apedori abongun, aso arai do ngol ajaut ka-ka ainyalunet. Arai do ngol ajaut kosubite bala eraagi, aokot, ainyalunet naetodiarit ebe kebu aijar kolomu kinga kamakec.

Kwana kereka Emoyo Elopel nges Aanyunet. Emoyo Lokalaunan Elopel nges Aanyunet, mere Aokot. Aponi Aokot kobukoro ko Kalvari, erai ngin nakabeit. Konye Aokot, kwape ne enangitos ngun, apotu kobongosi toma oboro lukiswamatere kesi, kama kinyamat lukenyamenene Ngol. Konye, koany jo, toma naka ikurut ngin yen kAokot ajai Aijar naetegeari aitolot ikurut ngin yen kAokot. Arai kerai ngin...Ainyalunet alopet, amamei Aijar kotomake, kanukangun mam ngin apedori alosit. Konye na abunio Aijar toma ainyalunet naka aokot, abu Ngin kiswamau ikurut. Abu kiswamau ikurut Keng Obe, konyet do ikurut akaulo ikurut, koraun do ngol Etunganan. Ido Etunganan ngol arai Edeke, Emmanuel, kotoma akuan. Konye do na abongunio Aijar ngin, abu do ainyalunet kolot mamake, konye Aanyunet nges Emoyo Lokalaunan kotoma Okanisa, ebe esesenete kesi Kristo.

50 Ekoto korai, naarai aberu ka okilenike eraunos idiopet. Eraunos kesi idiopet. Ido kwapekwangin



Ateran ka Kristo araunos Idiopet. Aijaanakin naka Ateran, ka aijaanakin naka Kristo, erai adiopet ngipengin. Ido kiitunitosi, "Abu kewadikak jo eitabo losodit, wu Teopilo, kotoma akiro kere nukegeuni Yesu aswam ido eringa inyikokinit aswam." Mam atwanareKe abu kirebok Ngesi. Mam, cut! Abu Ngesi kobongu bobo. Mere etunganan lokiuniet, konye Etunganan ngopengol nges abu kobong bobo kotoma aput naka Emoyo Lokalaunan, ido ayatakinit aswam; ido iyatakinit, nges abala Eitabo loka Aswamisio. "Yesu Kristo ngopengol bian, lolo, ido kiton ikar kere." Ngol nges Aanyunet. Ngol nges ejenunet.

51 Naetorioto Petero ka Yokana toma orute loanyaritari Lokajokan, aperi kanen etunganan lokengwalit, agwalit ameun kakoik naka totoke, ido kotema ngesi atiar, "Epuesa ka esabu emameete keong; konye ngin yenikijaar eong, kainakini jo. Kokiror loka Yesu Kristo loka Nasaret, konyou kosodi asakasak." Ianyutu? Ido apotu kesi kinerata mamakec, ido apotu kojenuu ebe keraas itunga luemamei aijen ido lumam isisianakinitai, konye kepotu kojenuu ebe kejaasi ka Yesu. Koany, ajai Aanyunet nen, itodiaritari. Koany, "Ngin yenikijaar eong!"

"KokiroriKa irengeanarete yesi ajokin." Mere, "abuni Eong." "Ipote yesi!" "Arai kilimok jo erongat lo!" mere "Arai kalimok Eong." "Arai kilimok jo erongat lo!"

Oo, onac, esawa loka Aanyunet kangin araut naitodiaritari aapu. Kipedori oni asesen ngesi. Kijeni oni ebe kiyapiki oni awasia kwana. Kiyangaunun oni aisiiranareta nukiponesio kere, kanu aitodiar ijenuneta ka nukaumokin da, ido kwana kane kibongu oni kanuka ngun nuibusakinit Ekanisa aswam. Ibusakinit Aanyunet aitodiaritari. "Kaanyu Eong aokot, alelengi Eong yes." Emamei icebore yen tikiswama. Icorakinitai korai Aokot. Kwana, Emoyo Lokalaunan nges Aanyunetewok, kama ejai Edeke.

52 Kwape loepol loka theology, e-e ekesisian, onac loka Baptist, etunganan lokajokan, lokiponesio luejokuka, na abunio ngol mamakang kapak adiopet, kosodi atemar atiar, "Onac Branham," kobala ngesi, "inera jo nuka Emoyo Lokalaunan lo," kotema ngesi atiar, "atiar inyo, mam ngin erai ibore yeikitetet." Kotema, "Kisisianaki isio Ngun erot kere napekolo, kotoma aturio." Ido eong-abu eong katema, ejok, abuni eong...Kotema ngesi, "Kipou isio kadumutu Emoyo Lokalaunan."

Katema eong atiar, "Iwori bo kidumunia jo Ngol?"

Kotema ngesi, "Na eyuunia eong." Ejena bo sek, abu eong kajeni ebe erai ngin aisisianakin naka Baptist, ebe ijo, naiyuunia jo, idumuni jo Emoyo Lokalaunan.

Katema eong atiar, "Konye kereka alimokinit Paul, kotoma Aswamisio 19, mam ajai ekodet, egurupu loka Baptists, ne da ajaar, ekalimonokinan loka Baptist lokera ediopet kotoma lukebu Yokana kibelok, ajai itogogongit kotoma Obaibuli ebe Yesu nges Kristo."

53 "Nakitorio ngesi akwap naimukurur naka Epeso, abu ngesi kodum ikesisiak ice kangina, kosodi ngesi atemar kes ebe, 'Ipotu kereka kodumutu Emoyo Lokalaunan ageun nakiyuuniata?' Kotemasi kesi atiar, 'Mam, karaida aiiirari ebe ejai Emoyo Lokalaunan.'" Kosodi do ngesi aingit kesi epone lokibatisatere kes. Kwabo mam kes kibatisatai Kokiror loka Yesu Kristo, Imerekek yenaponi kijaikinai kwape asubanit. Mam kesi etejenaaritari nepepe ka Ngol, nepecep da. Eyuunitos bon kesi ngun; bala ekia lokesipo kanen, kwabo mam kepotu komata ngol. Abu Paul kicorak ngul aibatisao bobo, Kokiror loka Yesu Kristo.

Ido naabu ngesi kismama nu, abu do Aanyunet kobu mamakec. Aponi do kesi kitejenaaritari kanuka aswamisio ka aanyuneta nuka Emoyo Lokalaunan, ener kotoma angajepa kotomakec, ka aidar, ka aitopolorit Edeke. Aponi kitejenaaritari kes kwape-kwape nepepe kAsubanit kec.

54 Ido Emoyo Lokalaunan nges kijenitere oni. Erai nges kitejenaaritari oni kwape Ikristayon. Mere araut wok imeeban kotoma okanisa, mere aijenewok naka Ebaibuli, mere ebe etia ai nuijeni jo nuikamunitosi Ebaibuli. Erai ebe etia bo ai nuijeni jo nuikamunitosi Ekewadikan, teijo, etia bo Ekewadikan ejari kotomakon. Erai akon-ijo ilopet adaun. Imamei bobo jo. Imarakin do ijo ilopet kwape yenitwanit, ido Aanyunet nges ejari kotomakon. Ido mam Ngin erai ajarakon; erai Ngesi Ngol.

Abala Paul, "Ajar na ajari eong kwana (Ajari ngesi ajar naegelara ka ngin nasek ajari ngesi.) mam erai eong, konye Kristo nges ejari kotomaka." Engin kanen Aanyunet naitejenaaritari ngin naepuda Edeke. Kitejenaaritari nepepe ka awok...Aitijenaaritari nepepe ka Asubanit wok, Ajar naka Eketajaraniwok kotomawok, Emoyo Lokalaunan.

Oo, anyoin a-Aanyunet nakajokan bo na nanyoin! Mam bobo ejaun Aanyunet ace. Oo, ikatuan, arai bon yesi kopedosi aikamun a-a aomisiot naka ngun. Karai eong kajaatar ka-kapedor atupuruc na, nepepe kakiro, alimor ka aibwaikin toma otakon erai ngin kotoma-...mere akiikus, konye otakonokus kosodi jo-jo ti apedor aanyun aitigogonget naka Ngin. Ngin-eyangaikini ngin, ijaikini ngin jo araut yenilajaara noi.

55 Anyoika bo karai jo, kobilite ekisil aswam nukaronok, ido abeit jo alosite ti aitoosao kokooti lokapolon. Ido kojeni jo, ebe arai kedumun jo enyamit emusaago, ebe ibuni jo alosit atwanare, ibuni jo alosit oicolong loka akim naka ekiptei, araiboot agola naka ekwam loeyari, araiboot kere epone loka aario naka itunga naitemokinete kesi kanukon, aciepak arai aikajakinio, arai icebore, itunga aburuokin ai, nupe kere

kerai etube ngol. Ido kojoni jo ebe ijaatar jo...iswamat jo. Ijeni jo ebe iswamat jo, ido ibusakinit jo atwanare arai mam jo idumuni epulida edio loebwoikini jo, ngol loepedori alemun jo kinga naka ibore kangin. Kwana do kereka ti ijo kikitokin epulida lokajokan kakere loipedori jo adumun.

Kosodi do adumun epulida loejok, epulida loetiono, ti jo kipup ebe erai emusaago kon nepetai...ti ijo kibwora ber nepetai, naarai ijaatar jo ka epulida. Konye ti eroko ejai aingiset arai epulida lo epedori aijulakin aomisiot naka ekatubon, araiboot aijulakin atukot naka ikatubok; arai epulida lo ka einer keng loetiono ka aijen naka ikisila, epedori aijulakin ngul, ido epedori aingainga kanuka emusaago kon ka aitogogong da ebe-ebe ibusakinit jo kojar. Konye ca, kotoma kanukeng ngun kere-apedorike naepol ka einer keng loepol ngol loepedori ngesi aijaikin, kosodi aijulakin naka aomisi naepedori ngesi aibwaikin mama ejai atukot naka ikatubok arai nepepe ka ekatubon, ijo-ti ijo-ti ijo...Aciepak imina jo kiyamakin adaun adakikan adis, konye ca ti eringa aingiset ejai toma aomisiokon, "Epedori tope ngesi aswam ngun?"

56 Konye kotoma omusago kalo, Ekatabon Elopel nges eraun Epulidawok. Abu Edeke koraun etunganan. Amamei epulida lotikepedo aswam ngun. Mam oni kipou kapedosi adumun ediopet. Musa, ka Ikisila, inabin, amamei ibore yen tikepedo aswam ngun. Aso abu do Ekatabon kiroti araut kere Atukot naka Ikatubok, Epulida, ka Ekatabon da, Ngesi Elopel; ido abu koyanga atubokinio naka Ikisila toma akaniniKe Obe, kosodi aitac etiai loka ngol, Ngesi Elopel. Etia bodo ai oni kipedori araut lukiyuara? Ido abu Ngesi kijuk AijaraKe Obe abongun mamawok, kwape ajenanut ebe acamu ngesi ngun. Eyuara bo lolo bia!

57 "Eebo, karaida ketor aditot naka etoribe loka atwanare, mam akurianar aronis kere, naarai ijai Ijo keong."

Nairotaria Ngesi araun kere Ekatabon, Atukot naka Ikatubok, ka-ka Epulida da, abu Ngesi kingainga kanuka emusaago wok. Oni, lukiponi kodumun kitelekaaritos akiro kanuka IkisilaKe Obe; ido abu Ngesi kobu ayangaar aibois naka itunganan yen anyamit emusago, nakejai toma aibois nakalaunan. Abu Ngesi koyanga adiakar naka ngol. Abu Ngesi kibwaik ngin mamaKeng kelopet, kosodi atwanare, ka aitac da etiai, kosodi abukor AokotoKe, kosodi ainyakun AanyuneteKe, AijaraKe Obe.

Kanukinyo, kirai oni lukitekoor. Erutar emusaago. Emamei bobo adiakar mama ejai ikeyuunan. Oo, Edeke, kitimoi, arai mam itunga epedorete aanyun ngin, ebe emamei bobo emusaago. "Ngin yeniirari AkiroKang ka aiyuun da Ngol lokejuni Eong, ejaatar ka Aijar naka Ikar kere, kwabo mam elomari toma Atubokinio, konye atubor anyoun kotoma atwanare aloma toma Aijar." Emusago bo ngol kanen. Erutar emusaago! Emamei bobo emusago kanen. Amen! Konyet do kayuwara, kayuwara nepepe ka Aanyunet ibwaikinaitai, na egeunia atwanare aidipidip ekek kokinga kanen, emamei nges ayait. Ianyutu? Eebo.

58 Adaun aibwaikin Aanyunet. Bon ebe Aanyunet nges bon ecamunitai kwana. Teijo, abu Ngesi kiswama ngun tetere Aanyunet ebuni. Aanyunet kerai Aijar naka Edeke.

Ido naeswamaunia Edeke etunganan losodit, abu kitarau ngol okoku. Ido kerai okoku lokemunaara noi ebe abu kopupok aberuke aibois naka Edeke, ido abu aberu kopupok ajokit aibois naka okilenike, ido, naeswamaunotor, apotu ngun komunaasi kes noi nepepe, kiton ayangaun amunaun. Ido ajeni Ngesi, ebe naeswamauniata kesi ngun, apote kesi ayangaun idwe toma akwap. Araitoit naajai kiding naka ekitoi mam apedorio atiror, ido, konyet, natirorere, apotu kesi koyangautu adiakar na mamakec kikulepek. Ido kanukangun ateker kere naka itunga, naaponi kouruunai, ajai toma adiakar. Kanen, amamei erot lolomunet kinga.

59 Kosodi konyet Edeke abunore kwap. Ejai erot ediopet bon lokinyakunet ngol, ngol nges ainyakun nges erai okoku bobo. Kwana ikwaikini ai Ngesi epedori aswam ngun, kwabo kojaas IkisilaKe Obe ebwoete kanen ido kobalasi erai ngol lo "etubokinitai"? Kanen do abu Papa Elopel koluor idiopet kaoni. Ngin nges Imerekek yeniteni. Ngin nges alosikineteKe nakejaatar kotoma aomisiKe.

Kanuka ngun nges etijenaaritere noi imerekek kotoma omanikor loka Eden, kojena ebe apote Imerekek ka Ajele airiamun kadiopepak, naejaunotor Ajele ka Imerekek nepepe. Apak ngin ajeni Ngesi, kotoma kangun ebe, kipedori oni kere ajaut nepepe. Ido akapakina Ngesi aiswamaun asubanit kwa kangin , kwana, ebe apedorio Aanyunet aibwaikin, ebe mam bobo oni kirai lugela, mam bobo oni kirai imo, konye kirai oni odwe ka adwe nuka Edeke. Airotarit kere Adam ka Keba, aberu ka ekiliokit, aimorikikin nepepe, eraasi odwe ka adwe nuka Edeke, kotoma Kristo Yesu, kanuka asubanitiKe naepol.

60 Kosodi, konyet, tetere mam ejaun aibucaret! Ikinyomit yenika aijar kana yenibusakinit airaikinio toma akwap, yenika akuan kana na-ikinyomit yenetwani; kosodi aijar, arai erai aijar naemunaara ejai toma naka ikinyomit, etwakete nepepe kikinyomit. Konye abu Ngesi kibwaik Aijar naka ikar kere tomake kangin kosodi aitijenaar ngin kwape naKeng Obe, ebe kotoma ajarun abuni Ngesi aitajarun ngin bobo, ido emamei ibore yenebuni aolloor. Ianyutu yesi nuabala eong? [Ebala atukot, "amen."-Ekewa.]

61 Engibongin kanen, mam ngin epedori atwanare kwana. Eperi Aijar kokujuke. Erai ngin Aanyunet, eperi kakuan kangin naedit, eperi kokuju kotau ngol loka itunganan kangin. Ejai Aanyunet kuju nen, Emoyo Lokalaunan, ebe erai ngin yenika Edeke. Erai yeniKeng. "Kaanyu Eong Aanyunet, alalengi Eong yes."

Aanyunet nakabeit, Emoyo Lokalaunan nges Aanyunetewok. Kanukangun do, naidumunia jo Emoyo Lokalaunan, idau do jo atubor anyoun katwanare alomar toma Aijar. Kodaunos ngun, naarai ejai Aijar tomakon. Mam bobo jo itwani.

Abala Ebaibuli ebe, "Ngin yeneurio kama ejai Edeke mam iswamai adiakar, naarai mam epedori adiakar, naarai Ekinyomit loka Edeke," amen, "Ekinyomit loka Edeke esalit tomakeng." Ido opone tope ali epedoria ngin aswam adiakar kwabo kojai Edeke loemamei adiakar tomakeng? Naejaar ngesi toma naka Edeke loemamei adiakar, epedori biai ngesi adiakar? Komam apod nuiswamat ngesi, apotu Aokot korapiasi ngesi. Ianyutu? Erai ngesi isubat yenikitetet kwana. Ipudesiake ka alosikinetake da eraasi nuka Akuj, naarai ejulakin ngesi anyoun karaut edoan lokukwai kiton araun akimait. Ipudesiake mam bobo eraasi kwape kolo, ido itodiarit ngesi ngun.

Itemari jo atiar, "Oo, eyuunit eong Ngun." Konye koringa iswamai aronis? Mam! Ingalatai jo. Ianyu? Mam ngin epedori aitodiar ibore bobo ice kilema Aanyunet.

62 Aponi kicorakinai Isirael asalit kwap naka aokot kangun aitodol naponiata ainapeta nuka anyoun. "Mam ilomunete kinga kokwap kangun!" Nakedauniata kesi alomar kwap naka aanyunet kangin, aponi ipucakinai kesi toma nen. "Mam ikunyakinete kanejai ngun!" Apotu kesi kosalakisi nen cut aitodol naadolio kiding kuare kosodete akutakin arupepen. Ido nakutakinere arupepen, apotu amumwar numojong ngun nuka imerekekin kogeutu aruo, kogeuni nginidiopet alomun kinga ka ikeboro, alosit toma akwap naka aisumunet.

Kwapekwangin iswama etunganan arai aberu yenilelebasi ka Emoyo Lokalaunan, ipucario ngol awai, kosodi ayuar kama ejai amunaar kere ka ationis da. Aijarake kere itodiarit ibore yenerai ngesi, kane elosio ngesi kere, aswam kere naiswamai ngesi, kere yen ineratar ngesi. Nairiamunotor ngesi ka angor, nairiamunotor kipaup, nairiamunotor ngesi ka nginibore kere, eperi Aanyunet ngin kanen. Amen! Nadolunio atwanare, "Mam akurianar aronis kere, naarai ijai Ijo keong," eperi aanyunet ngin kanen. Nadolunio ajarun, ejaun ngesi nen, naarai itajaruni Edeke ngesi kotoma apaaran nakawasia. Abala Yesu kwangin! "Kaanyu Eong Aokot, Aanyunet, alelengi Eong yes." Oo!

63 Kiitutu, arai mam aanyunet ngin etodiaritai, aitutuket da abilario. Erai ngin nakabeit. Abilario aitutuket. Amamei a-amamei aitutuket alemar bon ebe amamei aanyunet kanen. Abwoikinit aanyunet aitutuket. Abu Edeke kitutukoto ka kesi, eebo, cut, konye ebusakinit aanyunet ajaun. Mam ngin eswamai, aitutuket mam, arai mam aanyunet ejai nen.

Aciepak epu Iyudayan lu tikepedosi atemar atiar, "Bia ne! Mam eong esutakinit aokot okekika, konye akoto eong aitodikin jo ibore ice, arai eong Eyudayat loekepetai." Mam ngin arai apolouke ngin. [Adoa Onac Branham ekebokorit-Ekewa.]

Aciepak itemari jo, "Arai eong loka Baptist, Presbyterian, Methodist," araiboot kere nupe ikoto jo araut.

Konye, "Kaany Eong Aanyunet!"

Itemari jo, "Arai eong ekeyuunan. Arai totoka ameeba nakokanisa kalo. Arai papaka emeeba lokokanisa kalo. Arai lem eong emeeba ageun nearaar eong ikoku." Mam ngin arai apolouke ngin. [Adoa Onac Branham ekebokorit-Ekewa.] "Mam eong asabi, akoko. Mam eong eswamaenene nu. Eong..." Mam ngin arai apolouke ngin. [Adoa Onac Branham ekebokorit-Ekewa.] "Arai loko Branham Tabernacle. Eswamaenene nu, nun, araiboot kwa. Eyuunit eong Akirot kere."

64 Iyudayan ngul tikepedosi atiar, "Eyuunit eong Yawe!" Kepupit ngesi Aisiiraret naka esawa, arai kiswamat ngesi. Cutibo cut.

Kejaatar kesi ka aisiiranareta nuipu, konye arai Na Aisiiraret naka esawa. Ianyu? Eyuunit eong Aisiiraret naka esawa. Eebo. Aponi aokot kibwaikinai kotoma apak naka atiibong.

Kaciepak kebalasi kesi, "Eong, arai eong Eyudayat."

Ebalas lolo itunga, "Arai eong Ekristayot. Apedori eong aitodikin jo aojau na adau eong arai emeeba. Akoto eong jo alimokin eong neiiritor eong akoko idiobore, arai neiiritor eong aitoosao kadieketa nuka ikisila. Kitodikinai cani neiiritor eong aswam adoteu, neiiritor eong aswam iboro lu kere, arai ibore kwa kangin. Kitodik eong aibois adiopet." Mam bobo ngun erai ibore kwana. Oo, mam. Teijo, mam akiro arai etia ngesi ai ejai toma aitutuket, mam aitutuket iswamai. Erai namam-iswamai.

Ibala jo, "Eebo, arai eong ekesisian loka Ebaibuli."

65 Mam eong apodo inyo irai jo. Arai emamei aitutuket ngin, ejai do anyunyura naka Edeke mamakon. Erai ngin nakabeit. Adau ngin aikamun jo. Eebo. "Kidumunete adikanaretakon ijo." Inyoin bo adiakar? Amamus aiyuun. Mam jo iyuunit Aisiiraret. Mam jo iyuunit Akirot. Mam jo iyuunit aitejenunet naka Aanyunet, Alopel, neabu Ngin kitejenaaror kokidingiwok. Ido ijo mam ibu kiyu Ngin? Mam akiro arai itia jo

ai mam iyuunit Ngin, ibusakinit Ngin kibwaikinai.

Ipedori aciepak ijo atiar, "Eyuunit eong Ngin. Eyuunit eong Ngin. Eyuunit eong erai Ngin Abeit. Acamunit eong Ngin kwape Abeit." Ejokuka bodo ngun kere, konyeca ibusakinit Ngin kibwaikinai.

66 Kanukinyo, Eyudayat ediopet lo ebwoi kanen, kiguri aokot, kwape ajaar imerekek aiwi, kobala, "Yawe nges lo."

Ido abwoi kanen esasedoti, kobala, "Eebo, cut, eyuunit eong ebe erai ngin nakabeit," konye kotogokeng elopet mam ngun ebwaikinitai. Mam ngol akoto aitejenaario elopet kede ekodet ngol; mam, cut, luilamara lu kede kaokot kokek. Mam ngesi ekoto aitejenaario kwa kangin. Mam akiro arai atia ngol ai erai esasedoti, arai etia ngesi ai ejeni Akirot, arai kitopolounitai ngesi ejok nebiai, aswamisio nukiswamat ngesi, arai ketia ai nukeinanakinit ngesi lukican, arai ketia ai nukijaikinit ngesi kwape asubanit!

Abala Paul, "Kejaik eong akakuan aicweo kakim, kwape asubanit; kainak ikaboro kere aitania lukican; kijaar eong ka aiyuun naitobwosi ironan, ka ace kwangin; kenera kotoma angajepa, bala itunga ka imalaikan; ka iboro luce lu kere," ido abala, "Mam eong arai ibore kiton kito Aanyunet aibwaikinio. Aitodol Aanyunet na!" Ngin nges enera eong nukeng lolo, amina. Ianyutu? "Kwana aitodol naibwaikinere na, mam eong arai idiobore." Ianyutu?

67 Mam eong apodo, aciepak irengearitor jo ajokin. Aciepak itangaleunitor jo lukadekak kanuka ailipikon naka aiyuun. Aciepak iswamat jo iboro lu kere. Konye arai emamei Aanyunet ngin kanen, ijai jo kwap naka anyunyura naka Edeke. Ipedori bo jo araut ikeyuunan. "Epote luipu mamaKang kapaaran kangin, ido etemarete, 'Ejakait, Ejakait, mam kereka abu kadwar KokiroriKon? Mam kereka eong abu kerenge ajokin KokiroriKon?'" Eraasi ngul airotarit kere, Methodists, Baptists, ka Pentekostols. Abala Yesu, "Irwa kama ajai Eong, yes lukeswamak nukepali. Mam da ber abu kajeni yesi."

"Konye kaany Eong Aanyunet, alelengi Eong yes." Erai ngin nges eipud loka Edeke loka esawa. Aisiraret naka apak nakatiibong, erai aibwaikin Aanyunet.

68 Adau Satan acakakin aitupuseta nuka iponesio luegelegela, nuka aijangijang akanin, ka aitogogongoeta, ka nginibore kere yen ikoni nen. Kimurwokis ngun! Adolu esawa loibusakinitor Aanyunet Alopset; mere ibore ice yenitupusitai, asubit bala-iyuunit, ailoceta, idiobore.

Esawa bo lo kane loejaar Aanyunet Elopset euta aitijenaar Elopset cut kokiding wok, ido kitogogongite ebe erai Ngesi nges ngopengol bian, ka lolo, ido kiton ikar kere, ido ejai Ngesi cut nepepe ka Akirot. Ibusakinit Ngin kibwaikinai. Etunganan lo ebala ebe ejaatar ngesi kede Aanyunet, kogirite Akirot na, dobo do ngun biai? Teijo, mam jo ipedori aswam ngun. Ibusakinit Aanyunet kojai nen. "Kaany Eong...Eraunos aokot aanyunet mamakus." Kwana Emoyo Lokalaunan, Aijar nakejai toma Aokot, nges Aanyunet mamakon. Kidolokini ngun kotoma apak naedit, teijo. Emoyo Lokalaunan nges Aanyunet. Kodaun emusaago. Eebo, ipa. Kwana, kiitunitos. Ido eong...

69 Mam akiro arai inyo jo, epone loijokunar jo, irwan imwasi ai ikositor jo asomanar kuju-kosodi-kwap, imwasi ai ikanisan ilomaritor araut emeeba, imwasi ai iboro lukajokak luiswamat jo, mam eraun yenikapolou adio da mamakon arai mam Aanyunet ibwaikinitai. Na nges apak naka atiibong. Abu ngin kiswama ejok kotoma apaarasia nuka Luther, abu ngin kiswama ejok kotoma apaarasia nuka Wesley, konye mam iswamai kwana. Mam.

Eebo, aingadit imerekek ajok kapak kangin. Ngul luapotu kotwakata kapak kangin eringa kibwaikina imerekek, aokot, arai ngin naegelara. Eebo, ipa. Apotu kesi kolototo kanuka aomisio nuelaete. Aponio kes ti atubokin arai kesi-kesi keraas...

Arai kinerunitai sek kesi, abu ngin kinom kes. Arai mam ngin abu kinom, mam abu kinom. Kodaunos ngun. Erai cut Edeke. "Ngesi-Ngesi itojoki ngin yenekoto Ngesi aitojok, itimi da ngin yenekoto Ngesi aitim, ido isitelekaari Ngesi akiro ngin yenekoto Ngesi aisitelekaar akiro."

70 Apedori Eyudayat aitoduun kidelelei cut, kanuka akepio, ebe erai ngesi ekeyuunan.

Ejaasi itunga luipu, itunga luka nugeunet, epedorete ayangaar Ebaibuli lo kosodete atemar, "Arai eong ekeyuunan, ido abala Yesu 'kanuka aiyuun' nges kitajaritere oni. Ido arai eong ekeyuunan, konye aibatisao ngin naka Emoyo Lokalaunan erai abangaanut." Apolouke do mam Aanyunet ibwaikinitai. Mere noi, arai etia ai aiyuuniteke, itapalaunitai do ngin.

Kwape cut kakepio naka Eyudayat. Ebala ngol, "arai Eyudayat.". Kanukinyo ibusakinitor eong alomar kinga ngina ido aswam bala ekodet loce ngol loka luilamara?"

71 Abwoi Musa, kuju-ka-kwap korot, kobala, "Ejai kereka aisiraret naka atiibong ne! Ejaun ebe, kawasia naka apaarasia ngun atomon kaluongan, ibuni jo atukokin atukot kere nepepe kosodete ai ar imerekek. Atukot kere naka Isirael eari ngin, aidokokin akecekanin mamakeng, aitejenaar ikulepek nepepe kangin. Ido eponio amwatakin aokot opir, ka acunet naka ekek, kosodi do, 'Kaany Eong aokot, alelengi Eong yes,

naarai eraas ngun aanyunet ebe icamutu yesi atwanare naka imerekek yenabu Eong kejaik kanukus!" Araasi aokot aanyunet.

72 Kwana kereka Emoyo nges Aanyunet. "Kilelebio yes kEmoyo Lokalaunan eringa ketuboro apaarasia nuipu." Ido nabukorere Aokot, aponi kijukunai Aanyunet kwap kApaaran naka Pentekosit, bala ekwam loekusi kagogong.

Arai ngun nges ibore yenapol koiner loka ngolikiyakia. Kerai ngin, "Ipotu kereka yesi kodumutu Emoyo Lokalaunan ageun nakiyuuniata? Kitoronikinos, nginitunganan kayesi, ido kibatisaunos Kokiror loka Yesu Kristo kanuka aisionio naka adiananareta, ido idumunete yesi ainakinet na naka Emoyo Lokalaunan, naarai erai ngin Aanyunet, amen, ebe idau jo atubor anyoun katwanare alomar toma Aijar." Aso konyet yesi. Naabu ngol Im-...Ekanisa ngol loka Iyudayan abu kiyapiyapak adaun, apotu do Imo kikamasi ngin, ka amunaar ngin kopone kangol; kwana alomu ngin kinga, alemun aatongot ngin naka Imo, kanuka EkiroriKe, Ateran.

73 Ianyutu yesi nuabala eong? Ianyutu nuinera Naiwadikatai kane? Arai mam kitodiaritai Aanyunet, mam do aitutuket abuni aswam. Ianyutu? Ibusakinit korai. Naarai kitema jo ebe iyuunit jo, kwabo komam jo itupit aicorakineta nuka Akiror, apolouke mam jo iyuunit. Ianyu? Karaida ekepitai jo. Karaida ilomarit jo araun, ido karaida ibatisatai jo, iswamat jo iboro lu kere kopone kangol; mam kwapekwangin ngun eraasi Aanyunet, Emoyo Lokalaunan.

74 Abu ekesisian lo lokajokan kolot akonye ener keong, kwape sek abalar eong apak adio natubor. Kotema ngesi atiar, "Billy," kobala ngesi, "Abu Aburaam kiyu Edeke, ido aponi kimarakinai nges adolit. Anyoika bobo epedori itunganan aswam kilema aiyuun Edeke?"

Katema eong atiar, "Erai ngin nakabeit, Dokita. Erai naejok. Abu ca jo ngesi kiyu Edeke. Ebalala Ebaibuli kwangin. Itebeikinit jo. Kiton neidolu jo ibunit, itebeikinit jo."

Aleamar bon najaatar ikarotak kwi-kwi-lutomon kaluarei, luapona kiyakiarai adokar laiye airok akwap naka Kanaan, alemar bon najaatar kesi elosete iingaren abear Kanaan, autasi kesi aimedaunun akwap; konye naadolunoto kesi okokoro lokoikor, kogeunete do kesi aigir.

Katema eong atiar, "Yes lua Baptist ijokuka yesi, kwape ejaar neidolotu yesi, konye kereka yesi idumutu Emoyo Lokalaunan? Hum. Katema eong, "Kiitu, abu Edeke kocam aiyuun naka Aburaam. Abu ngol-ngol kiyu Edeke, ido aponi kimarakinai nges adolit, erai ngin nakabeit, konye bodo abu Edeke koinak ngesi aipucet naka akepio, kwape ejenunet, ejenunet mamake." Mere ebe akekuan, ekepitai, kejaatar kibore yenekamunit etauke, konye arai ngin ejenunet ebe abu Ngol (Edeke0 kocam aiyuunikeng.

Ido kijaikinit Ngesi oni ejenunet, loka Emoyo Lokalaunan, ebe acamu Ngesi oni kwape ikeyuunak. Naarai, "Kitoronikinos, ido kibatisaunos Kokiror loka Yesu Kristo kanuka aisionio naka adiananareta, ido idumunete yesi ainakinet naka Emoyo Lokalaunan. Naarai aisumunet erai kanukus!"

75 Kodumutu adeseikinet ngin kwana. Iyudayan, mam akiro arai atia kesi ai epedorete aitogogong ebe keraas kesi luekepitai, konye kiburai aitodiarit aanyunet. Arai kemam kanen, mam aitutuket eswamai. Mam eswamai ba.

Kwapekwangin kwana da, ibore ngipengin. Mam akiro arai inyo iswamai jo, mam akiro arai etia ai neipedori jo-neipedori jo aitetem Ebaibuli. Ipedori bo aciepak jo araut ekesisian loka Ebaibuli. Oh, ikatuan! Ipedori bo aciepak jo atemar, "Arai eong ekeyuunan, ka nginibore kere." Konyeca kwapekwangin eringa ipudai Aanyunet. Ekesisian loka Ebaibuli, itemari jo, "Abu eong karai etunganan loajokuna, Onac Branham."

"Mam eong apodo nuebala idiotunganan, mam jo ipedori aitelekaar etunganan ngol. Mam eong aanyunitor nges iswamat idiobore yenerono, kotoma aijar." Mam ngin ejaatar kangun aswam nepepe kEdeke. [Adoa Onac Branham ebokoritike-Ekewa.] Ejai adiopet bon naipudai, ido ngin bon!

Ido mam kereka jo ipedori aswam ngun. Mam jo ipedori aibwaikin aokot acunet naka ekek, ne, mam aanyunet apedori ajaut dimikito etwanit imerekek. Ido aokot kes keraas ejenunet loka abeit ebe kebu imerekek kotwana!

76 Ido Emoyo Lokalaunan nges Aanyunet nakabeit ebe kebu Imerekek kon kotwana idi ibu jo kocam Aanyunet kojaun mamakon ilopet, naarai AijaraKe obe ejai tomakon. Ianyutu? Emamei aisoswaikin-aiyuun. Emamei aituput-bala. Emamei aituputoor. Ejai Ngin nen! Ijeni jo ngun. Ijeni jo ngun. Ejenete akwapin ngun. Ejai Aanyunet nen.

Mam akiro arai kerai itunganan yenikejok biai. Aciepak kerai ikesisian yenika Ebaibuli. Epedori aciepak araut e...Epedori ngin aciepak araut emeeba edio kere loejok loka ekanisa. Epedori aciepak araut etunganan loejok. Aciepak erai e-e ekengarenon loka ediini. Epedori aciepak araut e-e adoketa nukapolou nuka Roma. Eong- mam eong ajeni ingai bo erai ngin, mam ngun-mam ngun itaraunete ngin

idiobore.

77 Konye, Isirael, ekesisian edio kere loka Ebaibuli ejeni ebe arai Isirael aitupuset naka Ekanisa, becebec, mama ejai akwap naka aisumunet. Ido ngina nges ejai Ngesi alosit.

Konye nadolunio apak naka atiibong, ido kojai alosit ageun, ajai eipud ediopet lo ayongong. Mam akiro arai atia ngin ai erai lem Iyudayat, epone lokajokan lokidaritor ngesi ikeraan, epone lokajokan lokidaritor nges iidunyeta, arai atia ai nukiswamat ngesi, epone lokeraar ngesi imeeba yenejok, arai ketia ai idiopet kotomon luketacit ngesi. Iboro lu kere kejkokuka noi. Ajokuka ngun. Kerai ngesi etunganan lokejok, lokecamunitai kotungake, kwape etunganan loejok. Konye arai emamei aanyunet, naka aokot, abu ngesi komudiar.

78 Oo, elipit kengarak Edeke eong, kairotarit kopekwana ido kotoma atEEPUN da, aitacaun ngin ejok!

Mam akiro, aciepak ilimonokinitor jo Akiro Nukajokak, aciepak irengearitor jo ajokin, aciepak inheritor jo kotoma angajepa, aciepak ikalalator jo, ikositor kotoma Omoyo, konye komamei Aanyunet.

Itemari jo, "Apedori eong aswam ngun?"

Abala Paul ebe ipedori ti jo. "Karaida kener kangajep bala itunga ka imalaikan, karaida kainak ikaboro kere aitania lukican, akakuan aicweo kakim kwape asubanit, kajaatar kaiyuun naitobwosi ironan, ka iboro lu, mam kereka eong arai idiobore." Sirikimunokin ngun. Erai Aanyunet! Mam akiro arai etia ai nuiswamat jo, arai ijokuna jo biai; naimiliauna anyunyura naka Edeke, ebuni ngin acoit Aanyunet bon.

79 Erai ngin Aanyunet ebe edaunitai aitac etiaj, losek epudai. Ido etiaj loaponi kotacai nges Aijar naka Yesu Kristo, ido abu Ngesi koinak AijaraKe. Ido ebonguni EmoyoKe mamakon, kwape Aanyunet ebe ecamunitai jo. Ido idakit jo Aanyunet kamakon, apaaran ka akuar da, mere ebe Nasabiti bon. Erai apak kere, ijaatar jo kAanyunet. "Na eong...Eraunos aokot aanyunet mamakus."

Itemari jo, "Aroko eong eyuunit. Arai eong ekeyuunan." Mam ace ngun. Konye arai kinger jo Aanyunet, opone bodo ali ilosio jo araut ikeyuunan? Inera ngin aitepegit jo. Teijo, inera ngin aitepegit ajenanutukon, ebe irai jo.

Ikesisian Ebaibuli, itunganan yenikajokan, imeeba yenika ekanisa, kere nupe irai jo, mam ngun erai ibore. Eebo, cut. Aciepak erai papakon ekalimonokinan. Aciepak akon-totokon kerai nakalaunan. Aciepak...Erai ngin-erai ngin naejok, ibusakinit ngul abongonokin kanukec ikulepek. Kwape abu eong kalimunitor, aitam...

80 Etamitos itunga aitarauN Edeke papaa ece lo esisi, loepol, emojong, loetumit, teijo, ka ekodet loka ipapai, cut bala lua Rickys ka Elvises, ido, "Emamei ationis kotomakec."

Mere Edeke! Emameete Ngesi ipapai. Erai Ngesi Papa. Ibusakinit kouruun jo bobo! Mam Ngesi erai loepol loenonok kosisi.

Erai Ngesi Edeke loka atubokinio. Ebalala Ebaibuli ebe erai Ngesi. AnyunyuraKe naededeng. Sirijo kipudapud NgIn ido komuno ajokis naka Edeke apaaran ace ayangaar jo, kotoma adiakar kon, ido ayangaar jo toma Akuj. Arai ti Ngesi kismawau ngun, ti bodo Ngesi kitim kere lu kane, ido ti eyangarit Keba. Iyuuni jo AkirotoKe, araimam ibuni jo araut...iraun jo yenimudiaar. Ido naiyuunia jo AkirotoKe, ejaun Aanyunet mamakon. Uh-huh.

81 Ajai atwanare ekapakina ainom Misiri akuar ngin, kapak adio kere. Kerai apak naka etasuro loepol; ipucito kec kere lukalaunak, apaarasiakec kere nuka ipucito, ka apaarasia nuka ailung.

Kebu Edeke kipejok kes. Kebu Edeke kitodiana aanyuneteKe ka aumokineta kotoma kidingikec. Inyobo ngin? Kwana kopala ber apak edit. Kebu Edeke kitodik kes asianutuKe. Kebu koinak kes arereng.

Mam kes apedorete aipeg NgIn. Apotu kotemasi, "Oo, emamei ibore kanen. Erai ngin abangaanut. Erai ngin bon ibore yenejai kuju laije neekulata akipi, ajai aduor nakebu kojaun naka-naka alupot kanakarengan nabu kokulau kinga, ido ngin nges abu kiterengeu angolol." Kosodi do akako abunore. Kosodete do aidodokai aponare. Abu Edeke kitemokinite aibois, kosodi aibwaikin AkirotoKe toma akituk naka enabi. Ido kere nualimuni ngol, apotu kitodolikinos, ido apotu kesi koanyutu ngun. Mam kesi apedorete aipeg ngun.

Ibore yen anyarauni Musa, ngipengin nges abu Musa kodum, kama ajai Edeke, naarai enera bon ngesi Akirot naka Edeke. Kobala Ngesi, "Etarauni Eong jo edeke." Arai Musa edeke mamakec. Ianyutu? Mam kes apedorete atiakun, aso abala Ngesi, "Iraun jo edeke, ido Aaron eraun enabikon. Teijo, ibuni jo asubit bala edeke, naarai abuni Eong ayangaar jo, eprotokon, ido abuni Eong aisub nepepe kajo. Abuni Eong ener ido mam itunga epedorete aipeg ngun, naarai engin cut ejaun nepenen. Nuilimuni jo epote aiswamaun." Oo, ikatuan! "Abuni Eong aitodikin jo iboro ngul." Ikatuan! Ido abu Misiri koany ngun. Apotu koanyutu ngun nape eringa apak naka atiibong, arai nape cut adolio kapak naka atiibong.

82 Abu Ngesi kitodik ngul ajokisiKe. Abu kitodik ebe apedori Ngesi alemar ngun, aitagaleun.

Apotu imurwok kotamata aswam ibore ngipengin, iketuputok. Idumuni duc jo ngul. Ajaasi nen Yane ka Yambure, abwoete ngul kanen. Konye naadolunio toma obore ilopet, mam kes ajaatar kangin. Erai ngin nakabeit. Apotu kesi kotupakisi, apak edit. Konye, akaulo apak naedit, aponi kisideleleunai abanganutukec kotunga kere.

Ido tope mam kereka Ebaibuli abala ebe ebuni ibore ngipengin atakanun kotoma apaarasia nukawasia, "kwape aponiata Yane ka Yambure kobwoikiniata Musa"? Konye aponi kisideleleunai abanganutukec, ido kwapekwangin ejaunor bobo. Ianyutu? Engibongin kanen, itunga luemunaara acoa, luegiritoi kakiro nuka Abeit, Ibore Ilopet. Epedorete bo kesi ajaut ka atukono ka iboro luepolok, ka iboro lukapolok, luikiara, luepolok kotaitaete, konye ebeit esawa adolun kawasia.

Kobwo kicasite nepepe ka Aanyunet! Ngun kes ekoto Edeke oni aswam. Adongakin mama ejai AkirotoKe. Siri kikunyak awai kama ejai Ngin. Abala Ebaibuli kwangin.

Ajai atwanare asurwokin. Abu Edeke kitodikinite kes aitim, abu kitodik apedorosio ka aanyuneta.

83 Kwana kabwoutu ber oni adakika adiopet arai aarei, kosawa kangol kanen. Kaomoomoata ber oni kotoma aomisiowok, kau, ngun nuesumunit Ngesi ebe apote atakanun kotoma apaarasia nukawasia. Mam eong ajeni arai tope mam oni ti ibusakinit angicakin, oni da. Ianyutu?

Kebu Ngesi kismama iboro lu kere, kwabo asalitos kesi mam ekotosi aitoronikin, arai aiyuun aisiiraret naka apaaran kangin. Asalitos kesi mam ekotosi aswam ngun, karaida aponi kitodiarai ngin kakonyenekec, ido aponi cuticut kitejenaritete.

Ido naianyuniata yesi ngun iswamasi, erai aanyunet naka atubokinio naebunit. Ebuni atubokinio atupakin iboro lu. Eswamaenen ngin ngun duc, ido mam na erai naelukakinio. Ianyutu? Atubonikinio etupakini asianut. Kegiri aitim, emame bob ibore ideuna kilema atubokinio. Aso erai ngin duc naetupit.

84 Kwana, ibore yenetakani. Kanginikirot kere naetakanuni komoyo erai aanyunet naebunit kama ejai Edeke. Kocoitos. Koany ebe, kanginikirot kere naetakanuni nakomoyo, nginibore kere yenetakanuni, erai aanyunet. Mam oni kijai ne korai aturiauna. Mam iboro cut eraasi lueturiaunonos aturiaun. Erai aanyunet, kanu-kanu alomaria toma ayuara, katipet. Arai Noa aanyunet mama ejai aketur; Arai Eliya mam ajai nakeng; Yokana arai mama ajai nakeng. Ianyutu? Nginibore kere, Aisiiraret naka esawa, erai aanyunet. Kosesen Ngin, koany nuejai Ngin aswam. Ianyutu? Erai aanyunet. Kanginibore kere ejaatar kapolou.

Ido emamei bobo apak ace natikepedoria epone kAisiiraret kana atakanun. Mam tikepedo abunore kotoma apaaran naka Luther, mam tikepedo abunore kotoma apaaran naka Wesley, mam da ber tikepedo abunore kotoma apaaran naka Pentekosit. Mam tikepedo aismamaun ngun. Ianyutu? Kanen mam...mam etakanunitor ibore kwa kangin, konye ca esumunitai oni kotoma Obaibuli. Ianyu? Kijai oni awasia. Emamei ibore yenitikepedo atakanun, mam ngun tiketakanutu aitodol apak na. Ido ejaasi atakanun kanuka aanyunet. Iumokinit jo arai inyo aanyunet ngin?

Oo, itunga ludidik, onaceka, iinacika, koloma kwap naka Aanyunet kangin, katipet. Ianyutu? Siri, sirikiyanga ailocokinet adio kere. Siri, siri, siri, sirikismama ngun. Ianyutu? Siri kinoma Ngin ainomar bon. Kosal nen aitodol naijenunia cut ijo ebe adaun aibwaikin Aanyunet, aitodol (nakon kaileleba) aomisio nuajaasi toma Kristo ejaunos tomakon, aitodol naenyounio abanganut kere naka akwapin, teijo, aitodol naeraunor eipud loka etau kere nges Ngol. Ianyutu? Ebe, konyet do, ijeni do jo ejai ibore yeneuta atakanun. Abala Yesu, "Etupakinete aanyuneta nu ngul luiyuunete," mere luituputooro-bala ikeyuunak, konye ikeyuunak. Ianyutu? Kwana, mam oni kikoto aidwar ngun, aidwar ngun aidwar; mam ibusakinit jo aswam ngun.

85 Erai Aisiiraret naka esawa aanyunet mama ejaasi ikanisan. Erai aanyunet mama ejaasi itunga. Siri...ijaasi yesi, ikamutu yesi ngun? [Ebalat atukot, "Amen."-Ekewa.] Amuno eong, kateepu, ebe ejaasi kesi da aswam ibore ngipengin, teijo, ka atutubena acie da nuka akwap. Teijo, esawa ngol lo kane. Ejai Aanyunet naibusakinit kibwaikinai, ido emamei aciepak natikepedoria Ngin abunore.

86 Kongolek aitemonokin naka Edeke kanuka apak kangin. Kwana, kwape kijenia oni ebe abala Ebaibuli, "Apotu iboro ngul kere kismamaunos kanuka aitodikinia oni, teijo." Koany, nakapakinor Edeke atubokin Misiri, nasodit ber abu Ngesi kogeu aitemonokin. Inyo kereka abu Ngesi kogeu aswama nasodit ber? Mam cut Ngesi ijulakini ainapetaiKe.

Irwan nasodit, nadumunia Ngesi, naeswama Ngesi aitemonokiniKe, abu Ngesi kiyakiu enabi nepepe kaisiiraret. Ibore yenisodit yenabu Ngesi kismamak iKetunga kerai nges aiyakiun enabi nepepe kaisiiraret.

Ibore yenatupakini yen abu Ngesi kismama, kanu aitijenaar enabi lo, abu Ngesi kiyakiu Epir loka Akim kanu aitijenun, aitijenaar ngin.

Ido ibore yen iuniet yenabu Ngesi kiyakiu kerai nges aanyunet. Erai cuticut ngin nakabeit. Aanyunet,

kerai bo inyo apolou naka aanyunet? Aitogogonget!

Nasodit, enabiKe nepepe kaisiiraret; abu kitijenaar Elopēt kokiding naka...nepepe a-nepepe kEpir loka Akim nepepe kenabiKe; kosodi konyet do Ngesi aijukun aanyunet, ajaun kwap naka aokot kanu, ebe kepotu kesi kocamutu atwanare na naelocokinio aibois kon. Apolouke bodo aokot kes aanyunet naseseni Ngesi, ebe ibu jo kiira aisiiraret, iyuunit Epir loka Akim, ido kibu kocam ailocokinet ngin nakebu Ngesi kijaik kanukon, ido ibu jo kojai kwap naka aokot nuka ainyalunet naka aijar nakebu koloma kinga kanukon. Ikatuan! Inyobo lolo aitekooro na, ibore bo lolo yenitekooro ne biai erai ngin, teijo, ijai jo kwap naka aokot.

87 Kwana ijai jo kwap naka Emoyo, kwap naka Emoyo Lokalaunan. Ianyutu? Ianyutu? Iyuunit jo Aisiiraret naka apaaran, teijo, iyuunit jo a-a-a-a-apedor, e-e-Epir loka Akim. Iyuunit jo ngun, teijo, ido iyuunit jo.

88 Kwana, kwana kongolek, aiyuun Ngin bon mam ilosikino. Mere a-a...Alosit airimirim neejai Ngin, mam erai nailesikino. Teijo, erai ngin ijo aiyatakin amunaar ilopet, "Naarai ngin yenejeni aswam nukajokak, kwabo komam iswamai ngun, mamake erai ngin adiakar." Koany, ikeyuunak ngul lukoikoru, abu Yesu kinerite ibore ngipengin.

Iburanian, esula lo6, "Naarai mam epedor kanuka ngul luadaut kolo ainwakakinio, luaraunos ikamorak luka Emoyo Lokalaunan, kiirata da ajokis naka Akiroto naka Edeke, ka apedor naka ikar luepote, arai kibiroros ainyein ngun, mam epedorete aitetun bobo aitoronikin; naarai ebubukis bobo Okoku loka Edeke kanukec; ido emarata aitutuket naka Aokot, nuaponi kitalaunere kes..." Ainyalunet kanen nges italauni. Mam erai Aanyunet. Mam keraka Aokot eraasi Aanyunet kwana. Aijar nges erai Aanyunet.

89 Mam aijar apedori ajaut ngina, naarai kerai itiang. Ainyalunet nges kerai aanyunet, kerai jo aibwaikin aokot nuteniteni okek. Konye kwana erai Emoyo Lokalaunan. Kijai oni abunokin ngin, kotoma apak naeuriana, kanu aitogogong ngun, teijo. Erai Aijar nges erai Aanyunet.

Adaun nakon aijar, ido itwanit jo, ido atwana aijarakon. Ibwaitai jo kotoma Edeke, kotoma Kristo, kosodete aipucakin toma nen kEmoyo Lokalaunan. Aomisio nuajaasi toma Kristo ejaasi tomakon. Ido Kristo, ka Ebaibuli, ka Akiroto, eraasi ibore idiopet ngipengin. "Arai isalitos tomaKang, AkirotoKa da esalit tomakus, kilipata nuikotosi kere, kiswamakinio." Ianyutu?

90 Abu kibwaik apedor toma cut opon luka Musa, alosit alomar kinga ngina nepepe kAkirotoKe kosodi alimun, ido apotu aidodokai kopotu; abu kolimu, komameunos aidodokai; abu kolimu aijar-komameunos ilac. Amen!

Konye kapak kangin epudai aanyunet kanuka Isirael kere. Isirael kere epudai kamakec aanyunet na. "Ido kaanyu Eong aanyunet, alelengi Eong yes." Oo, ikatuan, ikatuan! Aitogogonget bo na!

91 Isirael elomuni kinga ko Misiri kerai aitupuset naka ibore ilopet lolo. Arai Misiri ekanisa, ido abwoikinit Isirael Ateran. Ido kwape abu Isirael kolomunia kinga ko Misiri, kwape kwangin elomunia Ateran kinga kotoma okanisa. Ianyutu? Naarai ibusakinit kojai ibore nen yenibusakinit Ngin alomun kingake, ido icorakinitali Ngin alomun kingake, aso, arai kerai ngin aitupuset. E-ejai ekanisa toma Misiri, toma akwapin ido toma adiakar, kwabo mam epodo e-e-e nepetai da kanuka Aanyunetekon. Mam da ber kes iyuunitos Ngin. Konye amina Isirael ngin, naarai kerai aitajario mamakec. Oo! Oo! Ibusakinit Ngin ti italakaarit oni, ibusakinit ti kijaik itauonowok...Oo!

92 Kibwakisi Ngin, ekanisa! Kwana siri kiimen. Yesi ipote kwana? Siri, siri, sirikijalak akolong alomar. Siri, siri, siri, sirikiyengu, apaaran arai akuar. Sirikiseu ibucara. Mam ngin ebuni aswam. Iburai jo ajaut kAanyunet!

Itemari jo atiar, "Eyuunit eong. Eebo, alosenene eong. Eong, eebo, eyuunit eong Aisiiraret. Eong..." Erai ngin naejok, konye, ngin-erai ngin naejok.

Konye iburai jo ajaut kAanyunet! Iirasi yesi, Branham Tabernacle? Ibusakinit jo ajaut kAanyunet itodiaritai! Arai emamei Ngin, aiyuunitekon kere erai atitai. Ianyutu? Ibuni jo aijar aijar naejokuna; ipupi jo nuebala Akiroto; ilosenene jo okanisa; itamit jo aijar kopone loetenit; ejokuka ngun, konye mam erai ngun nges Ngin. "Kaanyu Eong Aokot," Aanyunet nges ngin. Ido Aanyunet kane mere nges...

93 Naarai, inyo, Ngesi-kibusakinit Ngesi aanyun ainyalunet nateniteni, naarai kedaunit aijar anyoun kotoma kangun, kerai ngin itiang.

Konye kane erai Ngin AijaraKe Obe nges kejai toma Aokot ngun. Ido ainyalunet kerai bon ejenunet arai aanyunet naka aitalaunio, konye Aijar Alopēt nges Aanyunet; naarai arai emamei akepio, arai emamei Aanyunet, mam da ber jo ijai toma aitutuket. Iswamai ibore ngin kere nepepe. Arai kitema jo ebe irai jo yenekepitali mam ejai Akiroto, ido Ngin bon, iyuuni bodo jo Akiroto; arai iyuunit jo Akiroto, apolouke ejai bodo Aanyunet abunore, naarai abala ngesi, "Kitoronikinos, ido kibatisaunos nginitunganan kayesi Kokiror loka



Yesu Kristo kanuka aisionio naka adiakanaareta, ido idumunete yesi ainakineta naka Emoyo Lokalaunan." Aso konyet do yesi. Oo, ikatuan!

94 Koany bodo aitemonokin kanuka itungaKe luka akwap-naesumunitai. Koany nuabu Ngesi kiswama. Nasodit, ajaatar Ngesi kitunga luabu Ngesi kitemokinite akwap kanukec. Kosodi kwana abu Ngesi kijuka kwap ngina aitemonokinet kanuka ngin, kanuka itunga luka akwap-naesumunitai. Kerai bon kanuka ngul lukinerunitai sek alomar toma akwap ngin naesumunitai, apaaran naka Ateran. Ido epone loabu Ngesi kiswama ngun, abu kiyakiu enabi nepepe kaisiiraret, kitijenaari ngin kede kEpir loka Akim, ido abu kijaik aanyunet napedoriatu kesi aiyengunitor kojenete cut ebe kerai ngin nakabeit. Erai ngin nakabeit. Kerai ngin aitalakaaret naka ngin.

Isirael, elomuni kinga ko Misiri bodo, kerai a-aitupuset. Konye na nges ibore ilopet, naka Ekanisa elomuni kinga kotoma odiinin. Kwana, mam kere eraunos idiinin. Apeleikinit eong Ateran. Ianyutu? Itunga ice, ejaasi ice lueraasi lukobonipe lueraasi lueroko cut kwape ka lukidiinin, kaciepakio eroko adepar da.

Enera eong nuikamunitos Aanyunet naibwaikinitai. Ecamanaros Aanyunet nepepe ka Nginikirot. Ianyutu? Ibusakinit Nges, naarai erai Ngin Akirot. Erai ngin Aijar na sek ajai toma Akirot. "Eraasi Akakiro nukOmoyo; Eraasi kesi Aijar," nges abala Yesu. Ianyutu?

95 Nageunia Musa aijaanakinike kotoma Isirael, nepepe kaanyuneta nuepolok, teijo, abu Isirael kotukokin katipet noi abunore kagorieik kere nuko, Misiri, abunore Gosen, abongun toma aiboisikec, naarai ajenete kesi ajai ibore yen ajai atakanun. Oo, aitupuset bo na!

Oo, epote ngul koKide ka To,  
Epote kakwapin nuelwaka, (erae ngin nakabeit, iiraritosi yesi ekosio ngol)  
Ainumunun nepepe kEkabaka, ainyam kwape epejononiKe,  
Erereng noi ikalotok lu!  
Asesen ereeteKe lokalaunan  
Enokie nepepe kamina naka Edeke;  
Ikamorak lukarereng naka asianutuKe,  
Kwape amor nuketiai kotoma abokoKe ecaete.  
Oo, ebunit Yesi katipet,  
Kodaunos da aitemisiowok.  
Oo, idobo kebu Ejakaitiwok kosawa kalopekalo  
Aomun ngul luemamei adiakar?  
Oo, ngin do einuni tope jo aiyalama,  
Araibo ican ka aburun naepol?  
Naebunio Ejakaitiwok kotoma aibuses,  
Kirimun kaNges kuju toma apak.

Aitodiarit Aanyunet! "Ido etajaruni Eong nges kapaarasia nukawasia." Cuticut! Kijai oni toma apaarasia.

96 Apotu itunga kotukokinos Gosen. Akapakina kesi. Ajenete kesi ebe ajai ibore yen abeit atakanun. Aputosi cut kesi bala...

Koyanga ber atudoj, naedolio apak naka ainotakin aporor, eraasi kesi kere nuekerunete atukokin nepepe. Kapak naka au, kanginibore ice kere, nekapakinor, ejai aijen ace mutan nairiuni kes atukokin.

Emoyo Lokalaunan iriuni itunga!

97 Oo, nakedolio apak kanuka anyunyura naepol naka Edeke acakun, kangini...Apotu atudoj aare kopotu, lokiliokit ka naberu. Kane kopote itolon iare, lokiliokit ka naberu; kane kopote ibalasin iare lokiliokit ka naberu; ejai ibore mutan ice yeniriit kesi, lukinerunitai sek. Luce kwi kakesi apotu komudiaros! Konye ngul luapotu kopuputu ariit ngin abunore toma, ajenete kesi ebe etemonokinitai ataker ngin. Kerai aanyunet ebe abunit akiru. Ajenete ngul ebe abunit akiru, komam apod arai kerai inyo ketakani kosodi nunyoika keomitosi itunga. Ajenete kesi.

Ajai ibore yenikejai tomakec, abala, "Koloma toma nen, katipet noi! Koloma toma nen, naarai ngin bon nges aibois naebuni araut naeyuara." Naarai, abu Edeke kisikapik enabi, abu Ngesi kijuk ataker kwape aanyunet, kobala, "Koloma toma nen," ido abunit kereka akiru. Ido apotu ngul kolomasi toma nen, iyareiyarei. Itiangi kere apotu kolomasi toma, iyareiyarei, toma ataker, naarai kepotu ngul kopotu kwap naka ngin. Komam apod anyoika nuka luce kwi...

98 Ido kere lukokinga naka ataker kangin apotu komudiaros. Kere lukokinga naka aanyunet, naka aokot, apotu komudiaros, nginitunganan. Ido nginitunganan kere yenikokinga naka Aanyunet, naka Emoyo Lokalaunan, ebuni atwanare.

Mam akiro arai ajokuna biai, arai etia ai enaaba loka imeeban luka ekanisa! Epu ngul noi kotoma apaarasia nuka Noa. Epu ngul noi kotoma apaarasia nuka Musa; konye etunganan loabu komen aibwaikin

aokot, kwape aanyunet, arai, abu ngol komudiar. Ngul luabu komen alomar toma ataker, apotu komudiaros. Ngul luemeni abunore toma Kristo, naarai Ngesi nes Ataker!

Ikorinton Losodit 12, abala, "Kanuka Emoyo ediopet kibatisatai oni toma Akuan adiopet." Nakaiyeiyea, mere ekanisa; konye ngin nakaiyeiyea, mere idiinin; Akuan nakaiyeiyea naka Yesu Kristo! "Kanuka Emoyo ediopet," anyukuta nakapolon E-m-o-y-o, Emoyo, "Kitulumoritai oni kere toma Akuan na adiopet." Apolouke bodo ejai Aanyunet okek, naarai ijai jo toma Kristo. Ido kerai Ngesi Ngol, Asubanit kon, Loabu kobwoik atubokinio. Ido naengolekinio Edeke mama kangin, mam ibore epedori Ngesi aswam. Irai yen iyudara cut kwape ipedoria araut, naarai Edeke ka Kristo erai Etunganan ngopengol-elopet ngol, Emoyo aponi kitarau nai akuan kosodi aiboiororoi kaoni. Ido Edeke ngol kanen Ngesi Elopel Obe, ido yes, idwe Keng Obe, toma Akuan. Aso konyet jo, mere ainyalunet, konye Emoyo! "Alelengi Eong ye."

99 Apotu kesi kopotu ko Misiri kere, atukokin toma aibois na adiopet, tetere kes epedorete ajaun kwap naka aanyunet kana.

Ido apotu kesi kama ka Methodists, Baptists, Presbyterians, Lutherans, Pentekostols, nginibore ice kere, ajaun kwap naka Aanyunet. Becebec cut kwape ajaar kapak kangin!

Kerai Epir loka Akim nges abwoikinitai kanen. Ido abu idiopet kolimok yenice yii, ice bobo abu kolimok ice, ice bobo abu kolimok ice, ido, ibore yenisodit ijenete yesi, kane apotu kesi kere kogeutu aponare. Apotu kesi kogeutu aponare, ido apotu kesi kosesenoto aanyunet naka Edeke. Apotu kesi kotemasi atiar, "Aapu atubokinio."

Kosodi konyet enabi atemar, "Abu eong keira kaneejai Edeke. Ebuni aanyunet ajaun. Ido kibwaikisi yesi aokot okek, ido ngin nges ebuni araun aanyunet, naarai ekapakina atwanare ainom."

100 Mere eong kalimok yes lolo, kwape ebulesitiKe, arai mam Aanyunet ejai okek, ejai atwanare nakomoyo elosi ainom. Ido ikanisan kere itenaritos abongor abear-abear aurianet ngin, naka World Council naka Churches. Ejaasi kesi kere alosit abongor toma Catholicism. Ido eraun bon ngul lukabeit, lueuritai bobo, kes elosete asalakin kinga!

Kiitutu, mere idiinin kus luka Pentekosit, naarai adautu ngul sek ajaun toma kangin. Itodiarit ebe eraasi kesi luetwakitosi! Amudiaros kesi. Apotu koinakisi asubanit. Adautu kesi abongor kau. Apotu kesi kibwaikisi Ngol kinga naka ekek, konye emoot Ngesi Aanyunet. Naarai, ibore bon yen apotu kesi komunokinos nges einer kotoma angajepa.

Sirijo kimunokin einer kotoma angajepa, emamei ibore ice bobo. Konye kocamak Aanyunet Alopel kojaun nen, Etunganan ngol Yesu Kristo, AijaraKe Obe kotomakon. Aikep mere bon nu, ngun; konye aikep etunganane kon kere, aitodol ijo ka Kristo araun Ipe. Kristo ejai tomakon, ido AijaraKe ejari kitorunite tomakon.

101 Kwana, kwana, kama ko Misiri kere! Ido kongolek kwana, kwape kianyunia oni nuapotu kesi kismawata, kwape kisesenio oni apak etakanuni, kirai oni luicorakinitai aswam ibore ngipengin. Ipotu tope yesi kojenete ngun? Koanyutu ngun nuabala enabi.

Ido kilosi oni aisiom kwana, arai ikotosi yesi aisiom, kotoma Iburanian esula lo10. Ido arai ikotosi yesi aisiom nepepe keong, akoto eong asiomun ekokoro ediopet arai iarei kane kwana eringa oni kiyatakina alosit akonye. Iburanian esula lo10, ido kageutu oni kokokoro lo 26 loka esula lo 10 loka Iburanian. Mam, eong...Kaanyutu ber. Eebo. Eebo, cut! Iburanian, esula lo10, kosodi ekokoro lo26, koany.

*Naarai arai kilosikinit adikanar nakiidaunia ainakinio...*

Kaanyutu ber oni, eong adumunit tope ngin ejok? Eebo. Erai ngin nakabeit. Eebo.

*...arai kilosikinit adikanar akaulo...na kidaunia ainakinio ajenun abeit, mam esalit bobo asubanit kanuka adiakar.*

*Dimarai aidarit kakurian atubokinio, ka adedeng naka akim naebunit aicwe lokasurup.*

Kane kongoliasi! Yenemwangi ikisila luka Musa etwani komam itimio, kanuka ikajenak iarei arai iuni:

*...biai nanyoin aitanet naitelekaarit noi, bodo, iwomitosi yesi, naibusakinit bodo, yenepudapud-kwap naka akeju Okoku loka Edeke, ido...komunaa da aokot nuka aitutuket, nuapotu kitalaut nges, komor da Emoyo loka asianut loabuni kama ejaasi Aokot ngun?*

102 Ekejaanakinan, emeeba, etunganan lokajokan, etunganan loka iponesio luelaete, ibore kere yenipe irai jo, ido ijeni jo ebe abu Edeke kolema esigala kamakon. Angor, ijenete yesi ebe alema Ngesi ipalei luuriesik, ka-ka itima lueuriaaka, ka nginibore kere, kamaka...Ijenete yesi ebe abu Ngesi kismawa ngun. Konye do arai kibelokin jo kosodi aswam nuemoromoroete, kimar da Aokot nuka aitutuket, kwape kejaatar Ngun, "araut ibore yenimam elaunit," Loetalau jo kosodi ayangaun jo neetia ne!

Bala ikarotak kwi, arai kepotu kesi nepene kuju akwap nakoikor, kosodete aiteluor laingol, ido kotemarete, "Eebo, ajeni eong ebe ejai ngin nen, konye epol noi airebokinete. Kisubit oni bala ibeerei," apotu komudiaros kamoding. Ikeyuunak lukoikoru!

103 Mam cut ibuni aojau naetia ne, kobala, "Eyuunit eong Aisiiraret." Korima kereka jo ekiyakia. Kobia neejai Kristo! Itemari jo atiar, "Eebo, eyuunit eong Nginikirot naineritai, Onac Branham." Ejokuna ngin, konye erai bon ngin-erai bon ngin apedorit aisiom.

Koyanga Aisiiraret, koyanga ngin toma otaukon, ebe ibusakinit jo ajaut kAanyunet, Aijar obe ngin naajai toma Kristo ajaut tomakon. "Kaanyu Eong Ngin, alelengi Eong yes."

104 Kwape kisesenio oni aanyuneta nuepolok nuka apak-nakawasia kakwap lolo, kijeni oni ebe erai ngin nakabeit. Kwana kosesen, edarit lem eong nu, adaun apak naeoj, apak naeoj, kanuka Aisiiraret na mamakus. Ianyutu? Ido idautu yesi aanyun aanyuneta nuka apak-nakawasia. Ido alimonok eong Ngin mamakus, ka aitodikin da Ngin mamakus, kanuka nginibore kere yenabala Kristo. Ngin erai nakabeit? [Ebala atukot, "amen."-Ekewa.] Icamunitos yesi ngun? ["Amen."] Kijai oni toma apak nakawasia. Mam bobo eong etei bala ejai icebore yenideuna.

Ibala jo, "Idobo do emacar loka etiang?" Ngul luegirete Emoyo Lokalaunan eraasi luedaunit sek etiang amacar. Ebuni aitisilaario konye ekaulo. Ianyutu?

105 Ko Isirael, nakutakinere arupepe kokaru loka Eyubil, kangolitunganan...Ianyu jo Kristo, kotoma asiomun ngin? Abu bon Ngesi kosiom atutubet naka ngun, naarai arai bon atutubet nges kerai kanuka apak kangin. Ianyu? "Abu Ngesi kiyakiu Eong aيدر luebilil itauon, alimonokin aosikinio," ka acie da kwangin, teijo, konye, Ngesi, "ka ekaru loka Ejakait loecamunitai." Nece neideuna kotoma kangin, mam cut Ngesi-mam cut Nges abu kosiom ngin; abu Ngesi kiperik anunuket kwap, naarai erai ngin kanuka apaaran kana. Iany? Abu bon Ngesi kosiom ewai loka ngin, ewai lokerai kanuka apaaraniKe.

Kwana na nges elosi Ngesi aswam lolo. Na nges nainera Ngesi, kotoma OmoyoKe loinyonyoikinitai, mama ejai ekanisa lolo: Kwana nges esawa. Kwana nges apak. Kijautu Ngin, itunga. Kijautu Ngin!

106 Inyo? Kiseseni oni apakio nukawasia nuepolok, akimian nukarengak imiliaunenete, kanginiibois. Kama ka isuban, kiseseni oni isuban imiliaunenete aica, "Aapu apak." Ejai ngin toma akwapin. Kiseseni oni ngin ejai-ejai apak, ejai angolol, ejai atekerin, ejai kanginiibois kere; kotoma akolong, olap, aacer. Aanyuneta!

Kiseseni oni aanyuneta naka apak-nakawasia nuka Emoyo Lokalaunan ebongunit otunga. Kwape ajaatar kotoma apaarasia nuka Lot, epone loabu Emoyo Lokalaunan kiswama kotoma akuan naka itunganan kangina, ebe kerai Edeke ngol kitodiaritai kotoma akuan. Epone loabunio Edeke araun Elop etunganan kotoma-kotoma AteraniKe kapaaran kangin, kosodi aitodiar aanyunet ngipengin, abala Yesu ebe abuni araun ibore ngipengin kotoma apaarasia nukawasia. Kiseseni oni ngun. Kiseseni oni Epir loka Akim ngopengol. Karaida ber sayanis abu kinoma aput naka Ngol, ka acie da kwangin. Kiseseni oni aanyuneta nuka apak nakawasia aaputu. Kijeni do oni ejai ngin ne.

107 Kosodi konyet, kianyu nu, arai iyuunitos yesi eong! Arai mam yes iyuunitos eong, kiyuutu bodo aanyuneta, kiyuutu Akiro, naarai inerasi ngun nuajai eong alimokin yes. Arai mam eong alimokinit yes Abeit, mam ngun tikepurokis. Mam cut Edeke inera mama ejai aingal. Inera Edeke neejai Abeit. Ido Akiro nu itejenaaritos ebe ajai eong alimokin yes Abeit. Erai kesi kes itejenunitos nuka Aisiiraret na alimonokini eong. Mere bon Emalaika je kangina kocor kapaaran kangin, loabala, "Aisiiraretekon ebuni aingarenikin Abunore naiareit naka Kristo," aswamisio akulepek! Arai mam jo iyuunit ebe abu Emalaika ngol kinerite Abeit, kiyuu aswamisio, naarai abala Ebaibuli ebe apote iboro lu atakanun kapak nakawasia. Erai kesi kes itejenunitos. Erai kesi kes ineras kikesiara adepar akakiro araiboot idiotunganan ice kere. Erai AkirotoKe. Itejenunitos ngun nuka apak.

108 Ido kiseseni oni nukapolok nu, aanyuneta nusogim nukawasia, ejaasi otunga, ka aanyuneta nuka apak, ejaasi akwap, anyunyura kokiding atekerin.

Kiseseni oni Isirael ejai obukec. Aitodikinet ngin, aacerit naka-imideta-ikanyikape Aacerit naka Daudi, epori, aitodikinet naemojongit kakere kotoma akwap, emendera loemojongit kakwap kere. Erai ngesi ateker. Erai ngesi apugan. Erai ngesi iketunga obe ikulepek. Ejai ngesi toma league of nations. Ngin, erai ngin, erai ngin iboro lu kere. Ejai ngin toma U.N. Ido ejaatar ngesi ka isiriginike obe, nginibore. Abala Yesu ebe, "Mam atur na edaun aitodol na itodolikinere nginibore." Ido, kiitutu, akuar ngipengin obe naetaraunere Isirael ateker, arai ngin nges akuar natakanikinor eong Emalaika loka Ejakait cut kalaije. Erai ngin nakabeit. Oni ngul kere kijai nen.

109 Nginibore kere edeseikinit cut becebec Abeit. Mam eong kengalat yesi. Alimokinit eong yes Abeit, ido etejenu Edek ebe alimokinit eong yes Abeit. Kwana, kiitunitos, arai eong onacekus. Arai eong etunganan, teijo. Arai bon eong etunganan cut bala yes kere, konye ibusakinit itunganan mutan ayangaun Ngin, ibusakinit itunganan mutan alimun Ngin. Mam ngin arai aseuneteka; arai aseuneteKe. Ido alimok yes Abeit, ido apuroki Ngesi ebe erai Ngin Abeit. [Ebala atukot, "Amen."-Ekewa.]

Naiwanyunia oni iboro ejaasi akwap lolo, oo, itunga, erai lo esawa lokawasia. Kibwaik Aanyunet ngin kujukon, katipet noi kwape ipedoria; arai, koloma jo toma Aanyunet, kolomasi toma Aanyunet. Kwape kisesenio oni aanyunet nakawasia naepol, ido koyapie da apak, ikwenyaritai oni, "Aapu apak."

110 Oo, koyanga na kayongit naepol! Ibusakinit oni aminanara. Oo, ikatuan! Ibusakinit oni araut lu iminanara noi! Siri kiner nukarokok asurokinit idiopet kayenice. Arai kiswamau itunganan aibucaret, kilip kanuka ngin katipet noi. Kiupa oni nepepe kotoma kanu, nepepe kEdeke. Kirai oni iinacan ka ainacan. Oo, kojarete koyongitos Edeke. Kojarete, kojarete kwape adwe nuka Edeke, kojarete kwape odwe luka Edeke. Kojarete kojijim, kosiaka, kitasionos.

Kinyek adioronis alomun toma aomisiokon, toma aoomoon kon. Bon, bon kotwara ngin. Arai kikungukung ekek, kolema ngin awai. Kolim bon, bon kitodia Aanyunetekon, kiyatak alosit, "Ajai eong kwap naka Aokot!"

111 Kiitunitos, epu noi kamakec nuapotu kitorutu nejaasi angor ngun akuare ngin, kobalasi, "Ijoba, Gertie, Lillie, acie kayesi, kolomutu ber yesi kinga, ebeit oni alosit opucit akuare na."

"Huh-uh! Ajai eong kwap naka aokot. Ajai eong kwap naka aanyunet, asalakin ne. Aminaka erai mama ejai Ekasubanika. Ejai atwanare akwap akuare na."

Ido kereka ejai atwanare toma akwap lolo. Eaji atubokinio idarit, idarit ngin. Atomik, ka hydrogens, ka iponesio lugelegela luka amunaar, ejaasi idaritatos atekerin.

Ido ejai Edeke itolosi EkanisaKe, ido etodia kere. Kipou lem oni kajaasi ingadat Imerekek kwana adaun apak naeoj, asesin, aanyun ngun nuiswamai Ngesi, asesin einonoKe ka nginibore kere, konye kwana ibusakinit Aanyunet kibwaikinai. Erai Ngin nges bon ibore. "Arai mam itunganan eurio kEmoyo, kosodi kakipi, mam ngin epedori alomun toma." Ido ibusakinit kominanara. Ibusakinit ikeyuunak atiakun ikulepek kama ejaasi akwapin. Siri kiyanga ngin kwana kwape ibore yenebenen.

112 Kwana, yes itunga luijaas aipup Nu, kateepu, yes angor, yes ikiliok, kopupokisi ber yesi adakika adiopet. Arai iiritor jo aiyuun eong, kiyu do jo Ngun kwana.

Adol apak apalar angolopa idiopet ka yenice. Kiyuutu Aisiiraret naka Ebaibuli! Kiyuutu Yesu Kristo! Ido kominasi, ka aitopolorit, ka ayongit idiopet kayenice. Ikiliok koyongitos amucaalan kus. Koyongitos ireriakus. Kisimorikik ekonire nepepe, naarai, kiitunito, kerai Imerekek yen kanuka ere, mere bon idiopet; kanuka ere kere, da, kibusakinit ayangaun. Nginibore kere kibusakinit ayangaun toma. Ibusakinit oni aminanara idiopet kayenice. Ido ibusakinit ikeyuunak atiakun ikulepek kama kakwapin.

113 Koany, mam kereka kes ketukokina nepepe kanu ener nuikamunitos aisiiraret. Atukokina kesi nepepe kanu aibwaikin aokot, kanu aibwaikin aanyunet.

Ngun kes nuibusakinit yes aswam. Ekecokon Neville, ka atukot na, lumunon, idikonin, mamakus iinacan, adol apak nuibusakinitor oni alacar awai abanganut kere naka akwapin, apak na oni alacar nginibore kere ice. Kianyu oni nuilesikino kwana, kiton naijenia oni ejok cut, kaitebeikin. Ido ibusakinit Aanyunet kibwaikinai. Arai emamei Ngin, ipote yesi amudiar; ibusakinit yes amudiar, ngin nges bon ibore.

Oo, mam itukokinos nepepe, atiar, "Eyuunit eong Ngin." Koloma kwapuKe, koloma tomaKe! [Ajaun aitotolikineta naka aruo naka ikwamin luka short-wave radio epupo-Ekewa.] Biai iswamaere ngun? "Kanuka Emoyo ediopet kibatisatai oni kere toma Akuan naka Yesu Kristo." Nginitunganan kere kiyu, kede ekonitau kere. Iany? Mam kereka Ngol ekamunitosi nuka idiotunganan kere yenikejai kinga kokwap naka Ngin.

114 Ingai bo ber ngin enera? [Ebala icetunganan, "Erai ngol ikwamin luka short-wave radio, Onac Branham."-Ekewa.] E short-wave lokokuju? ["Itorunit toma a speaker."] Itorunit toma a speaker. Ejaatar kesi kangol toma nen? Abu eong kapup itunganan. ["Onac Branham, eyuunit eong bala arai e short-wave abongunit toma kokau kanen." Short-wave, eebo. Oo, kesi-ekodakinitosi kesi ngol. Aomit eong eutasi kesi ayangaar...Oo, amotokan? Kitimoi. Ajeni abu itunganan kolimunito ibore. Ido aomit eong ebe akoto itunganan alimokin eong icebore, kwabo mam kes apotu kopedosi adumun ngin, teijo, ido kanukangun eong-abu eong kalimunito ngun nuabu eong kalim. Abu eong kaany yes ingolengoleete. Abu eong keira eporoto. Aomit eong ebe anyunit itunganan aibwo kanu alimun icebore, ido mam eong abu kajeni arai kerai inyo ngin. Kwana, kwana, eyalama.

Konye, kiyu, koloma kwap naka Ngin!

115 Mam Isirael abu kotukokin nepepe, atiar, "Kalototo ber oni kere Gosen lolo. Kikeri oni adokar ngina Gosen. Kodoka ber jo agamiat kon, ido kitwasamai sio amagalit naka imongin. Kiponi sio anapar luka Joneses, kalailo kane, ka acie da kwangin, ka luka Goldbergs, ido kilosi oni kere adokar Gosen, Ido kereka ijenete yesi inyo? Ebeit Musa ener lolo." Mam arai ngun. Mam, cut., onac! Kerai alosit kwap naka aokot kangun! Eebo, teniteni.

Mere ener nuikamunitos Ngin; koloma toma kaNgin!

Ediopet kakesi kobala, "Ijeni jo, Ejkt. Goldberg, kaitebeikin ajeni eong ebe erai ngin Abeit."

"Eebo, onac, eyuunit eong ebe erai ngin Abeit. Ajeni ebe erai ngin Abeit."

"Ejkt. Lavinski, anyoika bo iwomit ijo kanuikamunitos ngin?"

"Erai cuticut Abeit! Aanyunit eong apedor naka Yawe Edeke inera. Abu eong kaanyu aidodokai elomunete kakwap kangin. Ajeni eong ebe mam ngun apotu kotakanutu aitodol naalimunio ngesi, ido ajeni eong ebe erai ngol Yawe Edeke." Kwana, erai ngin naejokuna.

"Ekepitai jo?"

"Eebo, ipa!"

"Irai jo ekeyuunan?"

"Eebo, ipa!"

116 Kosodi do kanen na eiraria ngesi Ekecokon Musa inera, kapaaran kangin, kobala ngol, "Konye kereka ibusakinit jo alomar kwap naka aokot kangun, naarai abala Edeke ebe, 'Eraasi aokot aanyunet.' Eraas aanyunet! Mam akiro arai ketia ai jo iyuunit, arai ketia ai jo ekepitai; Erai ngin aitutuket naabu Edeke koinak Aburaam, ka ice da kwangin, erai ngin aitutuket. Konye iburai jo alomar kwap naka aokot, ngin nges aanyunet, naarai abala Ngesi, 'Kaanyu eong aokot, alalengi Eong.' Isiraelit arai idio kere!"

Erai ngol ediini araiboot yenimam erai ediini, yenipe kere erai, icorakinitai jo abunore kwap naka Aokot. Methodist, Presbyterian, Pentekostol, ediini, ibore kere yenirai jo, erai kanuka itunganan idiopediope. Ibusakinit jo abunore kwap naka Aokot. Kwana mam bon inera nuikamunitos Ngin; kijau Ngin! Kiirasi eong! Kiirasi eong! Kokiror loka Ejakait, kiirasi eong! Ianyutu? Ibusakinit abunore kwap naka Aokot!

Mam Ngesi ekamunitos nuka ngul lukejaasi kinga nakokwap naka aokot. Abu Edeke kitacaunite ebe lumam ajaasi kwap naka aokot apote atwakare.

117 Elipit eong aitwasam AkiroKe? Kere luejaas kinga naka Kristo epote atwakare. Opono ali ilomaria jo toma Kristo? Ikorinton Losodit 12, "Kanuka Emoyo ediopet!"

Mere, "kanuka aijangakinet adiopet naka akan, kanuka araut idiopet komeeban, kanuka ediini ediopet." Ngun kes etamitosi kesi aitarau ngin. Epedorete bo kesi aswam ngun.

"Konye kanuka Emoyo ediopet kibatisatai oni kere toma Akuan adiopet." "Arai kelimonoki emalaika loebunit kotoma Akuj icebore," Abala Paul, "korau ngol loikenitai." Aisiiraret nges ngin, kopotu toma Kristo!

Kongolek, idiotunganan kere yenajai kinga naka aanyunet, mam Edeke ekamunitosi nukec. Ido mam Edeke ikamunitos kanuka idiotunganan kere, yenepol arai yenedit, yenejenaara arai yenimam ejenaara, yenebarit arai yenimam ebarit, ibulesit arai yenelacakina, ikiliokit arai iberu; mam Ngesi ikamunitosi nuka idiotunganan yenejai kinga naka Aanyunet naka aitutuket naka aokot. Mam Ngesi ikamunitos nuka ngin.

118 Itemari jo atiar, "Konye, O Ejakait, abu eong keswama nu. Abu eong kerenge ajokin. Ejakait, abu eong keswama nu. Eong-abu eong kalimonok Akiro Nukajokak."

"Konyoutu kama ajai, yesi lukeswamak nukepali. Mam lem kajeni yes nepecep da." Ecamuni Ngesi Aanyunet bon.

Ipuputu yesi Ngin? Kotemasi, "Amen." [Ebalatukot "Amen."-Ekewa.] Kwana, erai kwana jo nges ijeni. Nges...

Eboie kokwap kane kotoma amagoro ngin apaaran ya, ido ajaasi itelepai eumokinitos, kobalasi, "Apaarasia nu aarei kane, mam jo..." Mam da ber eong aduikin ekunyuk. Kobalasi, "Inyobo ationis?" Koany, arai ngun nges ngin.

Kobala, "Kibwaik ngin mamakec, mamakec." Kotema, "Inerit jo-ibu jo kinerite neajai kanuikamunitos ngin." Ianyutu? Kwap ejai ngin akaninikus. Ejai ngin toma kanakus.

119 mam Ngesi ecamuni idiobore kilema Aitutuket ngin naka Emoyo Lokalaunan. Ido mam jo icamuni Aitutuket ngin arai mam jo itajaruna, kaitesegaara, kosodete konyet aibatisaikinio toma Akuan. Mam Nges ecamuni.

Ipedori aciepak jo ajaut k aitupuset, aciepak ipupuni jo ejok, kosodi asomosom kuju-ka-kwap, ener ka angajepa, ekosio kotoma Omoyo. Emamei idiobore yeniswamaete ngun nepepe kaNgin. Kiira Ngin, Kokiror loka Ejakait! Mam Edeke ecamuni ngun. Iswamaete ikapiirin ngun. Acudak iswamaete ngun.

Itemari jo atiar, "Arai eong ekesisian. Eswamai eong nu, ngun, arai kwa." Mam Ngesi epodo arai itia jo ai irai ekesisian. Erai ajokit, da, teijo.

Erai Ngesi loecamuni a-Aanyunet. Ngin nges Aisiiraret naka esawa! Ngin nes Aisiiraret naka apaaran kana! Ngin nges Aisiiraret naka apak kana! Kokiror loka Ejakait Yesu Kristo, kijautu Ngin!

120 Mere a ailo-...ailocokinet, icebore yenedepori ajokit aibwaikin kujukon; kwape amina naingalai, ainakin ekiliokit amina aberu acie bobo kilema ber aberuke, araiboot aberu ece kilema, araiboot ice lu kane ibore ice, ibore yenimam ibus. Mam ngin erai amina nateniteni. Erai ngin ajokit. Ngun kes aswamisiok. Erai ngin icebore yenetamit ngesi aikobakin ijo, aibois naka; aiyalama, aimat kaipup da ejok kanuka ngun, atiar, "Etakadina eong; alosi ber eong kinga kasodi aimat ber ewaragi edio, kasodete ngun aimuruokin." Erai ngin atwanare.

Edeke nges aiyalamakon. Edeke nges agogongukon. Aijen Aisiiraret, aijen Abeit, erai ngin aisilosikinawok kwana. Erai Ngesi nges erai kere-aisilosikino kang. KotomaKe, iboro kere lu epuda eong ejaasi tomaKeng. Ngin nges agogonguwok. "Ebuni aingarakinio kang kaneejai Ejakait." Yes Ikristayon, kongoliasi mamaKeng kanuka aiyalamakus, kongoliasi mamaKeng kanuka agogongukus. Kongoliasi mamaKeng kanuka aiyalamakus. Ngesi nges ainapakin kang. Ngesi nges aiyalama kang. Ngesi nges amina kang. Ngesi nges Aijarakang. Erai ngin Aitutuket, Aanyunet naejai okek!

121 Mam Ngesi ikamunitos kanuka itunganan idiopet, itunganan idiopet, komam apod arai irai jo ingai, mam Ngesi ikamunitos, yenejai kinga nakokwap naka Ngin.

Ido kiitutu, ekale kere aponi kodumakinai, aponi koyangaunai nepepe. Oo, ikatuan! Kiitunite!

Ibala jo, "Eebo, erai papaka ekalimonokinan. Onaceka! Ekecokonika! Eka..." Epedori bo ngin araut nakabeit, da, konye idobo ber jo?

Kiitutu, keraasi bon lukeyuara arai etodiaritai aanyunet ngin! Arai kejai etunganan ne kwap kane, ido kojai okooke orot juwai, ajai ngol toma ationis, ti ngol ketwana. Ti papake kitajari. Araiboot, arai kejai okoku ngol lailo, kwabo kojai papake ngina laiye, ti papake ketwana. Aanyunet bon! "Kaanyu Eong aanyunet, alelengi Eong yes." Kerai bon ngin nges ibore."

Itemari jo atiar, "Eebo, erai okooka ekalimonokinan." Yesi nukatoto ibalasi, "Kijaar eong ka etelepata loejokuna kakere, apese naejokuna kakere. Ajai eong alimokin yes, eraasi kesi ibore yenejijim kakere. Ilebasi kesi kEmoyo Lokalaunan, ido amin kwa kangin!" Eraasi kesi luerimaaka. Mam eong aanyunitor luikote nen!" Idobo ber jo, toto?

Itemari jo, "Erai totokang ibore yenejokuna kakere. Ajeni eong, arai ketwana ngesi, elosi ngesi toma Akuj, naarai kaitebeikin ejaatar ngin kAanyunet, Onac Branham." Konye idobo ber jo, iinac? Ibusakinitt ekale kere kotukokinai nepepe kwap.

122 Apas yesi? [Ebala atukot, "Mam."-Ekewa.] Alosi eong...adol isawan ikanyikape...Adakika adiopet bon. Ti eong kapedo aitub ber ngin ido konyet agear nat kuare bobo. ["Mam."] Konye arai yes-arai ikotosi yesi aidareun apak naiyatakina, abuni kwana do eong aitam aisunyak. ["Amen."] Ebwaikini eong na cut toma. Naarai, aomit eong, cut kwape kwana naijaatar yesi toma ainyonyoikinio naka ngin, ejokiar arai kidumutu yesi nges kopekwana. ["Amen."]

Bonibon arai itodiaritai Aanyunet! Apolouke do, ibusakinitt ekale kere kojai kwap naka Aanyunet kangin, Aokot. Papa ka toto, ajeni eong epone loipupioto yesi. Kijaar eong kidwe, eong da, iburai eong aanyun ebe itajaruna kesi. Ajai eong ener mamakang elopet lolo. Ianyutu? Kijaar eong ka iinacan. Kijaar eong ka iinac. Kijaar eong ka luminan. Eong-akoto eong aanyun ebe itajaruna kesi, da. Konye, kiitutu, arai emamei aitodiaritai naka Aanyunet, epote kesi amudiar. Emamei ajarun kanukec. Erai ngin nakabeit. Adaunos kesi. Bonibon arai itodiaritai Aanyunet!

123 Kongolek, Yosua, karai ti kojai oni apak asiomun ngun. Kigirak ber jo kwap kangin, Yosua esula lo2; Naadote Amoitt ngin na eyuunit, Rakab.

Oo, elipit cut eong karai ti korai bala isawan iuni. Akoto eong ti-ti eong akoto ayangaar ngun kasodi cut aitodikin yes epone loajaar ngin kangina, teijo. [Ebala atukot, "Koyanga apak ngin."-Ekewa.]

Naadote na, Amoitt, kosesen, ekekal kere. Arai ngesi akeyuunan. Ekekal kere ebusakinitt abunore kwap naka aigirakinett ngin nakarengan, aanyunet ngin. Kerai ngul alosit kwap naka ngin, araimam ti kesi ketwakata. Kepotu kesi kiiraritos nuka anyunyura naka Edeke. Kiiraritos kesi nuka aitodiaritai naka aanyuneta ka aswamisiok nukapedor naka Edeke kokiding naka itungaKe, ido kibusakinitt kes aijaun ngin. Edeke, emalaika lokamudiaran, ajai abunore. Ajenete kesi ngun. Ido Yosua nges kerai emalaika ngol. Arai kesi abeikinitt kwana.

Ido kwapekwangin nginitter, kotoma akwap, erai naebeikini atubokinio naka Edeke!

Naadote na, namojong, kebu kiirarite. Ebuni aiyuun kanuka aiirar! Kotema ngin atiar, "Eburunit akwap kere kanukus." Erai ngin nakabeit.

124 Kwana, ikarotak luejukaritari toma nen kanu aiswamaun aitemonokineta, ka acie da kwangin, abu ngin koyong itunga ngul. Ido, ngesi, akoto ngesi kitajarai ngesi. Kotema ngin atiar, "Ajeni eong ebe Ekusideke nges Edeke, ido eirarit eong iboro luepolok luiswamat Ngesi. Ajeni nuabu Ngesi kiswamaik Og, ido ajeni eong nuabu Ngesi kiswamaik atekerin nuegelegela. Ido aanyun eong ngul lu ecamunete Ngesi itajario, ido ngul lumam ecamunete Ngesi emudiarario. Kwabo akoto eong aijar," ebalala ngin. Oo, ikatuan! Aso konye yesi. "Akoto eong aijar." Naarai apotu bon ngul...

125 Koany, kiirarit Yeriko nukėjai Edeke aswam, konye mam kesi akotosi acamun aikwenyaret ngin.

Ido kereka emamei ediini edio kere kotoma akwap na, airimun, lomam iirarit nuejai Edeke aswam. Mam kes ecamunitos aikwenyaret ngin.

ApedoriKe naepol ka aanyuneta da adaunitai aitodiar. Ngun nukiswamat Ngesi, abu cut Ngesi kotubun ko Dead Sea, kosubite bala kerai akwap na eonit. Abu kidupo, abu Ngesi kosub iboro, ido abu kiswamaun aidodokai, ka ilac, ka igwegwe alomun toma okwam; kosodi asubun ngul kAkirotoKe, kotoma onabi Keng. Mam ngun araasi nukaiyeiyea. Ejenete kesi ngun.

Kosodi Rakab etemar atiar, "Eiirarit eong ngun. Mam eong akoto amudiar nepepe kalu lumam iyuunitos. Mam, cut!" Kejeni ebe ibusakinit atubokinio atupakin ngun, naarai arai cut kesi abeikinit. Ajeni ngesi ngun. Aso, apotu ngul kitemokisi epone kanu nges aiku ngin.

126 Iburai kiyuunito kesi ebe ediini kec kikulepek ngol loka Yeriko arai loapedori aitepeg anyunyura naka Edeke, teijo, ediinikec kikulepek lokapolon.

Ngun nges eomitos luipu kakesi lolo. "Oo, kaitebeikin mam Edeke ebuni aswam ngun." Ngun kereka nges abu Satan kolimok Keba. "Oo, kaitebeikin mam Edeke iswamauni ngun." Iswamauni Ngesi, naarai abala Ngesi ebe abuni aiswamaun ngun, teijo, ido erai ngin AkirotoKe. Eebo, ipa.

"Arai mam etunganan euritari!" "Ido epote aanyuneta nu atupakin ngun lueuruunitai!" Ianyutu? "Kana nges ejenuniata itunga kere ebe iraasi yesi iKakesisiak," ka acie da kwangin, teijo. Mam acie akotosi aswam ngun. Oo!

127 Inyobo abu kiswamaun? Kwana agoloro kesi cut. "Mam isio ikoto adioisikwarunio kotakanu kane. Mam lokosi ediini ebuni aisipedoor ibore kwa kangin. Mam isio ikoto abangaanut kwa kangin kokidingikosi. Mam eong akoto idiotunganan kayesi alosit toma airiamun ngin." Huh! Yeriko, ejai cut okokoro loka lumudiarai!

Konye iburai kepotu itelepai ice lukateepun kidadaros toma nenice, kanuka aur nainerunitai sek. Apotu ngul kidadaros toma togo loka ngin kosodete aituruiquin ateepon adis. Abu ngin kitarau eke-eketogo obe ekanisa, kanu aijaun aisiiraret.

Eringa kesi ejaatar kangul, ijenete yesi. Abu Aisiiraret kodol neajai Aur naenerunitai, karaida biai. Mam oni ijeni epone lokedolio Ngin ngina, tetere ikadolitok mam emudiaros nepepe ka ikaronok. Euta Edeke aitemonokin ngun, lolo. Eebo, kopone ece idadaun Ngin toma. Mam oni kijeni opone ali. Karaida mam kesi epote aisipedoor Ngin, konye kereka ejai Aur acie kinga nen naenerunitai sek.

128 Idiotunganan kere yenejeni nuikamunitosi Ebaibuli ejeni ebe arai naadote ngin naenerunitai sek. Cuticut kerai ngesi! Mam ngin abu...Ebalala Ebaibuli ebe, "Mam ngin abu komudiaros kangul lumam eyuunitosi." Erai ngin nakabeit. Konye abu ngin kiyu aisiiraret naka esawa.

Ido abu Edeke koinak ngin aanyunet, kama ajaasi ikiyakiaKe. Kotemasi, "Kolem na-nakarengan, ausi nakarengan kowenik nges akon..." Kotemasi, "Kiitunite, araimam jo iwenikini ausi ngin nen, arai ajalakin kanen, nekitori isio isie, mam do isio ikamunitosi nuka aiyaposit kosi na." Ido kobalasi, "Arai kijaun jo kinga nakokwap kangin, mam ngun ikamunitos isio." Oo, ikatuan! "Rakab, aur kere naenerunitai sek toma kane, koloma jo kinga ngina kosodi amejaun kes. Koyangau papakon, totokon! Naarai, eyapie nape kilomunia isio kinga, kokwap naka alucet kangin, kokwap kalaije ko Misiri, ido nginibore kere yenimam isio kipou kebwaikisi kwap naka aanyunet kangin abu kotwana. Rakab, ajai eong ainakin jo aanyunet. Ido abala eong Kokiror loka Ejakait, kwape alimun, arai kibwaik jo ngin! Arai eong loajeni nuka ngin, nepepe kekiyakia. Ajeni eong nuikamunitos emalaika loka atwanare, Yosua. Erai ngesi ekiyakia loka Edeke lokamudiaran. Ajeni eong ngol, ido ejeni ngesi ebe ibusakinit kojai ejenunet naka aanyunet. Ido kikajak jo ngin nen, ido kalimokini eong jo kajeni cut. Eyapot eong." Kosodi Edeke aiyapo, Ngesi da, ebe idiobore kere yenejaun kinga nakokwap kangin abuni atwanare, ido ngul kere luapote ajaun kwap naka ngin apote aijar.

129 Kwana, ejai aiyaposit ngin lolo, ibore ngipengin, teijo, "Mam eong abuni acamun yes amudiar nepepe ka ngul lumam iyuunitos Aisiiraret." Ido kesi...

Kebu ngin kiirarite ebe kiswamatai aswamisio ngun, ido abu ngesi kiyu ngun. Konye, nuikamunitos, arai ngesi...ngesi k papake, ka iinacanake idis, arai icebore, kes bon apotu kiyuutu ngun, kotoma ore ngol kere.

130 Iany jo epone loekidiokotor? Bon idiopet kane ka ngina, ikale yenedit ebuni alomun kobuku. Ngin erai nakabeit? [Ebala atukot, "Amen."-Ekewa.] Becebec kwana, kane inera oni akiro akulepek. Kirai oni...Arai ipote yesi aanyun ibore ilopet, ibusakinit ber yes aanyun inyo ber nasodit kerai aitupuset. Ibusakinit jo aanyun ibore yenerai etoribe keng, konyet do ijenuni jo epone loebunio ibore ilopet atakan. Ianyutu?

Aponi aKepedor kitodiarai. Ejai atubokinio ebunit. Ibusakinit kesi aiyuun, tetere itajario. Eebo, cut. Ido ludidik lu...

131 Apotu ikesa lu kolomasi toma nen, ikiyakia lu, ido-ido apotu kikamutu aur ngin naenerunitai sek ngin naabu kiyu. Abu ngin kitwasam eketogo kanuka ekanisa, aijaun ikiyakia lu. Mam kesi akotosi acamakin kesi alomar okanisan. Mam, cut. Ianyutu? Aso abu ngin...

Mam kereka kes ecamakinite yesi, da. Kipetorete ngul jo kinga arai kilim jo idiobore yenikamunit Ngin. Eebo. Ianyutu?

Apotu ngul kotukokisi kere kotoma oibuga kangin, kere luakotosi aiyuun, kwap naka aanyunet

Erai ngin becebec naitelekarit oni aswam lolo. Arai ikoto jo yeniminat ice aitajario, ejok kereka jo ayaun kesi toma kopekwana cut. Ianyutu?

132 Nabu anyunyura naka Edeke komudiararia ere ngol loapol, abu ejenunet loka aanyunet kidar eketogo ayuarit. Amen. Kanukinyo? Ajai ejenunet aanyuneteke...Nges atemar, ajai aanyunet otogoke, natiyaikinor ere kere kwap. Kerai bo inyo ngin? Yosua, ekiyakia loka Edeke! Abu Edeke Elopset kocam aisiiraret naka ekiyakiaKe. Amen! Abu kitigogong ngun. Abu kitigogong ngun. Apotu ngul kocamutu aisiiraret ngin. Abu Ngesi kocam aisiiraret naka ekiyakiaKe. Ido naabu ere kere kogiyamikinor kwap, ajai nen aanyunet nakarengan naka aanyunet naka Rakab kokek, ido luce kwi kere aperete.

Kanen do, kiderokinete imalaikan lukamudiarak adokar kosodete amudiar nginibore kere yenajai ore, emamei karaida idiobore yen aponi kideunai. Abu ediopet kolek ice koboro kangul, ido abu koraun nges atwanare nepepe kangul, kotoma odiini kangol. Apotu kikamasi ibore ngin kere kosodete amudiar nges! "Kikenoi etunganan loetami aiduk ngol bobo. Ebuni ekiyaike atwanare na egeunia ngesi," ka acie da kwangin. Abu Edeke kiken ngol kopone kangol, ibore ngin yenikapolon yenabu kogir a-...aisiiraret naka asianut ka aitim, aomitos kesi ebe keyuara ejok noi.

133 Itunga luipu eomoomoete, lolo, "Naarai arai eong lokokanisa, ayuara eong ejok noi." Siri jo kiyuu abangaanut kwa kangin.

Na, "Eraunos aokot aanyunet mamakus." Emoyo kwana kereka nges Aanyunet mamakus, Aijar ngin naajai toma Aokot ngun.

134 Ngipengin, kaomoomoata ber ngun, aanyunet ngipengin na etwasamaete kesi ko Misiri, aanyunet ngipengin naka aijar naajai ko Misiri, naajai ko Misiri, abu Edeke kitwasam ejenunet ngopengol kokuju kanen. Yosua, naeswama ngesi ngun, abala ngesi, "Sirikitiroso etogo ngol arai idiobore kotomake. Erai ngol loideunitai kanuka Ejakait." Amen!

Amoit, naadote, nakerimon korotin, konye abu akesa ya kopup kosodi aiyuun, ido abu ngesi kibwaik aanyunet.

Mam akiro arai etia ai jo ikudokina kotoma adiakar, nuiswamat jo, emamete ngun idiobore yeniswamaete nepepe ka ngin. Kibwaik jo Aanyunet. Erai kanukon. Arai ipupi jo kotaukon ebe ejai ibore iriit, erai do kanukon. Kibwaik do jo Aanyunet. Ido lokapolon ngol Yos-...

Akirot Yosua apolouke "Yawe-eketajaran." Kwape kwangin Yesu da, apolouke "Eketajaran." Ido, Yosua, naabu ngesi kojenia ikiyakiake...

135 Apotu ikiyakiake kobongutu, ido kotemasi, "Adau eong arimaar aicorakinetakon. Ido ajai aberu nakipou isio kadumutu, nakiboliaikinia isio ateepon, ijeni bo jo. Kipou isio kadumutu aberu naabu kiyu. Ido kipou isio kalimokisi ngin, ebe ngul kere luapote ajaun kwap naka ejenunet ngol lokarengan kokau kanen, aanyunet, abuni arau. Kwana adaunit eong alimonokin ngun. Ibuni kereka jo aijaikin ngun ayongio, Yosua?"

"Abu eong keyakia yes aswam ngun." Amen.

Kosodi konyet na, ebe, abu Edeke kijaik ngin ayongio, mam cut etogo ngol abu kotiyaikin. Kosodi konyet na abwoia Yosua kanen ka aijaikin da ejenunet kanu amudiar ibore ngin kere, abu kolot aitenar adokar, ido ajaasi Rakab ka iketunga kere iboiete ejok, ka iborocek kere, amen, amen, iborocek kere ajaasi otogo ngol, koyuara ejok cut. Apotu bon kesi kobwaata kanen, ido mam kiburai asesin kinga kodiriisa. Apedorete kesi ti aisiom Naiwadikatai kwabo kojai ejie elosi akonye.

Abu ngin kobongu cut kosodi aisipaper, aisipaper ejenerol kotoma ajore, ido aponi kikeunai, kosodi



abunore Betelekem, ido airumeteke aponi kotiakunai kanen ainakin kes. Ido abu ngesi kouru e...Abu ngesi kouru okoku loejenaara, kosodi okoku ngol loajenaara auruun okoku ece loejenaara, kosodi okoku ngol auruun okoku ece loejenaara, aitodol neabunio Okoku lokapolon ngol, loejenaara. Abongor cut kau kwap, kosodi aitorun mama ka Obed, kosodi abunore aitorun mama ka Yese, kosodi kwap toma Daudi. Erai ngin nakabeit, naadote Rakab, naarai abu ngesi kiyu ekiyakia. Abu ngesi kibwaik aanyunet, ido aponi kitajarai eketogo, arai ti nges kemudiar kokwap kanen kaneajai ngesi.

136 Kopupokis ejok kwana. Oo, ianyutu yesi ngun? Kere lukejaasi kwapuke aponi kitajarai ko Misiri. Kere lukejaasi kwapuke aponi kitajarai ko Yeriko. Kere luejaasi kwapuKe eponio aitajar lolo. Aenet-naka aokot, imerekek yenikaokot, erai aitupuset naka Yesu Kristo.

Kotoma Iburanian 13:10 ka 20. Mam eong kijaar kapak nasiomunet ngun. Kiwadikata yesi ngin. Abeit eong asiomun ngun. Enyaritai ngin "aitutuket naka ikar kere." Aokot nuka Yesu Kristo kes enyaritai "aitutuket naka ikar kere." Eebo, ipa! "Aitutuket naka ikar kere."

Kanukinyo mam aponi konyaraere ngin "Aitutuket Namam Edaun"? Naarai mam ngin abuni araut Namam Edaun. Naelakunere oni, kodaunos bodo ngun akiro. Erai naka ikar kere, apolouke ebe, "aojau mutan naka apak," aitodol naedaunor apak. Mam bobo ejaun acie. Naedaunor apak, mam bobo oni kipudakin aitutuket. Konye aitodol naedaunor apak, kipuda oni aitutuket.

137 Kwana, kiitutu, Iburanian 13:10-20, "aitutuket naka ikar kere." Aisumunet naka Edeke na ewenitai-kAokot alacu oni kama ka adiakar. Amen! Emamei adiakar kotomaKe; adiakar, ilopet, akuan.

Komaata Ngol ka aitodiar da apedoriKe! Itunga luka Edeke luka aitutuket naewenitai-kAokot, naewenitai-kAanyunet, ejaatar kEmoyo loka Yesu Kristo kotoma kane, ebe, "Yeniyuuni Eong, aswamisio nueswamai Eong, iswamai ngesi da," aitodiarit aitutuket. Ianyutu?

Aitutuket Nakitetet! Aitutuket apolouke "acamanar." Eraasi ngun nukabeit, ngun mam, Doctor Vayle? Aitutuket Nakitetet apolouke "acamanar nakitetet." Aitutuket Namojong arai namojong, kwap naka imerekek, ebe mam aijar apedori abongun mama ajai ikeyuunan. Aitutuket Nakitetet arai Imerekek yenika Edeke, ido ebonguni AijaraKe mamawok. Aijar naka Aokot! Ianyu? Aokot kes Aijar kotoma Aitutuket Nakitetet, teijo, erai Aijar naelomunit kotoma Aokot nuka Imerekek, naerai apolouke Aitutuket Nakitetet, acamanar nakitetet.

Ebe, Edeke, "Akaulo kapaarasia kangun abuni Eong aiwadik iKakisila toma amor nukakuan naka otaukec." Ianyutu? Ianyutu? "Mere amor nomor, ka aokot nuka imerekek, na da kiburai jo atiar, 'Eebo, eong-kijaar eong kaokot kalailo kane, kwana inyo ebalasi ngun tikiswamai?' Konye amor nuka etaukon, teijo, aitutuket naka Emoyo nges abuni Eong aiswama nepepe kitunga."

138 Ido itodiarit Ngin apedoriKe. Yokana 14:12, ebala, "Yeniyuuni Eong, aswamisio nueswamai Eong ebuni ngesi da aswam."

Aitutuket Nakitetet erai "acamanar nakitetet," Aijar nakitetet, itodiarit ebe adau Yesu aitodolikin ngun kere nuepudai kanuwok ngun nuepuda Edeke, kanu aisipedoor oni abongor, kabeit cut, odwe ka adwe nuka Edeke, kokwap naka Aokot, ne emame bobo atubokinio.

Iromayon 8:1 "Aso do emamei kwana atubokinio mama ejaasi ngul lukotoma," mere ngul lu iyuunitosi Ngin, "ngul lukotoma Kristo Yesu, kes lumam elosete atupaar akuan, konye atupaar Emoyo." "Ido AkirotoKa erai Emoyo ka Aijar." Ianyutu? Oo, mam tope eong tikapedo alemun akou naka akirot kanen kasodi asalakin adaun nepetai isawan ice bobo. Konye kisunyakini oni ngin, koanyutu yesi.

Emamei bobo atubokinio; kilacun kotoma adiakar, kilacun kotoma apod iboro lukakwapin, mam atubokinio. Kanukinyo? "Mama ejaasi ngul lu, kanuka Emoyo ediopet, aponi kibatisai toma Akuan adiopet." Kanen do adaun aibwaikin Aokot nuka Imerekek. Adau Edeke loka Akuj acamun jo, ido akon...AijaraKe ejai tomakon, ido iraasi yesi odwe ka adwe nuka Edeke.

Einonokon erai einono loka Edeke. Inyobo ngin, ibore yen ikokoritai? Mam, cut! Erai Edeke lo Edeke loka atubokinio. Erai Ngesi Edeke loka aibecokino. Ibusakinit ngin kojai okokoro. Emamei bobo icebore epedori aswam. Epone keinono kangol nges irai jo, naarai irai jo einono loka Papakon. Ianyutu?

139 Inyo? Aijar ngin, kosesen (ngin) apak naelemarere aijar, kanuka aokot. Ianyutu? Aijar alopet elemario. Iany? Aijar, aponi ngin kolemarai, kanuka aokot. Ianyu? Aponi aokot kibwaikinai, kwabo mam aijar ngin apedori abongun neejai ikeyuunan kapak kangin, kanuka aijar naka itiang. Mere aijar...

Konye, koanyutu, aibois naka itunganan, kerai Etunganan, loikiara kakere, loikiara kakere, naikiara kakere. Ianyutu? Ido itarauni ngin etunganan kwana mere bon etunganan, konye erai ngol okoku ka akoku naka Edeke, luka Aijar naikiara kakere, naikiara kakere, naikiara kakere, naikiara kakere, naikiara kakere ngin naajai tomaKeng, ebonguni mama kon, kosodi aijulakin jo kama karaut ekadiakanaran, ka iboro da lukakwapin, araut emeeba loka ekanisa, ka ekaloton loka idiinin, araun do Ekristayot loeuritai-

bobo, ilelebitai kEmoyo; Aijar naka Edeke bon elelei kamakon, kosubitosi bala aimiliaununeta kasuat naetataere, naijaar jo ilosi, ileleba apedor, ka amina, ka aiyapaara, ido kwape Emoyo Lokalaunan elosi, kinera. Oo, ikatuan! Aso konye yesi. Ido nepepe (kinyo?) ipupi Aisiiraret, koseseni Epir loka Akim, kaijen cut nakarereng, "Adau eong anyoun kotoma atwanare aloma da toma Aijar." Koany do kereka, kanukangun do, emamei atubokinio nepetai da.

140 "Arai mam itauonowok kitoronitos oni, kidumuni ngin yenikilipi kamaKeng," teijo, "kijeni oni." Konye arai ejai adiakar toma otawwok, kitoroni do ngol oni, oni-bala tiejok kamawok mam da ber ti ageun. Ianyutu? Ibusakinit jo alacakin kama ejai adiakar. Ido erot bon loipedoria jo alacakin kama ejai adiakar nges alomar toma kaNgol. Ngin bon nges arapaaret naejai kanuka adiakar, nges Kristo.

141 Kwana, kongolek, kitogogongikit oni Akirot nuka aisumunet. Nu kere eraasi akwes nuka akiro nnewadikat eong kane. Cut ti aiyatakinit apaaran kere, esubit bala, teijo, alimonokin ngun. Ianyutu? Kitogogongikit Akirot oni nuka aisumunet, naarai erai Ngin aisumunet. Erai Akirot Aisumunet, ido erai Akirot Edeke, ido Akirot erai-erai nawok. Ido oni kiraun Akirot, kosodi eraun Akirot oni. "Arai isalitos tomaKang, AkirotoKa da esalit tomakus," konyet do, teijo, eraun do ngol ekale ediopet loepol. Ianyutu? Kitogogongikit Ngin oni. Naarai kanukinyo? Eebo, erai ngin owaiok. Ianyu? Ianyu? Teijo, eraun do Ngin owaiok. Akou bo lolo naka akirot na! Mam acie. Kitogogongikit oni, aisumunet.

142 Aanyunet erai ejenunet ebe etolosi egwelet ido acamun. Kwana mam kereka jo ipedori adumun aanyunet naitwasamaet agaali alosio aitodol naitacia jo etiai; ido epone bon loebeitor jo atacia etiai ngol nges jo aitac nges. Erai ngin nakabeit. Inyo? Aiyuun Ngin. Acamun Ngin. Arimaar kaileleba Akirot kere naka Edeke ebuni aijaikin jo apedor mama ejai Aanyunet. Arimaar kaileleba! Mere ewai ngol loka Ngin kwape bon nenangit ediinikon, konye Ngin kere. Arimaar Akirot kaileleba, na da erai Kristo, eyangauni jo toma naka Kristo.

143 Kwana idobo karai bon ijo kojai toma kere, konye kijekosi akonikeje kokinga? Idobo karai kojai jo kere toma, nepepe kakanin ijekosi kokinga? Ibucit ti oni kere ajaut toma, konye ijeko etau kokinga? Ianyu? Ianyu? Eringa etau ejai toma akwapin? Ianyutu? Konye mam oni iswamai ngun.

Arimaar nacut, naileleba kibwaikini jo ka Akirot araut Idiopet. Iyuunit jo Ngin, ngin kere. Ido Ngin kere ejai tomakon, ido iseseni jo Ngin iswamai kotomakon.

Mam jo ilosi airimokinit koponesio lumam ibusakinitos. Teijo? Irai jo Ekristayot. Komam apod nuinera idiotunganan, mam cut kesi etirorete jo. Ijai jo toma Kristo. Irai jo yen iyudara kwape tikipedoria araut.

Na ikungukungio atwanare kokek, emamei ne etingi ngin, teijo, mam nepetai da. Kanukinyo? Erai bon ailamar kinga kane toma Nen.

144 Mam amojong erai apolouke idiobore. Idau jo atubor kotoma amojong. Ijai kwana jo Nemam Edaun, naarai ijai jo toma kaNgol. Erai Ngesi Lomam Edaun. Mam apolouke erai idiobore, arai idite jo, imojongit, kiding naka apolou, arai kere nupe irai jo. Itemelel, isil, iuriana, itumit, inyo, mam ngin erai ibore. Mam ngin erai.

Mam jo ilosi airimokinit, kosodi iboro luce lu kere. Ijo, idau jo atubor kama ejaasi ngul. Itwanit jo. Ibwaitai aijarakon kotoma Edeke kotoma Kristo. Kipucakinitai jo toma nen kanuka Emoyo Lokalaunan, alosenon kotoma Kristo. Ibore bon yeniseseni jo nges Kristo. Kodaunos ngun. Erai nges Bon, ilosionono jo. Oo, ikatuan! Mam erai naeumokina ebe edila oni ayoenen ikosio ngin yenididi!

Kileleb ekarot nginipaaran kamina,  
Kwape aloseneneo kAjele nakakuj;  
Kocamak eong kalosi apak kere, nepepe kekosio ka aimunumuno,  
Kileleb eka...

145 Karau eong onac. Kajar eong naanyunet ngin naka nuabala Kristo ebe ebusakinit etunganan ti korai. Karau eong onac mama ejai onac, onac mam ejai iinac. Karau eong e-ekejaanakinan mama ejaasi ikejaanakinak. Karau eong naanyunet naka nuanyunet. Karau eong loetodikini akwapin ebe Akirot na erai Kristo. Epone bon loapedoria eong aswam ngun nges abunore tomaKeng. Naarai, mam eong apedori aswam ngun eong elopet bon, mam jo ipedori aswam ngun. Konye kocamak Akirot ka ijo koraut Ipe; konyet do ebuni Ngin alopet aijar aitoduun kinga. Irai jo ebaluwa loka Yesu Kristo, naedaunia Ngesi adumun kere aya-...ayaite jo kaileleba, aitarau Nginikirot.

Arai kebu Ngesi kopone kalo, "Akoto Eong jo aswam Nu," kosodi jo atemar, "Mam, mam, mam eong eyuunit Ngun," teijo, koany eringa ber jo kejauna toma Akirot. Ianyutu?

146 Kaileleba, kwana koany, kaileleba, kwana, arimaar kaileleba mam ejai Akirot kere naka Edeke kijaikini oni apedor mama ejai Aanyunet. Konyet do naitacia oni, nakilipia, ibusakinit oni ajaut kAanyunet kanu aijaikin nepepe kailipiwo.

Arai kitema jo, "Elipit eong, wu Ejakait, konye kaitebeikin mam eong kijaar..." Eebo, imameotor jo.

Bala tiejok jo apalar, teijo, a...Kolot akonye, nasodit ber, kodum Aanyunet, teijo, naarai erai Aanyunet ngin nges ibore yenebuni Ngesi acamun. Ianyu? Eebo, ipa!

Na ilipia oni, ibusakinit bodo oni aijaikin Aanyunet, "Ejakait, abu eong karima Ijo, kaileleba. Adau eong aitoronikin adianaretaka. Apupi eong ebe idau Jo aisioni eong. Adaun eong aibatis Kokiror loka Yesu Kristo. Ejai Emoyo Lokalaunan keong. Kwana ejai eong eipud loka ibore mutan kanuka aibusesuKon. Wu Ejakait, elipit eong ngin. Erai kwana yenikang." Kanen do ejai ibore yenebuni aidoboikin kau ne, "whew-whew," erai yenikon. Adaunos do ngun. Apolouke adaunos do ngun kere. Adaunos ngun kere. Etemokinos ngun. "Elipit eong nu. Elipit eong ngin. Ibusakinit eong adumun ngun" Ianyu? Ianyu? "Eong-akoto eong ngin kanuka aibusesuKon" Ianyu? Eebo, nges bodo ngin, kijaikini konyet do Ngesi jo ngin. Kojenuni bodo jo ebe erai yenikon. Epone ngol nges ejaatar ngun, idwe wok, ka ice da kere, kibwaikini oni Aokot, kiyuutu ngin. Kodaunos ngun. Ejokuka kere.

147 Inyobo do konyet iswamai Ngesi? Naijaatar jo, ipedori aijaikin Aanyunet nepepe kailipikon, itoduuni Ngin ebe idau do jo kaileleba abunore arimaar Akirot kere naka Edeke. Naijaatar jo ka Aanyunet, itoduuni ngin ebe idau jo arimaar Nginikirot kere. Konyet do, ijo ka Akirot iraasi ipe, ijai bon jo ailipit ibore yenirai jo. Ianyu? Ianyu? Konyet do, kanukinyo, ijeni jo.

Arai kalimok eong na, "Akan, korima eong, koriyor kolemu eitabala ngol!" Iswamauni ngin ngun. Koany, abu akan korima eong. Kanukinyo? Erai ngesi atutubet kang. Ianyutu?

Dodo nairaunotor jo ka Akirot ipe, nginisumunet kere, aibuses neejai Edeke, nginisumunet kere erai nakon. Erimari jo. Aso kereka ibusakinit ijo acoit nuikoto jo aswam. Mam ijo ti ikoto aibwaikin akonikan toma akim, kanu bon atiar, "Koanyutu eong eswamai nu." Oo, mam, mam, mam! Ianyu? Konye arai ejai ibore ejai toma akim ngin, yenibusakinit eong alemun, erimari ngin eong. Ianyu? Ianyu? Erai ngin nakabeit. Teijo, ekoto jo acoit nuiswamai jo.

Erai kanuka ngun nges einakinit Emoyo Lokalaunan enyilunene anyilunun ekoranakini, ka iboro, ijenete yesi nuapeleikinit eong, naarai ice...Mam ijo ikoto a...Ebulesit lokabeit loka Edeke mam ekoto aitodiaar kaNgin, teijo. Nges bo ngin. Erai ngin aitodiaara.

Nailipia oni, kijaikini oni Aanyunet. Itodiarit Ngin ebe irimarit oni kaileleba.

148 Paul elimokinit oni, ebe, "Inerasi aokot." Ngun, idiotunganan kere ejeni ebe aokot eraasi, kaitebeikin, numam epedorete ener. Erasi ngun ainyalunet. Ngin erai nakabeit? Imwasi ai ejenete ngun? [Ebalatukot, "Amen."-Ekewa.] konye imwasi ber ai ejenete ebe inerasi aokot? ["Amen."] Arai ikotosi yesi aiwadikaikin ngun, Ageun 4:10. Abala Edeke, "Ali bo onacekon?" Abala, "Kamonyia eporoto loka akeokot kakwap, iworote esuruokinitos jo." Erai ngin nakabeit? Inerasi akeokot. Aleluyiah! Abala Edeke, "Ali bo ngesi?"

Kobala, "Arai do eong ekedaran loka onaceka?"

Kobala, "Ido kereka emonyete akeokot. Ejaasi akeokot aimonye." Eraasi aanyunet. Eraasi aanyunet, ebe keponi koarai ngesi. Ajaasi akeokot emonyete esuruokinitos ngol.

149 Kwana, arai kidum jo ngin kotoma Ageun 4:10, kosodi konyet kotoma Iburanian 12:24, kogeu aisiom. Kotoma Iburanian 10, 12:24. Abala, "Inerasi Aokot nuka Yesu nuejok aitelekaarit kwa nuka Abel."

Teijo, Abel, arai ngesi etunganan loadolit. Abu ngesi kotwana. Abu ngesi kotwana, komam nuegwaunit, naarai ajai ngesi toma Orot. Ajai ngesi toma Orot, kobwoi kanuka apukokinio nateni ngin na ajaatar ngesi. Abu ngesi kolimo ngin. Apotu ngun kiworoto! Aokot nukadolitok nuka Abel apotu komonyiata asuruokin Kain.

Konye Aokot nuka Yesu Kristo, mam bon apotu komonyata, apotu kolakutu. Amen! "Inerasi iboro lukajokak." Kitaraunete yes odwe ka adwe. Kibwaari jo kama ejai anyunyura naka Edeke. Ianyu? Mam aokot nuka Abel apedorete aibwa Kain, teijo, konye Aokot nuka Yesu epedorete. Amen!

Aso, Kain emojong, kolomu kinga lolo, arai lem irai jo lo ireit Akirot, ido kobala, "Apaarasia nuka aswamisio nukapedor adautu atubor. Ibore yen erai kere abanganut," ka iboro.

Eutasi aimonye, koanyu jo. Aokot nuka Yesu emonyete, konye ejai aisioni tomaKec arai bon kicam jo Kes. Karai ti kapedosi oni asalakin neejai ngin apak adio, teijo, "Aokot inerasi ibore yenejok aitelekariit."

150 Kiyu, kanuka ayuara. Kosodi konyet aibwaikin, teijo. Kiyu kanuka...Enata naikotor jo aiyuun kanukeng. Teijo, ikoto jo ayuara kon kilopet. Iyuuni jo kanuka ayuarakon, kosodi konyet aibwaikin Aanyunet kanuka ekale kere. Ianyu? Ibala jo, "Opone ali apedoria eong aiswamaun ngun?" Kolimo Ngin! Arai abu kismama kamakon, apolouke ijo ka Akirot iraunos ipe. Amen! Amen! Ianyu? Koanyu, iswamai airotar yesi kere. Ijo ka Akirot iraas ipe, kibwaik bodo Ngin neejasi idwekon, kibwaik Ngin nejaasi luminanakon.

Bala kwa abu Rakab kiswama, abu ngin kibwaik aanyunet neejai papake, abu kibwaik ngin neejai totoke, abu ngesi kibwaik ngin neejasi iinacanake ka ainacan da, kosodi ayangaun ngul kere toma.

Kibwaik jo Ngin, kobala, "Wu Ejakait, alosi aibwapakin okooka. Ajai eong alosit aibwapakin akooka. Alimori eong ngin!" "Satan, kolacak ngin! Abunit eong aibwap ngesi. Ebwaikinit eong Aanyunet kang, Emoyo Lokalaunan." "O Emoyo Lokalaunan, loijari kotomakang, kikam akooka kanen. Alosi eong mamakeng kwana, nepepe kainyonyoikiniKon kamakang." Iswamauni Ngesi ngun. Amen.

151 Ngun kes apotu kesi kiswamata ko Misiri. Ngun kes apotu kesi kiswamata ko Yeriko.

yesi Ikotosi asiomun acie, Aswamisio 16:31. Abu Paul kolimok ekapolokiton loka erionget, "Kiyu! Arai eong ekiyakia loka esawa. Kiyu Ejakait Yesu Kristo, kitajario jo ka lukokalekon kere." Ngin erai nakabeit? Kiyu kanuka ekonitogo, koyangau kes kere kwap. "Kwana kereka ianyutu yesi Edeke lok Akuj iswamauni aswamisioit nakapedor. Erai ngin eroko atubokinio. Iyuunitos yesi ngun?"

"Eebo! Keswama anyoika"

Kotema ngesi atiar, "Konyou ido kibatisaun." Abu Paul koyanga ngol kinga kosodi aibatis nges, kobala, "Kwana kiyu Ejakait Yesu Kristo, ido ijo ka ekalekon da kitajario."

Aiyuun inyo? Kiyu Ejakait Yesu Kristo, kanuka etogokon, kibwaik Aanyunet togokon.

Doodo anyoika iswamai jo naibwaikinia jo Ngin togokon? Kolema agasia kere kinga. Kolema asikaatin nueuriaka ngun kere, ka ipalei, ka akaadin, ka isigalan, ka itelelevisionin, ka ice da bobo kere, kopeto ngul kinga aitorio okek, nailosio jo aibwaikin Aanyunet; mam ipalari kanuka ngin. Eebo, ipa. Kolema ngul kere kinga. Idaasin kere, ka ipucito, ka rock-ka-roll, ka apapulai nuesiliaka, ka iboro lueraasi lukakwapin, kopeto ngin kinga aitorio okek, kotema, "Kijai oni aitalaun aibois na kane."

Kwa abu Yakob kiswama, abu ngesi kotema, abu kolimok akeberu ka ngul da kere, kobala, "Kilotata ikusinapen ka nginibore. Kolemasi idekesio ngul awai." Amen. Yo-...

152 Ijenete yesi nuabala Yosua eringa kedokara juwai? Abu kotema, "Kilotata ikusinapen; mam ikunyakinete nejaasi angorokus, ka acie da kwangin, ido kokapakin, naarai kotoma apaarasia auni kilosi oni atubor ko Yorodan." Amen. Ajai ngesi akapanakin, auta aibwaikin aanyunet. Amen. Nges bo ngin.

Kokapakin. Kibwaik Ngin. Kiyu Ngin. Kitalaun. Koraut idwekon, korau ekalekon, koraut luminanakon, lu eanyunete Ngin kotomakon. Erai ngin nakabeit. Ebuni aswam. Eebo, ipa!

Kosodi konyet aibwaikin Aanyunet kotoma ailip, nepepe-nepepe-nepepe kapodokinite, nepepe kaiyuunit. Kibwaik ngin nepepe kamina naikoni nen, ka acie da kwangin, kiton naijenunia jo ebe ebuni ngin ayangaar, ebuni ngin aiswamaun. Kes ngun bon. Kibwaik Ngin kotoma amuno, kiyuunite ebe ebuni Ngin aingarakin. Na ineratar jo k'ikoku ngin, naineratar jo kokilenikon, ineratar ka aberukon, ineratar ka yeniminat yen, kiyuunite ebe ebuni Ngin aingarakin. Kobwo kanen aibwo bon, ido kobala, "Ejakait, adau eong alimor kes. Eraasi kesi lukang. Alosi eong adumun kes kanuKon, wu Ejakait."

Kibwaik Ngin, kosodi asubun ejautene loirigaunit jo, ebe epote bon kesi aikisokin toma kaNgin. Ianyutu? Oo, irai jo, irai jo, arai ijaatar jo kAanyunet, isubuni do jo kamakon emoyo loirigaunit jo, apedor, ebe nailosio jo, epote itunga ajenun ebe irai jo Ekristayot. Elalakinito kesi ti ijo alimokin kesi idiobore. Iyuunitos kesi akirotokon. Nuilimuni jo, edongakinis kesi mama ejaasi ngun. Ianyutu? Nges bo ngin.

153 Kibwaik Aanyunet, kosodi konyet alosenene nepepe kaNgin. Kolimo lukotogokon. Iburai jo aswam ngun kwana. Erai na apak naka atibong. Kwana idau jo apak naepol ipupi, kwana erai na apak naka atibong. Erai apak nakibwaikinet kwana. Ebuni anyunyura ainom, adiope kotoma apaarasia nu, emina araun apak naetuboro kapak kangin. Ianyu? Kibwaik Aanyunet, nepepe kamun.

154 Arai ibu jo kokote aisiom ngun, kosiom ibore kane, nakang Naiwadikatai naabu eong kewadik kanuka nu, erai kosiom Ipeson 2:12, ido arai ikoto jo aiwadik ngin. Koany, kotoma Ipeson 2:12, naisiomia jo ngun, ebalaneta, ebe, mam oni kijaanakini aswamisio nukatwak, dimarai Edeke lokajaran, nepepe kaswamisio nukajarak. Amen! Oo, ikatuan! Nepepe kaswamisio nukajarak, aanyuneta nukajarak. Iyuunitos yesi aanyuneta nukajarak? [Ebalaneta atukot, "Amen."-Ekewa.] kiwadik da, Iburanian 9:11-14, arai ikotosi yesi aiwadik ngun. Aanyuneta nukajarak, aswamisio nukajarak, kibwaik ngun!

Mere aiyuuneta nukatwak, "Alosi eong ayangaar etelepat kang okanisa kasodi aanyun ebe elomari ngesi okanisa."

Etelepat Lokristayot lokajokan kane, opapero loejokuna, epaup lomojong, ekesa loteni, ngesi-abu ngesi kobu kwap ne, aponi kibatisai. Kotema totoke atiar, "Akoto eong ti jo ilosit okanisa loepol itia, arai ikoto jo ti aibatisao." Ianyutu? Teijo, mam cut ngol akoto aiyuuneta nukatwak ka iboro. Ianyutu?

155 Mam oni kijaanakini aiyuuneta nukatwak ka idekesio nukatwak. Kijaanakini oni Edeke lokajaran Loaponi

kobukoroi AokotoKe kokau kangina, ido adaun aibwaikin Aanyunet mamawok, ebe kijari oni da. Amen. Eebo, ipa!

Siri kijaanakis aiyuuneta acie nukatwak. Egiritosi da ber ngun iboro ngul kwape nat Aanyunet. Ebalasi kesi ebe, "Atuboros apaarasia nuka aswamasio nukapedor. Aibo ejai ibore kwa kangin ebe aibatisao naka Emoyo Lokalaunan." Kanukinyo imorikikinotor jo kibore kwa kangin? Ianyutu? Siri kiswamata ngun.

Kibwaikisi Aanyunet, kosodete konyet "aijaanakin Edeke lokajaran," kanuka aswamasio nukajarak, aanyuneta nukajarak; aanyuneta nuitangaleunete ikadekak, itajarunete lukatwak, elimorete iboro sek eringa ketakana, inerasi kotoma angajepa, ijulunenete, kanginipak kodolitos ejok cut, adwaranuto ka atemar da ebe ibore yen ka ngin epote atakanun, aitodiar aanyuneta kotoma akuj kokuju, ka akwap da, aanyuneta ka nukaumokin, amen, ener cuticut nuabala Ebaibuli ebe apote atakanun. "Kijaanakisi Edeke lokajaran," kibwaikisi Aanyunet!

156 Siri kiloto okanisan ngul kosodete aimorikikin ka aswamasio ngun nukatwak numojong ka iboro luikote nen, naarai mam da ber ngul iyuunitosi iboro kwa kangul kwape aanyunet. Konye oni lukiyuunit, amen, kijeni ebe...Ebalasi kesi ebe, "Emamei ibore kwa kangin ebe aanyunet. Ngin, oo, oo, erai ngin abanganut. Nuinerasi ngul kokuju kangina, erai aijangakina naka akwes. Kanukinyo, emamei ibore kwa kangin. Kanukinyo, yes angor kanen, oo, yesi-yes, kanukinyo, mam yesi...Inyobo anapito kus...?" Iswamai ngin. Abala Ebaibuli kwangin. "Inyoin bo idiobore ikamunit ikonitima...?" Abala Ebaibuli kwangin.

Ngin, eraasi bon ngun atiakatiakaeta, teijo. ", "Sirikitiro, sirikiting, sirikiir." Erai Ngesi Edeke. Ianyutu? Kwana, ejai ngin ibore yenerai apolouke.

157 Kwana, eomitosi kesi ebe erai ngin aijangakina naka akwes. Konye mamawok lukijeni Abeit, kijeni oni ebe erai Ngin AjakutuKe nakajaran, naarai iswamai iboro kwipekwi lueswamaenene Ngesi najaar ne toma akwap. Amen.

"Oo," ebalasi kesi, "inomaritos kes ainomarit bon ebe eanyunitosi kesi Epir ngol loka Akim." Oo, mam! Oo, mam! Mam isio kinomanari idiobore.

Aomitos kesi ebe enomarit Paul Ngin ainomarit, ngesi da. Aomit Misiri ebe abu Isirael kinomarite Ngin ainomarit, konye kereka abu koyanga ngul toma akwap naka aisumunet. Eebo, cut! Mam isio...

Iburanian 13:8, ijenete yesi, "Erai Yesu Kristo ngopengol bian, lolo, ido kiton ikar kere," arai iuta jo aiwadikaikin ngin, koany, ebe, "Erai Nges ngopengol." Ngin-ngin mam erai-mam erai ngipengin...ainomaret ace mutan.

158 Naewadika eong nu kane Nuiwadikatai nuedidikanakini eong kinga ne, ajeni eong nejaasi Nuiwadikatai ngun, ido epone ngol nges alosio eong nejaasi ngun. Ianyutu?

Kojenete ebe erai AjakutuKe nakajaran, naarai iswamai Ngesi ngupengun kotoma Omoyo lo. Kwana, arai ngin kolosite awai toma aiyuunet acie araiboot ediini, kijeni oni katipet noi ebe mam kerai Kristo. Ngin mam erai nakabeit? [Ebalatukot, "Amen."-Ekewa.] Karai eong kengarenikinite yes toma aiyuunet acie arai ibore icie, ti eong arai lokeyakiunit ediini ece mutan. Konye mam eong kainunit yes aiyuuneta, mam eong ajai aisisianakin yes idiinin. Ajai eong aisisianakin yes Akiroto naka Edeke, na da erai apedor naka ajarun naka Yesu Kristo itodiaritai, mere kanukang bon, konye kanuka ngin kere yenekoto. Ianyutu? Ebe ijo...

159 Irai jo onaceka. Mam eong arai etunganan loepol, ido ijo etunganan lo idite. Kirai oni kere itunga ludidik kotoma Edeke. Ianyutu? Kirai oni iKedwe. Emamei ibore yenikijeni oni, ngun nuibusakinit oni teniteni aijen. Ecamakini Ngesi oni ajenun kwape ekoto Ngesi, ido kimalai oni Ngesi kanuka ngun nukijeni oni nuka arerengusioKe. Ido mam eong aimor nu eong bon elopet; akoto eong aimor nepepe kayes. Ianyutu? Akoto eong yesi toma kaNgin, ido akoto eong yes aijaun Aanyunet na. Ido arai eringa jo kiswamauna ngun...Luipu kayesi, luipu kakere kayesi, adautu aiswamaun ngun. Konye arai mam icie kayesi iswamaunitos ngun...

Teijo, enera eong kotoma ateepu, da, ijenete yesi. Ido luipu luka ngin...Ido ma eong abala kane kotoma okanisa; kirai oni kere ikalomunak kinga, aomit. Konye elemuni ejaunos ilukumin irwan ilukumin luepote aipup ateepu, teijo. Ido, ngin, erai ngin aijaanakin kopone. Ebeit ajaun itunganan yen idadaar alomar Yeriko, ijenete yesi, kede ateepu, aso kikoto oni aikamun Aur ngin naenerunitai sek na elomaria ngin toma nen, teijo, naarai ebunit anyunyura.

160 Kojenete ebe erai Ajakut naka Edeke lokajaran, itogogongit ebe abu Edeke kitajaru Ngol kwape kejaar AkirotoKe naesumunitai. "Apak edit mam bob akwapin kaanyunete Eong. Yeriko, Misiri, mam bobo ngul eanyunete Eong. Konye yes kianyunete Eong, naarai Eong..." "Eong," epone loenyaraikinor itunganan ilopet, nges duc ijuliratai, teijo. "Eong kijaun kayes. Eong nges Aanyunet. AjaruniKa nges Aanyunet. Aswamasio nuedwamai Eong kes kitijenarete yes, itijenaarete Eong kotomakus."

"Kwape ajaar kotoma apaarasia nuka-nuka Lot, kwape kwangin ejaunotor kotoma abunore naka Okoku loka etunganan, na elomaria Aisiiraret nakatiibong."

"Naarai ebuni Aica ajaun kapak nakatiibong. Nape eraun bala ebong, ebuni Aica aipelun." Oo, aibuses mama ejai Edeke! Ijaikinit eong aipup bala ti eong kapedo arukoria ajore ka asomar ailam arwatat. Ianyu? Ianyu? Ejaun Aica kapak naka atiibong." Erai ngin nakabeit. Abala enabi kwangin.

"Ido kijaun eong kayes. Abuni Eong ajaut kotoma atur naka Luther; abuni Eong ajaut kotoma atur naka Wesley; abuni Eong ajaut kotoma atur naka Pentekostol; konye nape edoluni apak naka atiibong, ejaun Aica." Epote idiinin amiriaar, kosodi konyet eponio aibwaikin Aanyunet. Ido lu kere lukeraasi lumunon kotau, ameun kere kwap nen, komamei-imameete yesi mam kes eponio a-a aitodolikin. Konye kotomakus...

161 Eputosi bala kwa ibusakinitor akou alosit, kanu ayangaar akeju. Ibusakinit akou alosit, kanu ayangaar akan. Ibusakinit akou alosit, kanu ayangaar etau. Ibusakinit akou alosit ayangaar akituk. Koany, ibusakinit akou alosit.

Kwana kijai oni apak nakawasia neaponi kibwaikinere aanyunet acunet naka ekek, teijo, kosodi ategerio. "Kosodido kaanyu Eong aokot, kwape eraatar aanyunet, alelengi Eong yes."

Esunyakini kwana eong, cut kwape katipet kwape apedoria eong kwana. Bala ti adakikan akany acie bobo, arai atomon, kadaunete oni.

162 Itogogongit ebe abu Edeke kitajaru Ngol kokatwak. Iyunitos yesi ngun? [Ebalata atukot, "Amen."-Ekewa.] Ejari Ngol kokidingiwok lolo. Ido "Eong" ngol erai Kristo. Ido "Eong" ngol ejaasi kaoni kiton awasia naka a...ebala ngin ebe awasia, apolouke, "awasia naka akwap." "Ajaun Eong kiton awasia naka akwap," kwape ejaar AkirotoKe naesumunitai. Abu Ngesi kisumun ngin. "Ido aswamisio nueswamai Eong iswamaete yesi da." Mam ngun erai abangaanut mamawok. Erai Ngin Aanyunet. Erai Ngin Aanyunet.

163 Kicamunit oni asubanit naka Aokot na nakalaunan. Kicamunit oni AokotoKe nuaponi koinakinai kwape asubanit, konyet koinakini...Ngol lokiinakini oni Aijar, Aanyunet, aipucet naka aisumuneteKe. Ipeson 4:30, abala, "Sirikitakadis aokot"? Mam. "Sirikitakadikis Emoyo Lokalaunan, lokolo.... yesi" [Ebalata atukot, "Kipucakini."-Ekewa.] "Itutukitere, egitaritai awai." Iraasi yesi luitutukitere. Iraasi yesi. Aanyunet, Emoyo Lokalaunan, nges ebuni araun Aipucet ngin. Arai kipucakin idiobore toma naka aipucet, ejok kanukon kinyeik aibil ngin. Mam ipedori aibil ngin, ijo, mere Aipucet naka Edeke. Mam. Ianyutu? Naarai irai jo... "Sirikitakadikis Emoyo Lokalaunan loka Edeke, lokolo kipucakini yes aipucet kiton apaaran naka alakuniokus." Naitonyounere akuan.

164 Erai ngin ikinyomit, aanyunet ebe adau ikinyomit angiun kede kAijar Namam Edaun, "Zoe, 'AijaraKang Obe,' ido abuni Eong aitajarun ngin bobo kapaaran nakawasia." Ido kwape ilosio jo, ijaatar jo katiting ebe Aijar naka Kristo ejai tomakon, ka ijo da ijai tomaKeng. "Naarai kanuka Emoyo ediopet kibatisatai oni kere toma Akuan adiopet, ido kipucakinitai toma nen kanuka Emoyo Lokalaunan," kokiding naka ikeyuunak lu kopone kalo, "kiton apaaran naitajarunia Yesu oni." Oo, ikatuan! Kibwaikisi Aanyunet. Ngin nges apolouke mamawok. Kimuno oni Asubanit na ainakin oni Aijar, ido einakini Ngesi. Kosodi konyet einakini Ngin oni Aanyunet, kasodete do oni aibwaikin Aanyunet ngin, na da erai nges Aipucet kiton...Araut-araut ikamorak luka Na, erai yen ibore yenepol neteni, araut ikamorak, luibatisatai kEmoyo ediopet lo, toma adiopet ngin nakaiy-...Akuan naitetemio aitetem bon (mythical).

Abu tope eong kalim akirot ngin ejok, Naitetemio aitetem bon (mythical)? Nakaiyeiyea (mystic), Akuan nakaiyeiyea, akuan nakaiyeiyea naka Yesu Kristo. Teijo, abala Emoyo Lokalaunan, "Ilimunit jo ngin erono." Etunganan lomam isisiat kwape eong, konye abala Ngesi, "Ilimunit jo ngin erono," abu eong kanyara "mythical, naitetemio aitetem bon," na da erai Akuan nakaiyeiyea naka Yesu Kristo. Mam eong...Mam oni kipuda aisisiat; kipuda oni Emoyo Lokalaunan. Erai Ngesi Ngol. Ianyutu? Erai Ngesi Ngol. Eebo, teijo, arai ngin...aciepak naabu kitiguik icetunganan kanenice, ekesisianakinan ece, kwana amuno eong edumuni ngesi ngin ejok. Akuan nakaiyeiyea! Ebuni araut kanuka icebore, naarai mam Ngesi tikelimu ngun. Ianyu? Ejai Ngesi ne kopekwana. Ejai cut Ngesi ne opulupit. Ejai cut Ngesi nepenen kinga. Erai Ngesi. Ianyu? Whew!

165 Ido tomaKe emamei atwanare. TomaKe emamei aiturur. TomaKe emamei ailworuna. TomaKe emamei adiakar. TomaKe emamei adek. TomaKe emamei atwanare. Kijai oni tomaKe! Arai ketam Satan aikobakin ijo icebore, kwape nat adek, bon kolemu Aanyunetekon kosodi aibwaikin Ngin. Oo, ikatuan! Kolemu Aanyunetekon kosodi aibwaikin Ngin, ebe irai ijo ibore yenika Yesu Kristo yen egwelitai. Aanyunet ebwoikinit ebe edaunitai aitac isirigin luka alositekon.

Etemari ngesi, "Naitwania jo , idaun jo cut."

Kotema jo atiar, "Ibiroro jo. Kijaar eong ka aswamisiot naedaunitai agwel. Kijaar eong kAanyunet."

"Inyobo Aanyunet?"

Ejeni ngol ibore yenerai Ngin. Siri, siriboliar ngol. Ejeni ngesi ibore yenerai Ngin. Kwana, ipedori jo ener mama ejaasi icie kotoma ikalimonokinak lu, ido itepegete ngul jo. Mere Satan; ejeni ejok itia. Ianyutu? Oo, eebo. Abu ngol kosuruok Ngin, irwan aarei arai auni, ijenete yesi, ido abu kiswamau aibucaret, naka acodun. Ejeni Satan ibore yeninera jo nukeng. Bon kitodu jo Aanyunet ngin, eporori ngol. Eebo.

166 Nuiduporitos ngun, nges bo inyo? Erai Ngin ibore yenipucakinitai. Mam ngol epedori aibil ngin angaar, ido konyet ainakin icebore kotoma kanen yenimam edolit. Kotema, "Kolema akaninikon awai! Ipucakinitai eong." Oo, ikatuan! Ibore yenipucakinitai! Eebo, cut! Kigwelunitai ijo. Koting Aanyunet kokuju naka aiyuunikon namam ijanganakin kotoma aisumuneteKe, koany ngol elosi. "Ailip naka ikadoliton epedori noi aswam!" Ianyutu? Ianyutu? Koting Aanyunet ngin. Erai kanuka ngun nges ejaar Ngin. Satan ejai nen kanu acodunun jo.

Ajai ngesi Misiri, kanu acodunun.

Kanukinyo, ijenete yesi, apaaran ngin naebwaikinia Rakab naadote ngin...Abu naadote kikajak ausi ngin nen, ausi ngin, enomarit eong ebe apotu icie kotoma osirikaalei kangul kokienatar ka aboliar, kobalasi, "Aberu ngin amojong na ijangakina akou kalaingol! Ejangakin ngin akou. Kongolek, ejaatar ngesi ka ngin toma nen. Ha, ha, ha! Kanukinyo, iiritotor tope yesi apupun ibore kwa kangin? Kanukinyo, abala Dokita Jones, kokwap kalailo, 'Aibo ejai ibore ejai nen.'" Konye kereka ajai, naarai ekiyakia loabunit kaneejai Edeke nges abu koyangau aisiiraret kosodi alimokin kes.

167 Ti kereka jo kipedo ainomar ebalas Imisirian, "Esubit bala...Ebe, kongolek ber jo atukot ngin naka lukalaunak luikerep ibelibelosi, ebwasitos aokot! Ha, ha! Mam kereka eraun kamakec ationis ailotar ngun kwana! Oo, ikatuan! Irieria ngul lukapolok luelaete kere eraparitosi aokot! Oo, abosus kwa kangin! Akoto eong alimokin yes epote ngun araun nuerokiaros kotoma apaarasia nuikidioko. Mam ber ngun eraun apoloukec idiobore. Ijenete kanukinyo? Papa lokalaunan Mutan-ka-mutan abala kwangin." Konye ajai. Kejai. Arai apolou kangun icebore.

Ejai ngin kapolou mamawok oni lukiyuunit. Ianyutu? Bonibon kiitu aiyuunikon namam ijanganakin naijaatar jo kotoma AkirotoKe! Kwana mam kereka jo irai Keba bobo. Ianyu? Mam ijo idiopet kotoma luebuonokinos lu, ido, eebo, ecamanaros kaSatan. Itingit jo Nginikirot naka Edeke. Ianyu?

Abu Keba kotema, "Eebo, abala Ejakait kwangin!"

Kotema Satan atiar, "Konye kereka, ijeni jo, kaitebeikin mam cut Ejakait ebuni aswam ibore kwa nat kangin mama ejai itunganan yenejokuna kwape kajo. Oo, ilai jo noi. Mam cut Ngesi epedori." Oo, eebo, iswamauni, da. Abala Ngesi ebe abuni aswam ngun.

"Eebo, arai kereka papa ekejaanakinan. Arauna eong da ekejaanakinan." Eong-mam eong apedori aingarakin ngun. Arai emamei Aanyunet iwoliorit jo. Ejai anyunyura adoikin jo, teijo, kodaunos ngun, arai emamei Aanyunet. Ianyutu? Eebo. Abala Ngesi ebe abuni aswam ngun, ido ebuni Ngesi aswam ngun. Ngin, erai cut ngin naedauni ngun. Ebalas Ngesi ebe ebuni aswam ngun.

"Oo, eyuunit eong apaarasia nuka aswamisio nukapedor..."

Eebo, konye abala Ngesi ebe mam kerai. "Eong ngopengol bian, lolo, ido kiton ikar kere," teijo, erai cut ngun kes nuitogogongit Ngesi ebe erai.

168 Kwana, mamawok, kijeni oni ngin. Mamakec, mam kes iyuunitos Ngin. Konye oni kiyuunit Ngin. Kijeni oni ebe erai ngin Abeit. Ianyutu?

Kwana, ajaut tom kangin, kiraun oni atutubet naka Akirot. Kosodi konyet kiyangaari oni Aanyunet, Emoyo ngol, kuju naka aisumunet, "Arai Eong Ejakait loketangaleuni jo."

Kwana do kokapakinokos kanuka aijaanakin naka aitangale akuare na. Ianyu? Kolem Aanyunet kikajak Ngin kuju naka Akirot, kaiyuun kon ngin namam ijangakin kotoma Akirot ngin, ilomuni jo kinga. Kwana, Erai ngin-erai ngin nges ibore yenibwaikini ngol kinga, naarai kotomaKeng emamete kwa ngun.

Karai ti eong kapedo aijaikin ajenanut nepetai kopekwana, mama iboro icie luanyunun eong etakanunenete kosabitin idis luatuboros. Ianyu? Ianyu? Oo, ngun nu tikejaik eong ajenanutukec!

Ijenete yesi, ido abala Luka, "Karai ngun kere nuabu Yesu kiswama kibwaikina toma oitaboi, e...amameete iitaboi lutikilesikinos kakwap aiwadikaikin ngun."

Bonibon nu aanyu eong kotoma aijaanakinika elopet, nu aanyunit eong Ngol iswamai, mam jo tikipedo aiculakin iitaboi otut lo kane. Karai eong aiwadik kotoma aidules nu aanyunun eong Ngesi iswamai kotoma aijaanakinika elopet ber bon, aanyunun eong Ngesi iswamai ngun. Ianyu? Abu Ngesi kokerianar kotoma aijaanakinika itia naabu Ngesi kodum kotoma kanaKeng Obe. Erai ngin nakabeit. Ejakai aikam na kotoma ateepeu. Kwana kereka, kiitutu, akierianar Ngesi kwana itia, mere kereka eong; Ngesi nges abu kojaunotor. Aibuses! Aleluyah!

169 Abu Ngesi kokerianar ko Jeffersonville itia naabu Ngesi kodum ko Nasaret. Abu Ngesi kiswama koibuga ngol lokaronon ka oibuga da lo lokaronon. Amen! Aibuses! Naarai, "mam Ngesi apedori aswam aswamisiso nukapedor kangina," konye abu Ngesi kiswama kane. Abu konyet Ngesi kawasia kopedo alomun, kane. Abu Ngesi kopedo aswam ngun kane. Aciepak abu koraun Ngesi adumun itunga kanenice, konye Ngesi-abu Ngesi kiswama, karaida biai. Aso, abu Ngesi kokerianar kane itia naabu Ngesi kiswama ko Kaparanaum arai- araiboot ko Nasaret, kotoma kangun. Abu Ngesi kiswama aswamisiso nukapedor nuipu kane kotoma okanisa lo itia neabu Ngesi kiswama kotoma aijaanakiniKe kere kotoma akwap. Erai ngin nakabeit, abu Ngesi kiswama ngun. Kwana dobodo biai kanuka nece neideuna kotoma akwap? Oo, ikatuan! Kwana ngun nges abu Ngesi kiswama.

Kwana kiitutu, "Ngesi" iswamat. Kwana kereka mam ngin ebala ebe eong nges abu keswama ngun, teijo, mam, naarai mam eong abu keswama ngun. Mam cut eong eswamat. Abu bon eong kamina Ngesi kasodi bon aijaikin elopet mamaKeng, kasodi alimunun nuabala Ngesi, ido abu Emoyo Lokalaunan kolot mama ajaasi icetunga ido apotu ngul kiyuutu nuabala Ngesi, kosodi do abu konyet Ngesi kiswama aswam. Kodaunos ngun.

Arai bon Ngesi kopedo aijaikin oni kere aiyuun ngun! Anyoika kereka tikiswama Ngesi karai kopedo Ngesi aijaikin oni kere aiyuun ngun kopekwana, nakabeit? Mam tikejaun idiotunganan yenilejekek kane koibuga.

Kotingite Aanyunetekon kokuju naka aiyuunikon namam ijangijanga kotoma AkirotoKe naisumunitai, ido eyouni Satan alosit.

170 Abu kolo Edeke irwan acie kijaik akwap aanyunet acie; kerai ngin etaluka. Iitunitosi yesi ngin? [Ebala atukot, "Amen."-Ekewa.] Eringa Ngesi, eringa esalit erai lomunot mama ejai aanyunet ngin, naarai abu Ngesi kijaik ngol kwape aanyunet. Ilukumin lu kere luka ikar, mam cut Ngesi emenitor aitodiar aanyunet ngin. Ngin erai nakabeit? ["Amen."] Kanukinyo? Ijaikinit Ngesi ngin ayongio. Ngesi nges abu kijaik ngin. Abu Ngesi koinak akwap aanyunet ebe mam bob Ngesi abuni amudiar akwap kede akalele. Ido esalit Ngesi ikar, kikar, ageun kapaaran kangin, itodianarit.

Ejaasi iboro toma okwam nen, luiswamaunete etaluka ngol. Naetepia akiru, kosodi akolong alomun kinga, nges itodiari ngol. Itoonikini akolong akiru, aso abu Ngesi kibwaik etaluka nen kanu aitogogong ebe mam ejaunos bobo akipi nuilesikinos acakun aakwap kanu amudiar ngin bobo. Ngin nges aitutuketeKe. Erai aanyunet. Abala Ngesi, "Ainakini yes ngol kwape aanyunet."

171 Abu Ngesi kolimo aanyuneteKe. Abu koyong aanyuneteke kotoma apaarasia nuka Noa. Eringa Ngesi itodianari ngin kopekwangin. Abu Ngesi koyong aanyuneteKe ko Misiri. Abu koyong ngin ko Yeriko. Eyongi Ngin lolo. Kanginipak kere eyongi Ngesi aanyuneteKe naitodiaritere ngin.

Ilukumin lu kere luka ikar, alalakinit Ngesi aitodiar aanyunet ngin. Mam cut Ngesi imurwokini ngin. Mam cut Ngesi imurwokini aanyuneteKe. Kwana mam akiro arai etia ai akwap ijulanakin, esalit etaluka ejai nepenen. Teijo, itopoloorit Ngesi aanyunet.

Kwapekwangin iswama Ngesi kwana, itopoloorit Ngesi AanyuneteKe. Mam akiro arai etia ai ekanisa ijulanakin, arai etia ngesi ai iswamai nu; esalit Edeke itopoloorit AanyuneteKe, ngin bon. Itodikinit ngin oni ebe mam Ngesi emeni aitodolikin nuiswamai Ngesi ka ngun da nuelimuni Ngesi. Kicamunit oni, oni-kiyongit oni Ngun. Eong ayongit.

172 Emuno Ngesi oni da aitodiarit AanyuneteKe kokuju naka aiyuuniwok, mama ejai Satan kosodi kere atukosiake numam iyuunitos ka idiinin, ebe kiyuunit oni ebe erai aisumuneteKe nakabeit, ido ebuni Ngesi aswam ngun nuesumunit Ngesi ebe abuni aswam. Engol kanen Ekanisa.

Mam erai nakaumokin ebe amen kesi adolokin neebeitor ageunia kokinga kangina, kwape kinyaritor ngin; kitimoi kanuka alimunet kangin. Mam erai nakaumokin ebe mam kes edolete nenice kilema abongor toma odiini kosodete aiswamaun atukot naka itunga lu-itanapitai, lu-iputaritai, luecobe, luisisiatos. Mam edolete nenidio kere, naarai ngun kes itodiaritosi kesi, "Ari eong loka Methodist. Arai eong loka Presbyterian." Ngun bon kes eraasi kesi.

173 Konye ikeyuunak eyangarete Aanyunet! Ido ngun nuabu Yesu kiswama ko Galilaya, iyatakinit aswam ngun kwana kotoma aitodiarioKe naka Aanyunet, naka Emoyo Lokalaunan abongun mama ejai Ekanisa, naarai mam kerai aswamisiso nuka ikiyakia, kerai aswamisiso nuka Emoyo Lokalaunan kotoma ikiyakia, ido kerai ngin Aanyunet.

Ebalasi kesi ebe apotu kojenetu Petero ka Yokob, kwape kesi...Petero ka Yokana, naetorioto kesi orute loanyaritari Lokajokan, kwape keraatar kes luemamei aijen. Acepak apotu kotemasi atiar, "Tit, aida mam, tote, kiyap, koom, kibwok. Kalimokini jo nu." Ianyutu? Acepak ajaatar kesi ka akiro numam kesi apedorete amisiikin. Mam aciepak kesi ajenete atiaketait, ngun kere-e...eimare kere loka Naiwadikatai Obaibuli. Konye apotu ngul kojenutu ebe kejaasi kesi ka Yesu. Apedoritos kesi aitodiarit Aanyunet ngin, naarai Emoyo ngopengol ajai neajai Ngol, eringa aibubukinioKe, ajai mamakec akaulo naka ajarun. Amen!



174 Apolouke itarauni ngin Ngesi Iburanian 13:8 "Erai Yesu Kristo ngopengol bian, lolo, ido kiton ikar kere." Engol kanen epone lokijenja oni ebe ejari Ngesi. Naarai kanukinyo? Opone ali kijenunia oni ebe kijari oni? Naarai ejari Ngesi. Ido naarai kijeni oni ebe kijari oni, erai naarai kiputo oni ka Ngesi, ido kijai oni tomaKe. Ido abala Ngesi, "Naarai ajari Eong, ijarete yesi da. Eong nges ngopengol," kotoma Apukokinio, "abu katwanite, ido koany ajari ikar ka ikar." Ido arai-arai kitwaka oni mamawok ikulepek kasodete ajar kotomaKe, kijari do oni ikar ka ikar. Kosodi konyet AijaraKe kotomawok erai cut bala ajar naka idiobore ice kere, itodiarit ibore yenikerai Ngesi. Ido ngin itarauni Nges ngopengol bian, ka lolo, ido kiton ikar kere.

Kwana biai ipedoria jo, arai egiritosi kesi Ngun? Mam jo ianyu "aswamisio nukatwak"? Kijaanakisi Edeke lokajaran, kanuka Lomam Edaun...Apeleikinit eong, aitutuket naka ikar kere naka Aijar ngin nakejai toma Aokot nuka Yesu Kristo. Kwana do kilosi, angetakin, Eong...Ejok, eyuunit eong, eraun cut oni apalar. Teijo, aitodiarit Aanyunet naka asianutuKe, AminaKe! Kwana, arai mam Aanyunet na ibwaikinitai...

175 Kwana, erai Aanyunet. Inyobo Aanyunet? Erai Aanyunet ejenunet loka apesen na adaun aitac. Etiai lo epudai edaunitai aitac. Etiai loka aitajariowok arai atwanare, teijo, ido amamei yenapedori aitac kilema Kristo bon. Ido mere e-emoyo loka ediini, mere emoyo loka ipaapa, mere emoyo loka ediotunganan arai lokalaunan ecie; konye Emoyo loka Yesu Kristo, kOkanisa, nges erai Aanyunet ebe adaun aitac apesen ido abu Ngesi kitodolik kere nuepuda Edeke, ido oni kede Ngol kirai ipe. "Kapaaran kangin ipote yesi ajenun ebe ajai Eong toma Papa, Papa da tomaKa; Eong tomakus, ka yesi da tomaKa."

Kibwaikisi Aanyunet! Kibwaikisi Aanyunet naka ajaruniKe. Ngin, naarai aponi kitajarunai Ngesi kanuka aitojokio wok, abu Ngesi kitajaru oni da nepepe ka Ngol. Kwana da kiboie oni kotoma aiboisio nukotoma Akuj, kotoma Kristo Yesu, kokwap naka eidicane loka Aanyunet.

176 Kwape eboio Isirael kangin, kwabo kojai elulu elosi akonye, kokinga korot, amamei cut kesi ibore abeitor aiyalongong. Ibore bon, arai ajenunit ejok cut ebe aokot ngun, aanyunet ngin, edeleleete ne teni.

Ngin nges bon ibore ibusakinitor oni aiyalongong kopekwana. Ejai ationis ebunit a- ejai orot, ebunit, ipapero. Mam ebuni ayangaikin aojau, ebuni ationis ainom. Ijenete yesi ngun. Koanyu ejok cut ebe etakani Aanyunet. Ido Aanyunet nges Emoyo Lokalaunan. "Naarai kanuka Emoyo ediopet kibatisatai oni kere toma Akuan adiopet, ido kitarau ikamorak luka aibusesuKe," kotoma Akwap wok, Ore, kiwonyakisi kwana alosit Aakwap naka aisumunet.

Iminasi yesi Ngesi? [Ebala atukot, "Amen."-Ekewa.] Iyuunitosi yes Aanyunet ngin? ["Amen."] imwasi bo ai ekotosi atemar atiar, "Oo, Onac Branham, kilip kanuka, ebe kabu eong toma kwap naka Aanyunet kana"? ["Amen."]

Ketuluroto akwesiwok.

177 Ejakait Yesu, Ijo Loisiana Kakere! Najaar akwap toma adiakar, kwabo komamei yenapedori aingarakin, Edeke, kotoma aitim, itodiarit sek, kanuka aituput, ebe abunit Aanyunet naapedori alemar adiakar awai; mere bon airap ngin, konye apedori alemar ngin awai. Ido abu Yesu kobu kotoma apak nakajokan, kosodi abukor Aokot, AijaraKe Obe, alemar...aiswamaikin isio alucet kanuka adiaakanaretakosi, kosodi konyet ainyakun Ngol aijaikin kotoma aput naka Emoyo Lokalaunan, lo da kwana erai Aanyunet naibusakinit kidaritete mama ejai Ekanisa aitodol naebunio Ngesi. Naarai abala ekiyakia Petero ebe, "Aisumunet erai mamakus, ka idwekus, kangul da kere luelwaka, kere luebuni Ejakait Edekewok anyaraun."

Ejakait, kanuka asianutuKon, aingarakinio Kon, alimorit eong nginitunganan kere yeniirari Aisiiraret na. Alimorit eong kesi kanuka Edeke, elipit eong Ijo, wu Ejakait, airotarit kere luejaas ne atupuruc na ka ngul da luepote aiirar kateepu. Ido arai ejai Ikinyomit kanenidio, ngin yen enerunitai sek, wu Ejakait, aiirar Akivot naka apaaran na nakawasia, kopotu kwana do kesi, kajijim ido kaitasiono da, kosodete aiperikin ainakinetakec kwap komusalaba, araiboot kesi ikulepek, kwape ainakinet naka asianut naka Edeke ngin na anyarau kesi. Kileleunos kesi kede Emoyo Lokalaunan kosodete aitodiar Aanyunet naka Aijar naka Yesu Kristo kotoma ajaruniKe, alemar bon naesalitotor kesi ne aakwap. Kocamak ngun, wu Ejakait.

178 Akiro nu, wu Ejakait, mam bo eong acepak enerit Kes kopone loejok. Ido arai mam eong, elipit do eong ebe koyanga Emoyo Lokalaunan Akiro ngun kosodi aijaikin Kes kopone loibusakinitor kijaikinai kes, ebe epote itunga amisiikin ka ajenun da, komamei, komamei aimod. Ido kojenutu kesi ebe erai amina naiteteni. Ido ebe kojenutu kesi ebe erai kanuka esawa lokijari isio kotoma, ka abunore da na eyapie naka Ejakait, ido kiseseni isio akimian nukarengak imiliunenete, kakwap kere, ebe aapu apak.

Kodumutu itunga Emoyo Lokalaunan apaaran na! Elipit eong, ido ejaikinit kesi mamaKon, Kokiror loka Yesu Kristo. Ido koraun Ngesi Aanyunet mamakosi alemar bon naijaria isio, na da ibu Ijo kisumun ebe abuni araut. Ti erai naepatana ailip ngun, naarai ibu Ijo kisumun ebe abuni Ngin araut, ido ajeni eong ebe ebuni Ngin araun. Kokiror loka Yesu kilipitor isio. Amen.

Kwana, kede aokokwes elurete, apak edit.

179 Nepepe kaiyuun, keyuunite, adau eong ailip kanukus, kopone kere loajenia eong. Eong-abu eong kelip kainakina, kede kere nuajeni eong epone lokilipet ngun.

Kongolek, ajeni eong ngun. Ijeni jo inyo? Erai idiopet kotomon kus ka ainakineta kes ajaria eong. Erai agangat kus, kane kokanisa, ebe kijaar eong ka itunganan mutan yenibusakinit alimonokin mamake. Erai aminakus, ka nuka "amen," kus ka eidicane kus. Kosodi akirokus nuka asianut kokiding kokinga kangina kakwapin kane ilosenenete yesi, obukui lugelegela anatar ateker kere, erai akusikiro kes ingarakinitos ayanganar Aisiiraret. Erai yes. Kirai oni ipaup kotoma kanu, nepepe ka Kristo. Kirai oni iinacan ka ainacan, ido erai Ngesi Ekabaka wok. Amina eong yes. Eong-eong-eong-eong, neajai eong, akoto eong yes da ajaun. Akeri eong kemotoka airiikin akwap na, kanu einer mamakus irwan ipu. Kemuit eong airiamun kayes kane Nasabiti tupuruc. Amina eong yes. Abu duc eong kamina yes. Kacepakio ibusakinit eong ener kadedeng ne teni erai bon ngin kanu aiteten. Koany jo, erai bon erai bon naarai amina eong yes, teijo, ido mam eong akoto yes atwaniar Ngin. Yes, mam ibusakinit yes aswam ngun.

180 Kwana, kajijim cut ido kaitasiono, kotoma otaucon, ktoma aidules, kocam Ngol. Kotema, "Ejakait Yesu, kopekwana kolema ngun kere nuejaasi tomaka, ngun numam eputosi kaJo, ido kocamak eong kalema eitur kang kere, ngun kere nuejaasi tomaka, eong-acakari kwana eong ngun, wu Ejakait. Apetori cut eong ngun kinga. Kosodi Emoyo Lokalaunan loejijim loka Edeke, bala ajele, kolot kosakasak kotoma aidules kang. Eong-akoto eong aijar Ikar kere, wu Ejakait, ido akoto eong Ijo aingarakin eong kapak kana. Koinakinai ngun kwana."

181 Kwana kwape ijaatar yesi ilipite, ido kilosi oni airukokin ekosio lo, araiboot aiyo nges motimot, nepepe, Amina Eong Ngol. Ido, kiitunitos, ebuni ngin kanuka amin, naarai erai Ngesi amina. Kwape ajaar eong ekeit akakanin kokuju naka iitabalan kalu, naarai kopedosi acepak itunga adumun kesi eringa akwap kewara.

Amina eong Ngol, Amina eong Ngol  
Naarai Ngesi ageuni amina eong  
Kogweluni da akaitajario  
Kokitoi loko Kalvari.  
Amina eong Ngol, Amina eong Ngol.  
Naarai Ngesi ageuni amina eong,  
Kwana kijaik aijarakon neejai Ngol.  
Kogweluni da akaitajario  
Ko Kalv-...

Komina, komina, komina Ngol. Koany nuabu Ngesi kiswamaik jo. [Ageu Onac Branham airukokin Amina Eong Ngol-Ekewa.] Erai kanuka amina. Amina eyangauni arimaanut. Amina eyangauni eisupane. Amina eyangauni edukone. Ido nen nges ne itebet oni: Onyamat lukatiibong luka Edukone loka Imerekek. Apupi eong Eketajaranika iworoi, ebe emina Ngesi eong, da. Eong da! Eong...

Cut etaukon kere, kopup cut Ibore yeniteni ebuni ejijim tomakon. Erai ngol Emoyo Lokalaunan.  
Naarai abu Ngesi kogeu amina eong  
Kosodi agwelun aitajarioka  
Kokitoi loko Kalvari.

182 Arai..ekiari eong akakanin, nepepe kitunga luepupete, nepepe kayoore. Arai adiakarit eong, arai eswamat eong idiobore yenerono...

Ajai eong ailip kanukus kwana, keong da elopet.

Arai eswamat eong idiobore yenerono, akakan mamaKon, wu Ejakait, apolouke ebe mam eong akoto aswam ngun. Ido ajeni eong ebe auta eong atwanare, wu Ejakait. Ibusakinit eong anyoun kakwap kana, kotoma aputo naka akuan. Akoto eong airiamun kaJo. Akakan apolouke ebe kolema ngun, wu Ejakait. Kileleb eong kEmoyo. Koinak eong Aanyunet naka aminaKon mamakang, Emoyo Lokalaunan, loeinakini eong aijar kajijim, kaiyapaara, koinak kajar eong Aijar ngin naajai toma Kristo; ebe korau ekatau loenokie kanuka luce, ebe ebuni araut naecicing eong aiyengun, apaaran ka akuar da, aitodol napedoria eong adumun nginitunganan kere yen apedori eong. Abuni eong asubit bala ikiyakia ko Yeriko; alosi eong neejai nginitunganan yen apedori eong, kasodi aanyun arai apedori eong ainakin kes aponare kwap naka aitutuket naka Aokot, kwap naka Aokot nuka Imerekek, tetere kesi da edumunete Aanyunet.

183 Teijo, aokot italaunete. Emoyo nges Aanyunet ebe adaun Aokot aibwaikin. Ianyutu? Emoyo nges Aanyunet ngin ebe adaun Aokot aibwaikin. Aitodol naibwaikinere Aokot, e-e Emoyo ngol mam epedori abunore. Konye naibwaikinere Aokot, kanen do koraun Emoyo Aanyunet, aijukun nges abongun neijai jo, ebe aiyuun kon kotoma Aokot adaun acamun, adaun etiai loka erotokon aitac. Adaun aitac etiai loka erotokon aitac. Adaunos do ngun. Adaun emusago. Irai jo Ekristayot. Irai jo ikeyuunan. Ejai Kristo tomakon, ka jo da ijai toma Kristo.

...kogeu amina eong  
Kosodi agwelun akaitajario

## Kokitoi loko Kalvari

184 Kede ikusitauon ebilakina kwana kakonyen nuka Edeke; ekecokonikus, Onac Neville, nepepe kakekiro nugolokinet ka ngun da nuelosi ngesi alimun.

Kiitunitos aijaanakineta lolo kuare, aijaanakin naka aitangale. Kopotu sek. Kageutu ber oni esawa ediopet, kocamakis eong ajaun otut kosawa ediopet-katutubet. Ngin ejokuna, Onac Neville? [Ebala Onac Neville, "Ejokuna noi."-Ekewa.] Kwana kilosi oni ajaun kaimor nakalaunan, teijo, akuare na. Kopotu!

Ajoset kana, kosalakisi cut nepepe kaNgin. Sirikijalakis Aisiiraret na enyouni. Kiitunitos, mam cut ijalakinete Aisiiraret na enyouni!

Epote Aokot araut Aanyunet ebe aponi kijaikinai Aijar. Teijo? "Kaanyu Eong Aokot, aelengi eong yes." Emoyo Lokalaunan nges Aanyunet ebe adaun aibwaikin Aokot otaukon, ido erai Ngesi Aanyunet ebe adaun Aokot aibwaikin. Arai mam cut ngun ibwaikinitai, apolouke do mam Aanyunet ebuni. Imisiikisi yes? Kotemasi "Amen." [Ebala atukot, "Amen."-Ekewa.] Ibusakinit ber kibwaikinai Aokot, kosodi konyet ebuni Aanyunet. Erai Aanyunet ebe Aokot nuka alakunio adaun aibwakin ido adaun aitac etiai loka erotokon. Kisirereng Edeke yes. Onac Neville.



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7